

JOAN. TOBIÆ GEISLERI,
Miletensis

De

STATU POLITICO;


Secundum Præcepta
Taciti formatô ;

Scriptum Melotema.



AMSTELODAMI,
Apud JOANNEM JANSONIUM.

M. DC. LVI.



Ad

LECTOREM;

LECTOR AMICE;

Satis prudentia civilis ha-
tenuis haustum, clamabis,
verè clamabis. Nec enim
sine farragine Præceptorum Ordo
Politicus. Scripsere multa litera-
tiores Viri, iique magni, quorum
etiam edecumata scripta loquitur
& miratur jam Universitas no-
stra. Ideò calamum feriarì jussi
Novâ spe autem excitus vel co-
ramen hoc meum doctiori orbi
gratius fore, nolui tacere, sed per
mea Me etiam Meditamenta uti-
lem, utinam utilem! offerre desi-
derantibus. Habes autem Medi-
tamenta ex Tacitò Politicorum
supremo Magistro, habes canones

AD LECTOREM.

& axiomata eruta pro statu & statu Ratione. Quia is monstrat statum, quia explicat versuras & flexuras Statûs, ostenditque machinamenta; brevibus, quia Taciti oculus prudens & perspicax oculus, ideo amplexatus hos labores: Principem, Ministros, Populum indagat, & quomodo istum molliter tractare, illos fideliter habere, hunc firmiter formare debeamus, temperare verò omnes. Nihil de ipsâ Republicâ dicam, nihil de Naturâ, Moribus, Actionibus Regentium, Obedientium; non tacet noster Tacitus, quando tacitis consiliis finguntur actiones, quibus prudentissimum objectat sufflumen, ubi alter in Recessûs animorum penetraverit: Omnia pro civili Statûs Bonô explicat

AD LECTOREM.

plicat illustre ingenium. Lege itaque Lector, quæ vides multæ curæ in hoc parvò libellò. Lege, sed sine affectu adversus Scriptorem. Si vides oculis tuis, quæ forte an aspera forent, si censes iniqua Menti civili vel animæ Christianæ; priusquam judices, rimare finem Scripti. Non enim te lædere, sed ubi lædi forte possis, quantum in me, Tibi exhibere promissimè discupio. Ipse Ego sum Christianus, & Christiani nihil à me alienum volo. Planè damno dolosos Politicos flexus, & quicquid in perniciem aliorum moluntur injustâ regulâ, propriæ tantum salutis cupidi. Interea Tuâ etiam & Meâ interest, ipsorum fucatos animos scire & introspicere, ut intelligas, Verba

A 3

ipso-

AD LECTOREM.

*ipsorum deviare à verò animo
 & decentibus actionibus. Inter-
 est, obliquum Statum intelligen-
 re, & prodest contraria formare
 sinistrè eunti Statûs Hosti, quæ
 cautè exponit noster Apex &
 Culmen temperati Statûs, sapiens
 Tacitus. Si ita prudens Rerum
 & Actionum, si Statûs intelli-
 gens, si temperans, inter preci-
 pites casûs, quibus subjecta Respu-
 blica, merebere verendum No-
 men Politici, & salutarem fa-
 mam benè dispositi Regiminis.
 Hanc ut non fingo, ità Te, Le-
 ctor Amice, modò rogitò, ut
 Præcepta mea, & Præceptorum
 Scopum attendas. Licet enim il-
 la brevia, licet hic non benè
 expositus, multa tamen paucis
 dicere necesse habui, cum me
 suc-*

AD LECTOREM.

succinctum voluit, imò jussit Nomen parvi libelli. Exiguus hic, ut ipse cernis, sed si per ingenium tuum, per Rationes, per Exempla Præceptorum longiorem feceris, nec Ego dicam Tibi scripturus, nec tuas reprehensurus cogitationes. Præsentia boni consule, & si te benignum meo labori videro, veluti expeto, videbis & audies me occupatum tui Gratia enixissimè. Fave interea operi & operæ, & Mentem animi æstima, si conscriptum nauseas fastidisque Meletema, quæ solum indagavit Statum, quæ veram, si non invenit, quæsivit tamen Status Rationem, ut Respublica tua maneret intacta & illibata. Civile factum, ubi civilia tractamus & omnigenam Populorum

A 4 salu-

AD LECTOREM.

*salutem & grande Incrementum
scrutamur: talem quisquis audet
rodere animum, sine animò il-
le, & stigma circumfert sini-
stri Iudicii, inustum justissimè.
Vale.*



JOANNIS TOBIÆ GEISLERI,
Miletensis

DE
STATU POLITICO;
secundum Præcepta
Taciti formatô.

In Nomine JESU CHRISTI!

CAPUT I.

De Definitione Statûs Nominali.

NOTÆ.

- §. 1. *Præfatio Autoris, & Commendatio Studii Politici sed brevis.*
2. *Quid in omni Definitione Rei alicujus observandum.*
3. *Etymologia Statûs examinatur: ubi, quid Vocabulum Stare, & Politicis & Ictis.*
4. *Inter Græcos quamnam Statûs origo Grammatica, & Acceptio: & num Aristoteli nota fuerit Ratio Statûs?*
5. *Ratio Statûs num ab Italis primùm inventa?*
6. *Status Vocabulum quales habeat Consignificationes.*
7. *Status quot modis accipiat.*

A 5

8. Sta-

8. *Status quoad Rem quid significet ?*
 9. *Status Personarum quid innuat : vel Genus vitæ, quod Persona agit, vel inhaerentem qualitatem communem, vel singularem dignitatem : ubi : Quid Questio Status.*
 10. *Specialiter quomodo Status Vocabulum accipiat, vel κατ' ἐξοχὴν, vel propriè.*

1. **D**iscursus de Statu Cibus est Stomachorum magnorum ut cum Antonio Perezio Besoldus in Prolegom. ad Politic. judicat. Ideò huic Materix scribendæ non defuere decorâ & eximia ingenia, quæ colit Politicorum Chorus omnis. Hinc quid Ego ipse, qui

ἀπ' ἐλέμεθ' καὶ ἀναλκίς
 Οὐτε πολ' ἐν πολέμῳ ἀναείθεμεθ', ἔτ' ἐνὶ
 βελῇ?

Verùm, cum optimum actione rerum & Reipublicæ tractatione & officiis civilibus se detinere, imò animum ad rerum civilium certamen parare, longè pulcherrimum : qui enim utilem se efficere Civibus, Mortalibusque propositum habet, simul & exercetur & proficit, ut censet Advocatus bonæ mentis Seneca cap. 3. de Tranq. Anim. En ! Ego illud optimum & pulcherrimum eligens prodesse tibi volo, ut proficiam, si non voce, non consiliò, tamen Ingeniò, quando de S T A T U scribo.

2. Omnis

2. Omnis autem, quæ à Ratione suscipitur, de re aliquâ Institutio, debet à definitione proficisci, ut intelligatur, quid sit id, de quô disputeretur. *Cic. lib. v. offic. pr.* Τῶν γὰρ πρὸς ἐκείνῳ μέθοδον φιλοσοφῆναι καὶ μὴ μόνον ἀναδύεσθαι πρὸς τὸ πρῶτον, οἷα εἶναι τὸ μὴ παρῶν, μηδὲ π. καὶ ἀλείπειν, ἀλλὰ δηλῶν τινὲς πρὸς ἕκαστον ἀλήθειαν, 3. *pol. 5.* Quibus servatis & Nominationem Statûs præmitto, & cognatam significationem, & tandem Errorum Matrem Æquivocationem, quam tamen ultimam ex tricis variarum acceptionum explicaturus..

3. Nomen Statûs à Stare venire, & ille scit, qui primas didicit Romanorum literas. Verbum hoc nec sine ambiguitate. Quandoque enim Consistere significat. Sic *Cicero orat. pro Cn. Planc.* Stare omnes debemus, tanquam in Orbe aliquâ Reipublicæ. Non diutius Imperium hoc stare potest, inclusis illis in Republicâ pestibus. *Id. orat. pro Syll.* Ipsò, scilicet Verre, absolutò Rempublicam stare non posse, credit dictus Romanorum Orator, *lib. 1. in Verr.* Ita Tiberius apud *Tacit. l. vi. Ann. c. 30.* Getulicum incolumem multâque gratiâ relinquit, reputante eò, publicum sibi odium, extremam ætatem, magisque Famâ, quàm vi stare res suas. *Liv. lib. 5. dec. 1.* dicit, stare Rempublicam, manentibus in Magistratu,

tu, Sergiis, Virginiisque non posse. Roma se securam non speravit fore, si nomen usquam stantis maneret Carthaginiis, *sec. Vellej. Paterc. l. 1. c. 13.* Quandoque denotat etiam hoc verbum Stare vigilantem esse, quod innuit Imperatorum ille *ap. Tranquill. c. 24.* dicens: Imperatorem stantem mori debere; quod Turboni etiam *Dion. in Adriano tribuit. Tiberius Gracchus ap. Vellej. Paterc. lib. 2. c. 2.* Octavio pro bono publico stanti Imperium abrogat. Tandem & propriè Stare, stare suis pedibus, & propositione corporis cum immobilitate accipitur, quale Honorem ergà superiorem, & quandam submissionem demonstrat. Ita *Seneca epist. 47. pr.* Rideo istos, qui turpe existimant, cum Servo cænare. Quare? Nisi quia superbissima Consuetudo cænantis Domino Stantium Servorum turbam circumdedit. Sic *Tacit. lib. 3. Ann. c. 14.* dicit, cum Pisonem, ac si in conviviò Germanici, cibos ejus manibus infecisset, deferunt Accusatores: quippe absurdum videbatur, inter aliena Servitia & tot Adstantium visu, ipsò Germanicò coram id ausum. De Advocatis dicunt *Impp. Valent. & Valens l. quisquis. 6. C. de postul.* Nec putet quisquam honori suo aliquid detractum esse, cum ipse necessitatem elegerit Standi & contemserit sedendi. Nec enim Advoca-

catus,

catus , nec Litigator coram judice causam proponens sedere debet, *l. honorati. 1. C. de offic. civil. Indic.* nisi sit Vir supremæ Dignitatis, qui in Jus vocatus, nè quas, ante probationes, injurias patiat, sedendi quoque in aliquâ Secretarii parte, quæ judicibus inferior, altercantibus verò superior esse videtur, habet licentiam, *l. quoties. 3. C. ubi Senat. vel Clarissimi.* Secretarium autem, in cujus parte Persona illustris sedere potest, est Auditorium sive Dicasterium, *l. lecta. 40. ff. de reb. cred. l. Consiliaris. 5. ff. de offic. Assess.* in quò tres veluti gradus, Judicum, Illustrium, Altercantium fuere, annotante *Gothofr. ad d. l. quoties.*

4. Si Græcorum forulos excutiendi animus, vocabitur Status *στάσις*, ab *ἵστημι*, quod idem significat, atque Stabilio, ut *Rom. 1. vers. ult. ἀλλὰ Νόμον ἵστωμεν* : atque statuo, sto, pono, consisto : quomodo ipse Christus *Matth. 11. vers. 25.* loquitur : *Πᾶσα Βασιλεία μεριδεῖσα καθ' ἑαυτῆς ἐρημύεται καὶ πᾶσα πόλις καὶ οἰκία μεριδεῖσα καθ' ἑαυτῆς ἔσθληται.* & *Vers. 26. Πῶς σταθήσεται ἡ Βασιλεία αὐτῆς.* Inde Status dicitur *στάσις* ; ut *Hebr. 9. v. 8. Τὸ το δηλῶν* *τὸ Πελίμαλ* *τὸ ἀγίον*, μήπω πεφανερῶσθαι τῶν ἁγίων ὁδόν, ἐπὶ τῇ παρόντι σκητῇ ἐχέσθης *στάσις* : quanquam aliàs & præcipuè pro Seditione, Tumultu, Commotione apud Græcos

Græcos sumatur. Cum primis Aristoteles id innuit; sic *lib. 5. Polit. c. 1.* dicens : καὶ ὅσῳ ἄνισοι ὄντες ἀπὸ ὧν ἄνισοι ὑπολαμβάνουσιν εἶσθαι· οἱ δὲ ὡς ἄνισοι ὄντες, πλεονεκτεῖν τηλοῦσι. τὸ γὰρ πλεῖον ἄνισον, καὶ ἀπὸ ταύτῃ τῇ αἰτίᾳ, ὅταν μὴ καὶ τῷ ὑπόληψιν, καὶ ἐκ τερῶν τυγχάνουσιν ἔχοντες, μετέχωσι, τῇ πολιείᾳ σασιάζουσι (*seditiones movent*) Πάνηλον δὲ δικαιοῦταί τε μὲν ἂν σασιάζοιεν, ἡκιστα δὲ τὸ πρᾶττεσιν οἱ καὶ δὲ τῷ ἀφ' ἐργῶν. Et paulo post : ὁρχαὶ μὲν, ὡς εἶπεν, αὐτὰ καὶ πηγὰς τῇ στάσεων εἰσιν, ὅθεν σασιάζουσι. Et eodem : πανταχοῦ γὰρ ἀπὸ τῶν ἄνισον ἢ στάσις : quò vocabulò & in sequentibus de Seditione agentibus capitibus utitur. Aliàs pro vocabulo στάσεως, cum Statum significat, ponitur κατὰ στάσις & κατὰ τὴν πολιείαν. Sic Aristoteles *d. l. 5. pol. c. 1.* notabiliter de Statu : Διὸ καὶ αἱ μεταβολαὶ γίνονται διχῶς· ὅτε μὲν γὰρ πρὸς τῷ πολιείᾳ, ὅπως ἐκ τῆς κατὰ τὴν πόλιν ἀλλήλων κατὰ τὴν πόλιν ὅσον ἐκ Δημοκρατίας ὀλιγαρχίας, ἢ Δημοκρατίας ἐξ ὀλιγαρχίας, ἢ Πολιτείας καὶ Ἀριστοκρατίας ἐκ τῆς πόλεως, ἢ ταύτας ἐξ ἐκείνων ὅτε δ' ἐκ πρὸς τῷ κατὰ τὴν πόλιν πολιτείας, ἀλλὰ τῷ μὲν κατὰ τὴν πόλιν πρὸς τὴν πόλιν αὐτῇ. Ita *Aristot. 7. v. 28.* Τίς σὲ κατέστηκεν Ἀρχὸν καὶ δικαστὴν; & *Tib. 1. v. 5.* Καὶ κατὰ τὴν πόλιν Πρεσβυτέρους. Vocatur etiam κατὰ τὴν πόλιν ῥυθμὸς in illò Democrati : ἐδεξία μηχανὴ τῇ νύκτι κατὰ τὴν πόλιν ῥυθμῶ, μὴ ὅπως ἀδικεῖν

ἀδίκειν τῆς ἀρχῆς, ὡς καὶ πάντες ἀγαθοὶ ἴσασιν·
 fieri non potest, quin etiam optimi Principes, ut nunc rerum Status est, iniquè aliquid agant.

5. Ex hisce perspicuum satis, Statum vel Rationem Status non primùm ab Italis, ut nonnulli volunt, inventam, sed potius ex-cultam; quibus vocatur Ragione di Domi-nio, di Signoria, di Regno: Regione vel Ragionamento di Stato; ut Gallis *Raison d'Etat*, ut Germanis, *der Stat* / quomodo ad differentiam *der Stad* vocabulum hoc, Germanâ Civitate donatum scribendum. Prima igitur Origo Statûs, non tamen se-cundum Rem, sed Nomen, à Græcis pro-manavit ad Latinos, & alios.

6. Non autem Status adeò solus, ut non & circa se alias admittat voces cogno-mines. Vocari potest conditio. Ea est con-ditio liberorum Populorum, præcipue-què hujus Principis Populi & omnium Gentium Domini & Victoris, posse suffra-giis vel dare, vel detrahere, quod velit, cui-que; *Cicer. orat. pro Cn. Planc.* Dicit etiam Ratio potest Status secundum Eundem *lib. 1. Ep. 8.* Commutata tota Ratio est Se-natus, Judiciorum, totius Reipublicæ. Si quis etiam Res Urbis, cum *Tac. lib. 4. Ann. c. 32.* vel Formam Principatus, cum *Nerone l. 13. Ann. c. 4.* aut Civitatis, secundum
 Mar-

Marcellum *ap. Eund. l. 4. Hist. c. 8.* appellaverit, non illum errorem erraturum credo. Modum nominat *Vellej. Paterc. l. 2. c. 89.* Cato sic impendentia ex ruinis incendiisque Urbis & Commutatione Statûs publici pericula exposuit, ut universus Senatus transiret in ejus sententiam & Imperium ad pristinum redactum Modum, L. Piso Thracas in pristinum pacis redegit Modum; *Id. d. lib. 2. c. 99.* qui & Statum Civitatis, Civitatis Habitum *d. c. 99.* vocitat, quemadmodum *Tacitus lib. 1. Histor. c. 4.* Statum Provinciarum, Provinciarum Habitum.

7. Satis autem ambiguus Status, quem nisi rectè acceperis, vix intelliges, quid sit Status, nedum quid Ratio Statûs. Status igitur sumitur vel generaliter pro quâlibet conditione alicujus Rei vel Personæ: vel specialiter.

8. In generali Acceptione quoad Rem Cicero dicit *lib. 2. Epist. xi.* Qui sit omnium Rerum Status noster, vides. Talis est Sapientis animus, qualis Mundi Status supra Lunam, semper illic serenum est, *Senec. ep. 59.* Jctis autem sumitur pro statâ ætate, annorum scilicet 25. *l. cum Pater. 77. §. Curatoris. 14. ff. de legat. 2. l. cum de ætate. 13. ff. de probat. l. ex his verbis. 5. C. quando dies Legat.*

9. Ratione Personæ Status denotat vel
genus

genus Vitæ, quale habet illa. Ego me non putem tueri meum Statum sic posse, ut neque offendam animum cujusquam, nec frangam dignitatem meam, inquit *Cicero lib. 9. Epist. xvi.* Is meæ Vitæ Status est, dicit idem Orator pro A. Cluent. ut omnis mihi Cura atque opera posita sit omnium periculis defendendis. Vel indicat inhærentem qualitatem communem, ut Cicero orat. pro P. Sextiô innuit: Dicam de omni Statu Sextii, de Genere Vitæ, de Natura, de Moribus. Sic & Justitiæ Sacerdotes de tali communi Statu Hominum disponunt, ff. h. t. Imò & Libertinorum Statum, communem quidem, sed non omnibus ægrè talem, quin potius genere. αὐτὸς ἐνὸς αἵματος ἐστίν, tripartitum antea fuisse dicunt; §. *Libertinorum. 3. Inst. de libertin.* Hæc præter omnia & suos Statu liberos habent. ff. h. t. & nè de Statu, hoc est, de communi illâ, quam vivi habuerunt, qualitate. arg. l. de Statu. 1. §. *siquidem. 4. ff. ibid.* & l. si in obscuro. 41. pr. ff. de liberat. causis. Defunctorum post quinquennium quærat, an Liber vel Servus, fanciunt: vel denotat etiam qualitatem Personæ singularem; Dignitatem nempe solam. *Tacit. lib. vi. Annal. c. 26.* de Nervâ dicit, quod integrô Statu consilium moriendi cœperit: Et *lib. 3. Ann. c. 28.* quod per leges Augusti multorum excisi Status:

Et

Et *lib. 1. Histor. c. 9.* quod Mucianus lubrico Statu in secretum Asiæ repositus. Mense Januario nostrum Statum recuperavimus, *Cicero orat. post Redit. in Senat. loquitur.* de administratione Reipublicæ scribam, quid sit meus sensus & Status; *Cic. lib. 1. Ep. 1x. qui l. ante quinquennium. 3. nē de Stat. defunct.* ut distinguatur à communi acceptione Statûs, vocatur Status honestior. *L. Homo liber. 21. ff. de Stat. Hom.* dicitur, quod homo liber, qui se vendidit, non ad suum Statum revertatur, sed fiat libertinæ Conditionis. Sic diffamari Statum Ingenuorum prohibetur. *l. diffamari. 8. C. de In-gen. manum.* Nec absurde quæstio Statûs intelligi potest quæstio contra Dignitatem alterius mota, ut *l. cui necessitas. 39. §. 2. & 3. ff. de liberal. causâ.* Est enim quæstio hæc ex Præjudiciis, per quæ quæritur, an aliquis liber, vel libertus, vel legitimus, *§. præjudicialiter. 13. Inst. de action.* contra quæ si quis quæstionem movet, anne contra Dignitatem Personæ movebit. Tandem autem Vocabulum Status Dignitatem Personæ denotare patet clarissimè, cum Principes & Megistanes Imperii, Status Imperii vocantur; ut sunt Principes Germani Status Romani Imperii, quales vel Mediatos, vel Immediatos apud Juris publici Scriptores legimus: quorum Naturam si quis desiderat, illos evolvat.

10. Specialiter autem, & quem ipse hic meditor explicandum, accipitur Status pro qualitate Reipublicæ certæ ratione administrandæ: & vel *ἡ πολιτεία* vocatur Status. *Tacit. l. 4. Ann. c. 33.* conversum dicit Statum. Tiberius Gracchus, promulgatis legibus agrariis, omnibus Statum concupiscentibus summa imis miscuit, & in præreptum atque anceps periculum Rempublicam adduxit, *Vell. Paterc. lib. 2. cap. 2. & cap. 6.* de Cajo, fratre Gracchi dicit, quod nihil quietum in eodem Statu reliquerit. Sic *d. lib. 2. c. 91.* dicit: erant, qui felicissimum Statum (Reipublicæ, tempore Augusti,) odissent; vel nominatur etiam Status propriè talis. Status publicus: *Vell. Pat. l. 2. c. 89.* Cato ex commutatione Status publici ostendit pericula: Status Civitatis, *Cicer. orat. ad Quir. post redit.* Qui custodes Reipublicæ esse debuerunt, salutem meam, Statum Civitatis, dignitatem Imperii vendiderunt. Versò Civitatis Statu nihil unquam prisce & integri moris mansit, *Tacit. l. 1. Ann. c. 4.* Status Urbis, *lib. 1. Hist. c. 4. & Agric. c. 7.* Status Patriæ; *Cic. pro M. Lelio.* Divi quæritis; quæ lex ad Imperium, ad Majestatem, ad Statum Patriæ, ad salutem omnium pertinet. Status Reipublicæ. Status Reipublicæ me non delectat, *Cic. lib. 1. Ep. c. 7. & lib. 2. ep. 11.*
Velim

Velim ad me de omni Statu Reipublicæ quàm diligentissimè scribas. Status rerum communium *d. l. 2. ep. xi.* Status rerum, *Tacit. l. 1. Ann. c. 2.* Status rerum urbanarum, *Id. lib. 1. Ann. c. 16.* Status Rei, *S. ult. Inst. de Inst. & Iur.* Status Imperii, *l. b. 4. Hist. c. 85.* Statio Principatus, *in orat. c. 17.* & quæ aliæ sunt descriptiones, quas habent Politici & Historici.

C A P U T II.

De Definitione Reali Statûs.

1. Continuatio dicendorum.
2. Status num sit Regnum, ex mente Hippolithi à Lapide? quod Negatur.
3. Num sit Forma Reipublica? examinatur, & refutatur; ubi quod, Romanum Imperium pura Monarchia contra Dr. CarpZonium.
4. Status num sit Administratio Reipublicæ. Distinctio inter Administrationem Imperantis & delegatam resolvitur: & Statum Administrationem Reipublicæ esse negatur; sed per distinctionem.
5. Status definitio, & quid sit?
6. Definitio examinanda proponitur.
7. Statûs Genus, num Qualitas? Probatnr ex Taciti lib. 4. Ann. c. 33.

8. Diffe-

8. *Differentia in Status definitione quid contineat?*
9. *Causse Statûs vel Internæ sunt, vel Externæ.*
10. *Externa est Efficiens Magistratus: Impellentes dantur remissivè, cap. VI.*
11. *Externa altera est finis; nempe Salus Publica.*
12. *Internæ est Forma Status; RATIO.*
13. *Materia circa quam, sive objectum sunt Persona, Res civiles, Actiones tales, & probatur per Tacit. l. 4. Annal. c. 32. Subjectum autem Status integra datur Respublica.*

§. 1. **V**Idimus Statûs Explicationem generalem, & ambiguitate liber spatiatur, nondum tamen satis cognitus. Dicitur igitur, quid non sit, & quomodo definiri non possit, post ea etiam, quid ille? & quodnam Genus, ceu legitimum, agnoscat.

§. 2. Hippolithus à Lapide, quisquis ille. *prolegom. sect. 11.* Statum dicit esse Regnum, Imperium, Rempublicam, vel quocunque modò Dominatum. At Statum non esse Rempublicam, neque Dominatum puto, quod semper & apud Historicos & apud Politicos non conjungantur rectè, sed obliquè: quod non unum per aliud explicetur,

cetur, sed expositivè determinetur, quid sit Status, quid Respublica. Nunquam enim dicitur, quod Status sit Respublica, sed quod sit Reipublicæ. Prior est Respublica, posterior Status. Status est in Republica, tanquam in subiecto recipiente: Respublica versatur circa Statum, ut objectum. Neque propter Statum Respublica est, ut quæ per se consistere potest. sed propter Rempubicam Status formatur. Respublica est πόλις ἢ τε ἀλλων δρχων καὶ μέγιστα ἢ κηρία πάντων, *lib. 3. polit. c. 1. & 4. & lib. 4. cap. 1.* At Status non est ordo, sed est in ordine, non secundum præcepta politica ordinato, sed hanc vel illam Rempubicam, pro Natura loci, Populi & temporis ordinante. Sic Respublica potest esse Monarchia, cujus de essentia, ut Princeps absolute imperet: ea enim est, ἐν ἣ ἕς ἀπάντων Κύριόν ἐστι, *1. Rhet. c. 11.* Tacitus *E. lib. 3. Annal. c. 26.* dicit: Nobis Romulus, ut libitum, imperitaverat: at potest in Monarchia statui, ut legibus obtemperet, quod de Tullio idem Tacitus dicit *d. l. 3. Ann. c. 26.* Servius Tullius Sanctior Legum fuit, quibus etiam Reges obtemperarent. Ita pulsò Tarquiniò adversum Patrum factiones multa Populus paravit tuendæ libertatis & firmandæ concordia: multæque leges dissensione Ordinum, & apiscendi illicitos honores, aut pellendi
claros

claros viros, aliaque ob prava per Vim latae sunt : *Id. ibid.* Antea vera fuit Politia , ut videre est apud *Livium lib. 2. Histor.* at in hac Republica multa alia voluit Populus , per quæ qualificata illa , & hæc qualificatio vocatur Status. Omnium clarissimè autem Rempublicam & Statum dictus Tacitus distinguit *l. 4. Ann. c. 23.* Cunctas Nationes & Urbes Populus, aut Primores, aut singuli regunt : delecta ex his & constituta Reipublicæ forma laudari facilius , quàm evenire, vel si evenit, haud diuturna esse potest : Habes Rempublicam. Noscenda igitur Vulgi Natura , & quibus modis temperanter habenda , Senatusque & Optimatum ingenia maximè perdiscenda : En Statum à Republica separatum. Hunc etiam à Regno separat *Iustinus lib. xi. Hist.* dicens : Mundus non potest duobus Solibus regi, neque orbis duo summa Regna, salvò Siatu terrarum habere.

§. 3. Sed Status num erit forma Reipublicæ ? Ita quidam Politicorum, præsertim etiam Hippolithus à Lapide *part. 1. cap. 1.* opinantur ; sed opinantur. Multum enim differre statum & formam Reipublicæ quis non videt ex allegato loco Taciti , §. anteced. Utut concedo Statum , formam Reipublicæ nominari posse , abusiva tamen erit locutio. Etenim forma dat esse Rei , & facit,

cit , ut res sit. Sic Forma Monarchiæ est in Unitate Imperantis ; Aristocratix in indiviso Optimatum Imperio : Politix in universali & indiviso Populi regimine: datâ igitur hâc formâ , datur etiam vera Reipublicæ species. Non idem est in Statu , ut qui Formæ jam existenti supervenit. Neque statim sublatô Statu , tollitur Respublica , ut sublatâ & extinctâ Formâ. Extirpatâ unitate Regiminis , cessat Monarchia ; sed non ea extinguitur , si Regi pôtentia circumscribitur datis legibus , vel quædam alia ei pro salute Populi injunguntur, aut aliter atque è re veræ Monarchiæ, formantur , qui Status Monarchiæ. Electores in Romano Imperio eligunt Imperatorem ; quatenus unum & supremum; vides Monarchiam perfectam , quia Formam Monarchiæ habes : quatenus ex accidente astringitur ille certis legibus , secundum quas Imperium regere debet ; quatenus ratione provinciarum & Iurium datorum, Electores, Principes , cæteri, subjecti illi, & ut Capiti, pro observantia legum obediunt ; Ecce ! Statum Monarchiæ vides : quô sublatô non tamen statim universa Monarchia corrui. Puram E. Monarchiam esse Romanorum Imperium , quicquid dicit Vir aliàs magnæ Fidei Carpzovius cap. 13. sect. 8. Comment. ad L. Reg. evidentissimè apparet. Accidens enim non potest

potest mutare Rei formam vel Essentiam : at Status Romani Imperii est talis, E. Et licet audiat Imperator Serenissimos Electores in gravioribus causis ; non tamen audit eos , ut simul & æquali modò imperantes, sed ut consulentes : & hâc qualitate affectos nec audit ut Monarcha , qui quia unicuique, semper per se talis, sed quatenus per Accidens ad hunc Statum Reipublicæ obligatus. Diversa sic erunt status & forma Reipublicæ.

4. Putabam Statum definiri posse, quod sit Administratio Reipublicæ cum Ratione à Magistratu suscepta ob bonum publicum : sed optimè dubitavi , num Status sit Administratio Reipublicæ ? Sunt, qui Statum & Administrationem Reipublicæ, ceu diversa, non statuunt ; sunt, qui inter administrationem ipsius Imperantis , & delegatam alteri distinguunt : illam, ut essentiali Majestatis sequelam æstimant , & sic à Statu non diversam : hanc verò , ut quidem Majestatem Imperantis non minuentem, sed tamen à Reipublicæ Statu seperatam, non tamen statui contrariam. Priores, credunt Statum esse Reipublicæ formam : Administrationem igitur concludunt formatum, quod formæ debet respondere. Non ergò diversa haberi debent Status & Administratio Reipublicæ, fluit enim hæc à statu,

ceu Formâ Reipublicæ, tanquam à sua im-
 mediata causa. Verùm, formam Reipu-
 blicæ non esse Statum §. *anteced.* diximus.
 Imò detur, formam esse, scilicet accidenta-
 lem : at hæc nunquam agit, cum admini-
 stratio in actu consistere debet. Et corrui-
 t suâ sponte hæc Opinio. Qui distinguunt
 inter Administrationem Magistratum &
 Delegatorum, benè quidem administratio-
 nem distinguunt, ut non eandem numerô,
 licet non specie, sed non statum ab admini-
 stratione Delegatorum. Quia hi omnia
 nomine superioris administrant, & quod
 quis per alium facit, per seipsum facere pu-
 tandus. Delegatorum & Magistratum Ad-
 ministratio in Republica stabit sub uno Ge-
 nere, & formabitur Quæstio, utrum Sta-
 tus Reipublicæ talis sit administratio?
 Quæstio hæc tres alias sub se comprehende-
 re videtur : an status administret Rempubli-
 cam ? an administretur à Republica ? an sit
 actus administrandi Rempublicam ? Primæ
 Quæstioni obstat, quod status non causa
 efficiens, non enim Persona est Imperans,
 E. nec tribui potest effectus : Mediæ, quod
 ipsa Respublica non administret, sed admini-
 straretur : nunquam enim patiens, quâ tale,
 est Agens ; nisi vox Reipublicæ pro Perso-
 nis Rempublicam gubernantibus accipia-
 tur. Neque ideo verum, Gubernator enim
 non

non administrat Statum : non enim circa Hunc occupatur , sed circa Rempublicam, ut proprium & adæquatum objectum ejus secundum Rerum Statum : quomodo hic quidem etiam Objectum erit , sed formale, sive Modus considerandi : ut illa , scilicet Respublica Materiale , sive Res considerata. Optimè. Hæc Explicatio Huic , quod non sit Actus, obstabit ultimò. Aliud enim Modus , aliud est Actus. Cum autem Actus duplex : exercitum intelligo , qui æquipollet Modo considerandi , non signatum. Ex adductis facilis Decisio , Statum Reipublicæ non hujus esse administrationem , nisi distinxeris inter administrationem Reipublicæ nudè consideratam , & qualitatibus certis affectam. Habes igitur , Status quomodo à Republica, quomodo à Forma Reipublicæ , quomodo ab Administratione Reipublicæ differat, & differre debeat.

§. 5. Post monstratos Errores , in hoc Labyrintho filum pono , & sic Statum meum definitio : *Status est Qualitas Personarum & Rerum civilium , urgentibus causis, Reipublicæ , à Magistratu, certâ Ratione , ob salutem publicam accommodata.*

§. 6. Definitio præsens si examinanda, suum habet Genus , suam etiam differentiam.

§. 7. Genus est Qualitas. Induit quippe

Rempublicam Status hisce talibus, monetque quod noscenda vulgi Natura, & quibus modis temperanter haberi possit, *Tacit. l. 4. Ann. c. 33.* Et *d. l. 4. c. 6.* dicit: Congruens crediderim recensere cæteras quoque Reipublicæ partes, quibus modis ad eam diem habitæ. Vide statum ipsum, & concludere ejus Genus Qualitatem. Quin & si per Modum sive Formam, non Reipublicæ, talem enim nequaquam esse, antecedentia probârunt, sed Rempublicam administrandi definiveris, non errabis, cum ad unum hæc omnia referenda Prædicamentum. Imò & hic Status vocatur Habitus, *l. 1. hist. c. 4. Tacito*, at Habitus est Qualitas. E. Neque aliô modô, quàm qualis status sit hic Rigæ vel Lipsiæ, vel in Germania aut Suecia, quærimus?

§. 8. Differentia Causas complectitur, Subjectum, Objectum in sequentibus capitibus curatius memoranda & explicanda: hic brevius.

§. 9. Causæ sunt externæ & internæ. Illæ Efficiens, cui annexæ causæ impellentes, post Efficientem nominandæ, quas in Definitione Urgentes diximus, & habemus *Cap. v. 1.* & Finis: hæ Forma & Materia circa quam, sive Objectum.

§. 10. Efficientem dedimus Magistratum. D E U M autem non excludimus, quem

quem considerabimus etiam piò animò,
Cap. 1v. §. 2. Seneca in Thyeste satis piè :

Vos, quibus Rector Maris atque Terra

Ius dedit magnum Necis atque vita,

Ponite inflatos tumidosque vultus.

Magistratus est, ὃ ἀποδίδεται βυλάσασθαι αἱ τε
 αἰεὶ πινῶν, καὶ κείναι, καὶ ἐπιβάλλαι, καὶ μάλιστα
 τῷ τοῦ : cui data est de quibusdam deliberan-
 di, judicandi, & maximè imperandi pote-
 stas; 4. *pol. 15.* Cum hanc potestatem ha-
 bet, quī non formare poterit statum, qui in
 illis Rebus potestati ejus commissis consi-
 stit. Sunt enim Principes & Reges Tuto-
 res Statūs publici, *sec. Senec. lib. 1. de Clem.*
c. 3. Facilius est errare Naturam, quàm si
 dissimilem Menti formare Magistratus pos-
 sit Rempublicam, *Caßiod. lib. 3. epist. x.*

§. 11. Finis additur post Efficientem,
 qui Salus Publica. Aurea Ciceronis verba,
 semper magni æstimanda *l. 3. de Republ.* Ut
 Gubernatori cursus secundus, Medico Sa-
 lus, Imperatori Victoria : Sic Moderatori
 Reipublicæ beata Civium vita proposita
 est, ut ea opibus firma, copiis locuples, glo-
 riā ampla, Virtute honesta sit. Hactenus
 causæ externæ.

§. 12. Internas inter Causas est forma
 Statūs, quæ Ratio. Verè dicam : Anima
 Civitatis Respublica : Reipublicæ Anima
 Status : Statūs autem Anima Ratio. Im-

mensa multitudo, huc enim Ego Senecæ *Verba lib. 1. de Clem. c. 31.* voco, hujus Animâ circumdanda, hujus Spiritu regenda, hujus Ratione flectenda: pressura se ac fractura viribus suis, nisi consiliò sustineatur: Imò, ex *cap. 3.* cum Eodem loquor, illa est Vinculum, per quod Respublica cohæret, illa Spiritus vitalis, quem hæc tot millia trahunt, nihil ipsa per se futura, nisi onus & præda, si mens illa Imperii subtrahatur.

§. 13. Reliquum nobis subiectum & objectum: Illud est Respublica Magistrâ Definitione. Non enim in Civitate materialiter considerata est, non in Muris, non in Domibus, sed in ordine Imperantium & Obedientium, in Republica. Nec Respublica Statûs, sed Status Reipublicæ dicitur Historicis & Politicis, *cap. anteced. §. ult.* quod & hujus. *cap. §. 2.* evicimus. Hoc, Objectum, sive Materia circa quam sunt Personæ & Res civiles, non quatenus purè tales, sed quatenus illæ justâ & æquâ Ratione regendæ; hæc eodem modò administrandæ. Inde accedunt etiam Actiones civiles. Nuda Personarum & Rerum civilium consideratio Objectum censetur Materiale: altera determinata, formale. Personas autem, sive eæ imperantes sunt, sive obedientes, sic enim has *cap. vii. 11.* dividemus, & Res in Statu esse, docet *Tacitus lib. 4.*

Annal.

Annal. c. 32. ib. mœstæ Urbis Res & Princeps proferendi Imperii incuriosus erat. Et hæc pro Explicatione Definitionis.

C A P U T III.

De Divisione S T A T U S.

N O T A.

1. *Status ad modum Reipublicæ dividendus:*

2. *Respublica quomodo dividatur?*

3. *Status quotuplex?*

4. *Status simplex quid? & Quotuplex?*

5. *Status Monarchicus: quomodo obtinendus: num i Sam. 8. descriptus? num apud Tacit. lib. 6. Annal. c. 1. vel l. 5. Hist. c. 9?*

6. *Status Aristocraticus.*

7. *Status Politicus: quamam Popularia?*

8. *Status mixtus an detur? Quotuplex? quæ Regule circa hunc servandæ?*

9. *Status corruptus: an verus Status? quotuplex?*

§. 1. **V**T in Definitione, sic in Divisione nullam video Pharum, nullam lampada: audeo proprium Martem, & statuo Statum ad modum Reipublicæ dividendum. Etenim cum respectum ille ad Species Rerumpublicarum habere solet, non video, qui melius dividi possit.

§ 2. Respublica autem vel simplex est vel mista : Illa vel bona sive recta, τὸ κατὰ φύσιν συμφέρον σκοπεῖται, 3. *pol.* 6. estque triplex, docente Aristotele 3. *pol.* 5. *Senec. ep.* 14. & Tacitô *l.* 4. *Annal. c.* 33. ut Monarchia, Aristocrata, Politia : Vel corrupta, τὸ ἀντικατὰ φύσιν συμφέρον σκοπεῖται, *d. l.* 3. *pol. c.* 6. qualis φθορὰ & παρέκβασις vocatur, 8. *Ethic. c.* 12. 3. *polit.* 6. & 7. & 4. *pol.* 2. & in Tyrannidem, Oligarchiam, & Democraticam distinguitur. Mista est Respublica, ἐν ᾗ πολλοὶ ἐνὸς τὸ Κόσμον καὶ χειρισμὸν ἔχουσιν.

§ 3. Status Reipublicæ ita etiam vel simplex erit, vel mistus : uterque vel bonus, vel corruptus.

§ 4. Simplex vel Monarchicus est, vel Aristocraticus, vel Democraticus, sive rectius, Politicus.

§ 5. Status Monarchicus est Qualitas Regiminis Monarchici à Rege applicata ad Monarchiæ salutem. Dum autem Status Monarchici finem pono Monarchiæ salutem, non excludo Bonum publicum : hoc enim in illâ contineri, quis non videt? Quod verò Statum Monarchicum cernit, in hoc Vis Principatus non-resolvenda, cuncta ad Senatum vocando, cum ea Conditio sit imperandi, ut non aliter Ratio constet, quàm si uni reddatur, inquit satis civiliter
apud

apud *Tacit. l. 1. Ann. c. 6.* Sallustius Crispus; simulque ex suo usu. Et unum hic Reipublicæ corpus, atque unius animo regendum, benè monet Gallus apud *Eund. ibid.* Differunt autem Monarchia & Status Monarchicus, quantum Respublica & Status. Monarchia est Respublica, ubi unus imperat: Status Monarchicus autem, ubi Imperans actiones suas, pro qualitate Personarum & Rerum ad Monarchiæ salutem applicat, hoc est, ut solus ipse regnet. Quod facit, si paulatim, hoc est, vel vi nonnunquam, vel precibus, vel clam, insurgens munia Senatûs, Magistratum legum in se trahit, quos sibi fidos credit, opibus & honoribus extollit, subsidia Dominationi quærit, se & Domum suam ante omnia, pacemque sustentat, populum annonâ & dulcedine ocii pellicit, ferocissimos per Acies aut proscriptione tollit, & quæ sunt alia arcana, qualia observata in Augusto Monarcha scribit *l. 1. Ann. c. 2. & 3.* Tacitus, ut & in Claudio *l. xi. Ann. c. 5.* & Muciano *l. 4. hist. c. 11.* videre licet. Præcipuum autem esse creditur, ut Militem donis devinciat, vel aliis modis, nullique alii militiam sibi præreptam concedat. Hoc etenim observans Tiberius, aliàs sensa regiminis concedere apprimè doctus violenter increpat Junium Gallionem, de Militiâ d. sponentem.

dicens : Quid illi cum Militibus ? quos neque dicta Imperatoris , neque præmia , nisi ab Imperatore accipere par esset , *Tac. l. vi. Ann. c. 3.* Claudii præcepta Meherdati data ap. eundem *l. xii. Ann. c. xi.* Monarchiæ etiam Statum concernunt : Satis enim politè dicit : Non Dominationem & Senes , sed Rectorem & cives cogita : Clementiamque & Justitiam , quantò ignara Barbaris ; tantò tolerantiora capeffe. Accipe hic fundandum Monarchiæ Statum inter Barbaros : de quibus omnibus plura *cap. ult.* dicturus. Adde Aristot. certè etiam accuratè informantem. *l. 5. polit. c. xi.* ubi plurima pro Statu Monarchicò : atque in eò *ἡ εἰς αὐτὸν ἀνακεῖσθαι καὶ τὸ ἡθικόν, ἥτοι καλῶς πρὸς δόξαν, καὶ ἡμίζητον ὄντα καὶ μὴ πονηρὸν, ἀλλ' ἡμιπονηρὸν.* Non ergò adeò rejiciendus est Status Monarchicus , *1 Sam. 8. v. 11.* descriptus : modò ea omnia Rex non temerariâ cupiditate , sed communi Reipublicæ utilitate , & suadente necessità vindicet , prout sentit Tholosanus *3. de Rep. c. 2 : §. 9. & l. 9. c. 1. §. 7.* Tantum etiam abest , ut hic lōcus Samuelis contrarius , *Deuter. c. 17. vers. 16. & seqq.* ut potius inspectò genuinò textuum sensu optimè possint ambo conciliari. Planè autem rejicio morem Regium Tiberii , à Tacito descriptum , *l. vi. Ann. c. 1.* nisi hic abusivè intelli-

telligendus, quod plerumque de factò ex more Regum, Reges sic facere soleant. Neque approbo Antonii Felicis Imperium, qui per omnem sævitiam & libidinem, benè similis Tiberii, Jus Regium, servili Ingenio exercuit: *Id. l. 5. Histor. c. 9.*

§. 6. Status Aristocraticus est Qualitas Imperii, quod, pro Natura Aristocratix Optimates instituunt ad Aristocratix, & Populi salutem. Status igitur hic vel intuitu Optimatum, vel Populi formandus. Optimates omnes simul & indivisim regere debent: neque aliter constare potest Ratio Status Aristocratici: aliàs, si majorum aliquis præ cæteris habuerit auctoritatem vel potentiam, parabit viam ad Monarchiam, docente Aristotele 5. *pol. 7.* De reliquò Cicero optimè differit orat. pro P. Sextio: Optimates ii habentur, qui ita se gerunt, ut sua Consilia optimo cuique probentur: sunt enim hi Principes Consilii publici, sunt maximorum Ordinum Homines, quibus patet Curia, negotia gerentes, integri, sani, benè de rebus domesticis constituti, qui *Voluntati, Commodis, Opinioni* (habes Statum) in Gubernanda Republica serviunt: Proposuitque his Reipublicæ Gubernatoribus, quod intueri, & quò cursum suum dirigere debent, quod est præstantissimum maximeque optabile omnibus sanis & bo-

nis & beatis, cum Dignitate, (quæ ex Virtute 4. *pol.* 8.) Ocium. (Collige sic etiam Populi salutem, in definitione nostra Statûs Aristocratici positam.) Hujus autem Dignitatis fundamenta, hæc Membra, quæ tuenda Principibus, & vel Capitis periculo defendenda; Religiones, Auspicia, Potestates Magistratum, Senatûs Autoritas, Leges, Mos Majorum, Judicia, Jurisdictio, Fides, Provinciæ, Socii, Imperii Laus, Res Militaris, Ærarium: Enitendum itaque omnî Scientiâ & Diligentiâ, ut conservatis his, quæ Ego paulò ante fundamenta ac membra esse dixi, tenere cursum possint, & capere ocii illum portum & Dignitatis. Hactenus Romanorum orator, de Statu Optimatum. Caveat autem sibi plebs nè opinione sui elata parem se Virtute reliquis cum Partheniorum Gente æstimet. Mutat hoc Statum Aristocraticum, nedum Aristocratiam ipsam, contra quam militare hanc Plebis præconcepit opinionem *l. 5. pol. c. vii.* concludit Stagirita, qui *c. seq. viii.* multa proponit, quæ statui huic poteris accommodare.

§. 7. Status Politicus est Qualitas Imperii, Politicæ à Populo applicata ob Libertatem & publicam tranquillitatem. *Ἀριστοκρατίας γὰρ ὁρᾷ δῆμον, ὀλιγαρχίας, ὁ πολυθῆ, δῆμος δὲ ἐλευθερία, 4. pol. viii.* Populum autem

autem dum nomino, Pauperes simul & divites intelligo. Est enim Politia *μῆξις τ' ὀλιγαρχίας*, (ubi divites imperant) καὶ *δημοκρατίας*, (ubi pauperes,) 4. pol. 8. Quomodo aliàs Populus & Plebs differat, docet. §. Lex est. 4. *Inst. de Iur. nat. Gent. & civil.* Omnes igitur hic conjunctim & indivisim admitti debent ad Magistratûs. Sed successivè, ut remaneant Parentes. Hoc enim Populare. Item; ne omnia in unô reponantur, ut censet Catulus apud *Vellej. Paterc. l. 2. c. 32.* quod refutat Cicero orat. pro L. Manil. sed ex Pompeii & suô, non Politiae Romanæ commodo. Itidem præceptum hoc Populare. Popularia enim solus Status Politicus considerat. Ideò Leges à Prudentioribus sancitæ, & Populi autoritate firmatæ imperare debent: *ὅπερ γὰρ μὴ νόμοι ἄρχουσιν, ἔκαστος Πολιτείας δεῖ γὰρ τὸ μὴ νόμον ἄρχειν πάντων, τὸ δὲ καθ' ἑκάστη τὰς δρχίας καὶ πρὸς Πολιτείαν κρίνειν.* Sic enim omnes Jus æquale numerô obtinent. Sed quodnam illud Jus? Num hoc, quod iis justum videtur, quorum major domi res & patrimonium? At sic introducetur Tyrannis: potest enim aliquis omnibus esse ditior. Num hoc, quod ii approbant, qui minori licet res, majori tamen sunt in civitate Numerô: at sic à Plebe divitibus periculum imminabit. Jus igitur illud æquale in Politia, quod pluri-

pluribus placet. Plures verò sunt Pauperes & Divites misti, vel cum ex utroque ordine pares deliguntur numerò, ut, quod vel utrisque vel pluribus videtur, id ratum: si dissentiant, ut illi vincant, qui numero & censu potiores: vel si Concio in duas partes scinditur, ut aut sorte, aut ratione simili discernatur, prout Aristoteles hunc nodum solvit, *vi. pol. 3.* Præterea popularia sunt sorte creare Magistratum: ex censu nullo esse Magistratum; aut quàm minimo: eadem bis nunquam mandare Magistratum, exceptis bellicis muneribus, sed summâ urgente necessitate: Magistratum non esse diuturnum; Concionem omnium esse Dominam; quæque alia collegit Philosophus *vi. pol. 2.* & Cicero *d. orat. pro P. Sextio.* Hæc omnia pertinere ad Qualitatem sive Statum Imperii Politici, Sole meridiano clarius, Politia cum suo Populo, cum suo fine, libertate & Salute publicâ contenta: Modum sive Formam gubernandi seipsam non habet; non computat, quam Status ejus suppeditat, ut illa benè valeat, ut floreat.

§. 8. Circa mistum Statum æquè moveri potest Quæstio, ac circa Rempublicam, num detur? Non dari mistam Rempublicam, credunt nonnulli, quia Majestas individua, quia contraria non miscentur: at

Monar-

Monarchia & Democratia contraria : quia mixtio, ut Accidens, non mutare potest Rerum publicarum Essentias : quia ex mixtione trium Rerum publicarum fit Popularis. E. At Majestatem formalitèr consideratam individuum esse concedo, non materialitèr. Nec Monarchia & Democratia contraria, sed diversæ species ; Mixtionem non mutare , benè tamen miscere posse rerum Essentias in aprice : neque ea hic Accidens Prædicabile , de quo Canon loquitur, sed Prædicamentale . Tandem ultimum nullius ponderis. Nego, ex mixtione trium Rerum publicarum simplicium fieri popularem. Differunt Formâ. In populari summa potestas est penes omnes indivisim : in illa autem penes quemlibet pars aliqua Majestatis divisim : E. dari mixtam Rempublicam, dari mixtum Statum firmiter concludi potest. Qualis enim Respublica, talis Status. Nam, in qua Republica , sua Regi est Ratio & Potestas, sua Optimatibus simul, ibi est mixtus Status : at in Monarchico-Aristocratico Regimine sua Regi est Ratio & Potestas , sua Optimatibus, E. Mixtus autem Status , sic cum definitio, est Qualitas Regiminis, mixtæ Reipublicæ conveniens, & est ille vel Monarchico-Aristocraticus : vel Monarchico-Politicus , vel Monarchico-Aristocratico-Politicus : qui quartum mixtum faciunt Statum

Statum Rerumpublicarum, plurium simplicium, earundem numerò, hoc est, plurium Monarchiarum, in una Monarchia, ille statuit duos vel plures æque tales Status in uno, quod absurdum. Unum enim non potest esse duo. Et qui statuit Statum Monarchicum mistum, ille statuit unum mistum: at omne compositum tantum est mistum. Quod si regeritur, unitatem hic intelligendam numerò, quæ cum altera misceri potest, Mixturem non æqualium, sed dissimilium esse debere replico: tantumque abest, ut sic fuerit mixtio, ut potius inconcinna Rerumpublicarum Confusio. Neque hic Status, ut reliquæ Species Statuum mistorum à simplicibus formaliter & essentialiter differt. Ita Status Monarchico-Aristocraticus non est Monarchicus, quia penes unum non est summum Imperium: nec est Aristocraticus, quia non penes solos Optimates. Ita, quando apud Seleucenses trecenti opibus aut Sapientiâ delecti, ut Senatus, & sua etiam vis Populo, *sec. Tacit. l. vi. Ann. c. 42.* Status Aristocratico-Politicus: non Aristocraticus, quia obstat vis Populi: non Politicus, quia Senatus. In misto autem Statu probè observanda Ratio combinans & conservans. Rationi combinanti summopere & necessariò quærenda est Concordia. Tacitus *l. vi. Ann. c. 42.*

appo-

appositè de Seleucensibus : Trecenti opibus aut Sapientia delecti , ut Senatus : sua Populo Vis : & quoties Concordes agunt, Parthus spernitur : ubi dissensere , dum sibi quisque contra æmulos subsidium vocant, accitus in partem , accersus omnes valet. Britanni tandem docti in *Agric. c. 29.* commune periculum Concordiâ propulsant, & Legationibus & Fœderibus omnium civitatum vires exciunt : antea enim dum singuli pugnârunt, universi victi ; *Tacit. in Agric. c. 12.* Ratio conservans intendit , ut præstantior Status semper altero , habeatur majoris Autoritatis. In Republica Monarchico-Aristocratica, Monarchia : in Aristocratico-Politica, Aristocratia. Id enim, quod dignius, semper majoris honoris censet Natura & Ratio. Demus cum multis, non pro assertione, sed Illustratione Mentis nostræ, Romanum Imperium mistum, Monarchico-Aristocraticum. Aspice Imperatorem Monarcham, majorem Electoribus, Statibus Imperii. Specta illum , ut sanctissimum Numen majoris Honoris, Venerationis, Dignationis , imò & potestatis excellentioris. Et quem sperabis Statum , ubi minus digna præcellit Respublica ? Contra Harmoniam Rerum , corruet citissimè : atque hæc ad Statum mistum.

§. 9. Utrumque Statum , Simplicem & Mistum,

Mistum, vel bonum esse, vel corruptum diximus Statum simplicem & mistum bonum vidimus. Cognitio unum contrariorum, facile cognoscetur alterum: Cognitio, qualis bonus Status sit, qualis malus, facile etiam cognosci potest, præeunte Tacito *l. iv. Histor. c. xi.* Statum Romanæ Reipublicæ post cæsum Vitellium describente. Vocatur hic etiam Status corruptus, estque verus Status: quemadmodum corrupta Respublica, vera Respublica: lex iniqua vera lex, bellum injustum, verum bellum, sed ratione Existentiæ, non Essentiæ, cum ea falsa & corrupta. Unicum autem hic Status proprium Commodum Imperantis querit, nullum Subditorum; modis etiam injustis. Status autem corruptus est vel simplex, Tyrannicus, *ἡ δὲ τὸ συμφέρον τῆς Μοναρχίας*, 3. *pol. 5.* qui descriptus legitur 5. *pol. xi.* & in Dionysio Juniore apud Justinum *l. xxi. c. i. & 2.* Oligarchicus, quem *οἱ τὰς ἐσίας ἔχοντες ἡ δὲ τὸ δυνάμεων συμφέρον* instituunt. *d. cap. 3. pol. 5. & 4. pol. 8.* Democraticus, ubi *οἱ ἐλεύθεροι, ἡ δὲ ἀπορίας* *ἡ δὲ τὸ δυνάμεων συμφέρον ἀποδίδουσι.* 3. *pol. 5. & 4. polit. ii.* vel Mistus, Tyrannico-Oligarchicus: Oligarchico-Democraticus, Tyrannico-Oligarchico-Democraticus: quos omnes intelliges, si rectos Status intellexeris. Adde 3. *pol. vi. & vii. & 4. pol.*

pol. IV. V. VI. & 5. pol. V. VI. VII. & cum primis 6. polit. I. & seqq. ubi multa invenies, Statui huic & simplici & misto accommoda: benè percepta formabunt Judicium, formabunt Statum, qualemcunque volueris: ita tamen, ut bonum eligere malum verò & corruptum repudiare & è Republica Christianorum exterminare noveris. Species quidem singulæ singulis Statibus addi debuissent, sed quia historiarum monumenta illas exhibent, & nimis longum ire per exempla, æqui bonique consule ea, quæ impræsentiarum dedimus, & sperare Te jubemus in posterum Meliora.

C A P U T IV.

De Efficiente S T A T U S.

N O T Æ.

1. *Continuatio dicendorum.*
2. *Efficiens Status, D E U S.*
3. *Num formet Statum bonum & malum?*
4. *Altera causa Efficiens, sed minus principalis, Magistratus.*
5. *Num Status cum Republica esse cœpit?*
6. *Populus num causa Efficiens Statûs?*
7. *Vtrum Potestas immediatè à Deo, vel mediante Populò?*
8. *Adducitur jus divinum.*
9. *Ius*

9. *Ius Naturale.*
10. *Inter homines num Iure naturali fundata Superioritas? & quam ob causam?*
11. *Ius Gentium?*
12. *Ius civile publicum.*
13. *Sapientum Sententia.*
14. *Immediatè Potestas à Deo; & quomodo?*
15. *Quid Populi Consensus præstet?*
16. *Quid Fortuna?*

§. 1. **C**ONSIDERAVIMUS Divisionem Statûs, quantum è re nostra. Efficientes veniunt, & succedunt, quæ Statum constituunt: & sunt D E U S & Magistratus.

§. 2. D E U S est principalis Autor & fundator Statûs. Hic largitur Spiritum Sapientiæ, ut Imperantes intelligant, quomodo Rempublicam gubernare debeant, quomodo possint, Promittit supremum illud Numen, Spiritum Sapientiæ septuaginta Viris de Senioribus Israël, quos Magistros Populi eligere debuit ejus Cancellarius Moyses, Num. xi. v. 16. Per me, inquit Proverb. 8. v. 15. Principes regnant, & Legum Conditores justa decernunt. Hic Salomoni Sapientiam Populum regnandi & discernendi inter bonum & malum, petenti dedit illam; 1 Reg. ii. v. 9. Benè piè Imperator D E U M, Statûs sui Autorem reveretur, dicens: Per ipsum,

ipsum, DE UM intellige , Africam defendere , & sub Imperium nostrum redigere nobis concessum est. Per ipsum quoque , ut nostrò moderamine rectè gubernetur , & firmè custodiatur , confidimus. Unde per ejus Gratiam etiam civilium Administrationum Judices & officia , singulis Africanis Provinciis constituimus , attribuentes quidem Emolumentum , quoad unusquisque percipere debeat. Ad ejus igitur Providentiam etiamnum animum nostrum referentes , & armatas militias & Duces Militum ordinare disponimus, *l. 2. pr. ff. de offic. Praef. Prat.* Idem Ethnici Ethnicum in morem fecerunt , Jovem , Optimum Maximum Statorem & Autorem Reipublicæ credentes. Jupiter Capitoline , & Autor & Stator Romani Nominis protege hunc Statum , precatur *Vellej. Paterc. lib. 2. c. ult.* Romulus apud *Liv. lib. 1.* Templum Statori Jovi, quod monumentum sit Posteris , vovet. Et *Tacit. lib. xv. Ann. c. 41.* has ædes Statoris Jovis , vota Romulo Numæque regiâ, exultas memorat. Cicero & Jovi Statori & reliquis Diis Statum sacrat , *orat. pro Cn. Rabirio.* Quare ab Jove Opt. Max. cæterisque Diis, Deabusque immortalibus, quorum ope & auxiliò multò magis hæc Respublica, quàm Ratione Hominum & Consiliò gubernatur, pacem & veniam peto. Helvidius

vidius Priscus in fundatione novi Capitoli
ap. Tacit. l. 4. hist. c. 53. Jovem, Junonem,
 Minervam invocat, Præsidesque Imperii
 Deos. Vide Autorem Imperii, Regum,
 Statûs, DEUM sanctum, quem & Ethnici
 & magis Christiani Imperatores consiten-
 tur & reverentur talem. Format autem
 Statum & bonum & malum: hunc ut ma-
 lum poenæ, illum, ut signum Gratiae, for-
 mat Statum hodiè, non ut immediatus
 Stator, sed mediante jam Magistratu, cui in-
 fundit Prudentiam regnandi, Magistratus
 E. est altera causa efficiens.

§. 4. Diximus Magistratum causam effi-
 cientem Statûs. Hujus enim proprium mu-
 nus, intelligere, se gerere Personam Civita-
 tis debereque ejus Dignitatem & Decus su-
 stinere, servare Leges, Jura describere, ea
 Fidei suæ commissa meminisse, *Cicer. lib.*
offic. 1. 2. §. 24. Idem *lib. 3. de LL. Magi-*
stratib. opus est, sine quorum Prudentia &
 Diligentia Civitas esse non potest: quorum
 descriptione omnis Reipublicæ Moderatio
 continetur: neque iis solùm præscriben-
 dus est imperandi, sed etiam civibus ob-
 temperandi Modus: Accedit, quod Sta-
 tus consistat in Administratione Reipu-
 blicæ: at cui alii, competit hæc, nisi Ma-
 gistratui. Hujus finis Bonum commu-
 ne, qui per Statum quærendus. Format
 igitur

igitur pro fine illum, & utilem communi Utilitati.

§. 5. Errant indè, qui cum Republica Statum statim cæpisse opinantur. Prior Respublica, posterior Status. Subjectum prius Adjuncto. Vetustissimi mortalium, nullà adhuc malà libidine, sine probro, scelere, coque sine pœna & coërcitionibus agebant, neque præmiis opus erat, cum honesta suoapte ingenio peterentur, & ubi nihil contra morem cuperent, nihil per metum vetabantur. At postquam exui æqualitas, & pro Modestia ac Pudore Ambitio & Vis incedebat, proveniêre Dominationes, hoc est, modi & Qualitates dominandi, *Tacit. lib. 3. Ann. c. 26.* Principiò Rerum, Gentium, Nationumque Imperium penes Reges erat, quos ad fastigium hujus Majestatis non ambitio popularis, sed, spectata inter bonos Moderatio provehebat. Populus nullis legibus tenebatur, arbitria Principum pro legibus erant, *Iustin. lib. 1. Histor. cap. 1.* At Status Reipublicæ, ut in aliis, ita etiam in legibus moderatè ferendis consistit, ut dicemus infra. Imò, quod rei jam existenti demum supervenit, id non statim cum eo esse incipit, quod verum in Statu. Adjunctum est necessarium Reipublicæ, non ejus Essentia, quæ cum illa incipit. Forma Reipublicæ, Ordo: Materia circa quam Imperantes

rantes & Obedientes. Potest esse nudus ordo, possunt esse nudi Imperantes, nudi Obedientes, & tamen Respublica, qualem in Statu Innocentiæ crediderim inter Homines: ubi Ordo Qualitatibus certis contentus, ubi Imperantes, ubi Obedientes qualificati, ibi Status.

§. 6. Magistratui igitur meritò Statum Reipublicæ formandum adscribo: sed cur non Pöpulo? Videtur enim hic potius præscribere modum Imperandi, & sic Statum Regentibus. Potior enim hic Imperante: quippe qui ab illo, & propter illum constituitur, & Magistratus tantum ἀντισπασιν κλησις, *Jec. Petrum 1 Epist. c. 2. v. 14.* Cicero *orat. de L. Agrar.* contra Rullum dicit: omnes potestates, Imperia, Curationes, ab universo Populo Romano proficisci convenit. Occiso Pseudo-Smerde, cum Proceres omnes Virtute & Nobilitate pares, difficilem ex his Populo electionem fecit, referente Justino *lib. 1. cap. x.*

§ 7. Recurrit hic Quæstio in primo Dubio, utrum Potestas Imperantis immediatè à Deo veniat, vel mediante Populi Consensu per Electionem vel Successionem conferatur? Disputat cum Populo Gallico in Comitibus congregato Gramond, qui *lib. 1. Histor.* hanc immediatam Potestatem Regi suo soli tribuit. Nos in genere considerabimus

bimus Jus Divinum , Jus Naturale , Jus Gentium , Jus Civile , & Sapientiorum Ef-
fata, quid judicent : quid Ratio decernat.

§. 8. Jus Divinum immediatam Magi-
stratus Constitutionem agnoscere videtur.
Num. xi. v. 16. D E U S Mosi dicit : Congre-
ga mihi septuaginta Viros de Senibus Is-
raël, quos tu nôsti , quod Senes sint Populi
& Magistri, & auferam de Spiritu tuo , tra-
dam que eis. *Deut. 16. v. 18.* Judices & Ma-
gistros constitues , quos Dominus, D E U S
tuus dederit. Per me Principes regnant.
Prov. 8. v. 15. D E U S deponit Reges & in-
stituât, *Daniel. 2. v. 21.* Ita censet ipse Chri-
stus, *loh. 19. v. 11.* Gentium Doctor, *Rom.*
13. v. 4. Adonia , *1 Reg. 2. v. 16.* Regina
Æthiopica, *3 Reg. 10. v. 9.*

§. 9. In Jure Naturali quærenda Supe-
rioritas : quâ datâ videtur ipsam Naturam
constituissè Magistratum unâ cum suo su-
periore. Romanorum Orator *Lib. 2. de Na-
tur.* Deor. præclarè ita : Natura est , quæ
continet omnem Mundum , eumque tue-
tur , & ea quidem non sine sensu & Ratio-
ne. Omnem autem Naturam esse necesse
est, quæ non solitaria sit , neque simplex,
sed cum aliquo conjuncta atque connexa
habere in se aliquem Principatum, ut in Ho-
mine Mentem , in Belua quiddam simile
Mentis, unde oriatur Rerum Appetitus. In

C

Arbo-

Arborum etiam & earum Rerum, quæ gignuntur è terra, Radicibus, inesse Principatus putatur, qui optimus, omniumque Rerum potestate & Dominatu dignissimus. In omni igitur Re Superioritas fundata; si ipsi Ciceroni credimus. Imò ipsa Rerum Domina est Natura, quæ ei semper confert Imperium in aliud; ei, quod dignius, quod nobilius, quomodo & superius. *Senec. l. 1. de Clem. c. 19.* Natura committit est Regem, quod & ex animalibus licet cognoscere, & ex Apibus, quarum Regibus amplissimum cubile est. Sic Leo Rex Quadrupedum, Aquila Rex Avium: Sic Serpentibus sui Reges, & Gallus Gallinarum Ductor.

§. 10. In Homine magis Canonem naturalem adductum valere certissimum. Ob præstantiam enim & nobilitatem Virtutum alter alteri Naturâ imperat. Τὸ δυνάμειον τῇ Διανοίᾳ προσορᾶν δέχον φύσιν καὶ διαπόζον φύσιν· τὸ δὲ δυνάμειον τὰ σώματα ταῦτα ποιεῖν, δέχον δὲ φύσιν δέχον, ut loquitur Aristoteles 1. pol. cap. 1. Inter Homines pro summo optimus, & is potentior, qui Melior. Primi enim mortalium, quique ex his geniti, Naturam incorrupti sequebantur, eandem habebant & Ducem, & Legem, commissi Melioris arbitrio, *sec. Senec. ep. 90.* Patienda Meliorum Imperia, Avitus dicit ad Frisios *ap. Tacit. lib. xiii. Annal. cap. 56.*
Cice-

Cicero rursus *lib. 1. Officior.* ita : Quanquam omnis Virtus nos ad se allicit , facitque ut eos diligamus , in quibus ea inesse videtur ; tamen Justitia & Liberalitas maximè efficit. Magna illa Communitas est , quæ perficitur ex beneficiis ultrò citroque datis , quæ mutua & grata dum sunt , inter quos ea sunt , firmâ devinciuntur Societate. Omnium autem Societatum nûlla gratior , quàm ea , quæ cum Republica unicuique nostrum. Ut quisque magnitudine animi maximè excellit , ita maximè vult primus omnium esse , vel solus potius , Plato in *Lachete & Cic. lib. 1. Offic. 7. 72.* Iis , qui habent à Natura adjumenta rerum gerendarum , abjectâ omni cunctatione adipiscendi Magistratus sunt , & gerenda Respublica est , nec enim aliter aut regi civitas , aut declarari animi Magnitudo potest : & apertius *lib. 2. Offic. 7. 41.* Mihi quidem , non apud Medos solum , ut ait Herodotus , sed etiam apud Majores nostros. servandæ Justitiæ causa olim benè morati ; Reges constituti. Nam cum premeretur imitiô , multitudo ab iis , qui majores opes habebant , ad unum aliquem confugiebant , *Virtute* præstantem ; qui cum prohiberet Injuria tenuiores , æquitate constituenda summos cum infirmis pari jure retinebat. Atque inde venit Heroum Monarchia. Ita *Iustin. lib. 1. hist. 1.*

cap. 1. spectatam inter Bonos Moderationem adducit. Et meritô: cum Naturâ gloriosa est Virtus, & priores anteire cupit, *Senec. 3. de benefic. c. 35.* Satis ex hisce colliges, & benè concludes, Naturam Meliori deferre Imperium. Jam quod à Naturâ, hoc à Deo: illa enim subordinata Causa, quæ cum sua Principali vix bellum movebit.

§. XI. Jus Gentium dabit causas constituentes, Imperantes. Quidam dicunt, Populos Necessitate compulsos coisse, quidam ob admirationem Ignis, quod Scythæ allegant apud *Iustin. c. 2. lib. 2.* quidam ob commodum benè vivendi: quidam ob solam naturalem inclinationem: quidam ob vim Potentiorum, quomodo deinde in unum coacti cœtum, Regem vel Superiorem elegerint ipsi. Non vera Magistratûs Origo, quæ sola in seipsa constitit, & immediate cœpit dominari Populo, sine ejus consensu. Ita enim scitissimè Cicero, *orat. pro Publ. Sextio.* Ita Naturam Rerum tulisse, ut quôdam tempore Homines nondum neque naturali, neque civili Jure descripto, fusi per agros & dispersi vagarentur, tantumque haberent, quantum Manu ac Viribus per cædem ac Vulnera, aut eripere, aut retinere potuissent. Qui igitur Virtute & Consilio præstanti extiterunt, ii
per-

perspectô genere humanæ docilitatis atque Ingenii, dissipatos unum in locum congregarunt, eosque ex feritate illa ad Justitiam atque Mansuetudinem traduxerunt: tùm res communem utilitatem continentes, quas publicas appellamus, tùm domicilia conjuncta, quæ Urbes dicimus, tùm conventicula Hominum, quæ postea Civitates nominatæ sunt, inventa, & divinô & humanô Jure seplerunt.

§. 12. Jus civile publicum & privatum consentit. Adhuc hodiè utuntur Magnates hisce Verbis: Von Gottes Gnaden/ Frideric. III. in der Reform. zu Franckf. Ann. 1442. Maximilianus in der Reform. der Frenschöphen/vnd das Heimliche Gericht zu Westphalen/ zu Wormbs/ Ann. 1495. pr. Sintemal von Gottes Gnaden/vnverdinster Sachen. Friedrich von Hohenstanden / Dux Sueviæ, apud Crus. part. 2. Annal. lib. 7. c. 1. Friedrich von Verhängnis Göttlicher Mildigkeit / Herzog zu Schwaben. Der Kayser hat seine Gewalt / ohne mittel von Gott; Goldast. tom. 2. Reichsatz. Justinianus fatetur *l. ult. C. de quadr. prescript.* se nutu divinô Imperiales suscepisse Insulas, per J. Christum jurâ Imperii *l. 2. C. de offic. Pref. Prat. Afric. & Nov. 6. pr.* Imperium à cœlesti Majestate traditum, *l. 1. C. de vet.*

Jur. enucl. quod confirmat Jus Canon. c. Constantinus. *dist.* 96. c. *quasitum.* 24. q. 4. c. *quoniam.* c. cum in Scripturis. *dist.* x. c. duo sunt. c. *Imperator.* *dist.* 96. c. cum ad verum. eod. c. *legimus.* *dist.* 63.

§. 13. Quod Sapientum Effata cernit : *μηδ' ἐν Διός ἐστιν*, Homerus canit. Fatō potestates dari, censet Titus Imperator apud *Aurel. in Tit.* Omnis Deorum immortalium Potestas translata est ad Magistratus, aut certē cum illis communicata : *Cicer. pr. pro L. Muran. Senec. ep.* 90. credit, penes Deos Imperium esse. Ad regni potestatem Majestate Numinis Reges impelluntur, quod de Sandracoto *Iustin. dicit lib.* xv. c. 4. Galba apud *Tacit. lib.* i. *histor.* c. 15. dicit, se Deorum hominumque consensu ad Imperium vocatum. Vespasianus dicitur *l.* 4. *hist.* c. 81. divino Ministerio electus Princeps ; ubi plura legere potes de inclinatione Numinum. *Ægyptii νομίζοντες, ἃ μὲν ἐκ ἁνδρ δαιμονίᾳ πρὸς θεογαΐας αὐτὰς πεποχέναι τὸ ὅλων ἐξουσίας*, *Diodor. Sicul. lib.* i. *de Ægypt.* Satis operosè in hac *Quæstione H. Grot. l.* i. *de Jure Bell. et Pac.* c. 3. §. 8. sudat, & jam Salmasius contra Anglum, qui legendi.

§. 14. Immediata E. Magistratūs Potestas, à Populo, vel ejus Consensu non dependens. Prior enim Rex tali modō, Populō.

pulô. Prius autem aliquid dicitur, vel Na-
 turâ, vel Dignitate, vel Ordine, vel Tem-
 pore Magistratum priorem Dignitate & Or-
 dine esse Populô, nullus dubitabit: quod
 enim præstantius, illud dignius: Naturâ
 etiam priorem asserimus, quia Natura prius
 intendit, quod perfectius: atqui Imperans
 perfectior obediente, qualem §. 9. & 10.
 dedimus. Num Imperans prior Populô sit,
 tempore, quæritur: Formari ita potest
 Quæstio: an, antequam Populus, vel civi-
 lis Societas fuit, Imperans extiterit? Viden-
 tur hæc Relata esse, quæ simul surreperunt.
 In Republica jam constituta verum esse, vix
 quisquam inficiabitur. In Republica con-
 stituenda disquiri potest, utrum Imperans
 vel obediens prior? Imperantem priorem
 esse constat ex eo, quod Regens prius eô,
 quod regendum. Agens prius Patientem. Et
 id Cicero curatius confirmavit, supra, §. xi.
 Quia prior, inde dignior, inde superior Ma-
 gistratûs, nedum Rex subditis. Meritò E. ex
 hoc fundamento Imperatorem Imperio
 majorem æstimamus, quicquid dicit *Carpz.*
c. 1. sect. x. Comm. ad L. Reg. meritò Regem
 superiorem Populô: cum & ille in ipsa Re-
 latione prior & dignior. Quantò Pater Fi-
 liô, Dominus Servô excellentior, tantò
 Rex Regnô. Nefas Filio, nefas Servo. Pa-
 trem, etiam impium, Dominum, etiam im-
 pium,

pium, trucidare, nedum Populo. Pater enim, etsi impius, tamen Pater est: Dominus, etsi atrox in servos, tamen Dominus. Ità Rex, ità Magistratus, etsi injustus, tamen Rex, tamen Magistratus. Prior E. sic Rex & Magistratus & in Republica constituta, quia Agens; & constituendâ, cum prior Magistratus, ceu dignior Persona, obediens, ut viliori.

§. 15. Sed Populi Consensu eligitur, & per Populi tacitam approbationem vel Electionem succedit. E. Populus universus maior Electô. Eligens enim majus Electô, Constituens Constitutô. Præcipuum hoc contra Majestatem Regum & Magistratum, Nego Universalitatem. Ubi enim manent Regna jure belli, jure Donationis, jure Dotis, jure Testamenti, ad quæ Populus nullum confert consensum, occupata? Eligeris, ut tale, & dum actu eligit, non tam majus, quàm potius Electô. Qui eligit Imperantem, ille major est Eô. Falsum. Servus eligit sibi Dominum, E. major. Errant, qui Populum Causam Efficientem Magistratûs statuunt, cum sit Instrumentum. Hallucinatur Propositio: D e u s & Populus constituunt Regem. Non æqua Potestas. Absit. D e u s ut immediatus Autor per Populum eligentem, ceu Organon constituit, ubi Populus eligit. Organon dirigitur, & nullum

nūllum per se producit effectum ita populus dirigitur à Deo : per se enim non aptus ad Regem constituendum. Qui E. Rege major ? Potestas E. immediatè à Deo. Reliqua dubia verè talia , quæ cū demonstrat Grotius, cum lege : dabit ponderosas Resolutiones : nos, nè simus prolixiores, revocat noster Scopus, qui de Statu scripturit. Ex hisce tantum concludimus, Populum, ut obedientem , secus in Politia ut Imperantem, tunc enim est Magistratus , non esse causam Efficientem Status , sed solum Magistratum.

§. 16. Videtur Fortunæ hic etiam esse officium. Omnes spe , Famâ, Veneratione potius destinabantur Imperio, quàm quem futurum Principem Fortuna in occulto tenebat, inquit *Tacit. l. 3. Ann. c. 18.* Ita occultâ lege Fati , & ostentis & responsis destinatum Vespasiano Liberisque ejus Imperium post Fortunam credidit Idem, *lib. 1. hist. c. x.* Post Galbam Fortunam initia Causasque Imperio sequentium struxisse , commemorat Idem *l. 2. hist. c. 1.* Verùm instabilis Dea. Quemadmodum Urbium , Imperiorumque : ita Gentium nunc floret Fortuna, nunc senescit, nunc interit, ut inquit *Vellej. Patric. l. 2. Hist.* quod testatur Mater Neronis apud *Tacit. l. 14. Ann. c. 11.* quam publicâ Fortunâ extinctam scribit Nero Tyrannus. Testatur Militia Patii, *l. 15. Ann.*

c. 13. cui Fortuna contra data. Inde optimam Fortunam credit orandam Cribulo, d. l. 15. *Ann. c. 17.* quam affore consiliis Othonis putant Titianus & Proculus l. 2, *Hist. c. 33.* ut proinde etiam omnia prosperta ad eam referat Noster l. 14. *Ann. c. 38.* sed ut Ethnicus. Nos pro Fortuna meliori & sanctiori modo divinam in coelis Pronam colimus & veneramur. Hæc enim est, quæ præsidet mundo, quæ universa vi suâ temperat, quæ humani genetis tutelam gerit, curiosa singulorum. Habeant igitur Ethnici cæcam hanc Deam; nos nequaquam Fortunam, ut causam Imperii vel Status agnoscimus. Deus enim est, qui quantum cuique restet, primâ nascentium Imperiorum horâ disposuit.

CAPUT V.

De Fine STATUS.

1. *Finis Status, Salus publica.*
2. *Probatur.*
3. *Errores quinam circa Finem Status.*
4. *Finis Status num Religio?*
5. *Num Fama?*
6. *Num Potentia?*
7. *Num Pax?*
8. *Num Libertas?*

S. 1. Post

§. 1. **P**ost Efficientem Finis spectandus ,
quem in Definitione attigimus . Is
autem est Salus publica.

§. 2. Bellè Cicero *Epist.* 1. ad Quintum
Fratrem : Est autem non modò Eius, qui so-
ciis & Civibus, sed etiam ejus, qui servis , qui
matis pecudibus præsit, eorum quibus præ-
sit, Commodis utilitatique servire. Et idem,
1. offic. c. x. Omnino, qui Reipublicæ præsunt,
duo Platonis Præcepta teneant, ut, quicquid
agant, ad eam referant, obliti comodo-
rum suorum : alterum, ut totum Corpus
Reipublicæ curent, nè, dum partem ali-
quam tuentur, reliquas deferant. Ut enim
Tutela, sic Procuratio Reipublicæ, ad Uti-
litatem eorum, qui commissi sunt, non ad
eorum, quibus commissæ est, gerenda est.
Et Salus Populi suprema lex est. Naturale
enim, nedum civile, ut eorum salutem in-
tendam, qui me suspiciunt, pro me labo-
rant, à me tutelam & vitam petunt, quam
obsequio sibi, ceu Liberi, Patentum *GaZas*
L. nec ei. 17. §. præterea. 23. ff. de adapt. pa-
rare videntur. Malè inde apud *Tacit. l. xxv.*
Ann. l. 38. Julius Classicianus, Subtonio
discors audit, quod bonum publicum pri-
vatis simultatibus impediat : contra laude
dignus *l. xv. Ann. c. 20.* Thrasea, occasio-
ne temerariæ loquelæ Claudium Timar-
chum Cretâ depellens, illamque ad Bonum
C 6 publi-

publicum vertens : erat enim prævalidus provincialium , & opibus nimis ad injurias Minorum elatus. Benè etiam Patres Romani Salienum Clementem adhortantur, nè publicis malis ad occasionem privati odii abuti videntur , *d. l. 15. Ann. c. 73.* cujus tamen immemor fuit Irelus *l. 1. hist. c. 33.* quem privati odii pertinacia in publicum exitium stimulavit ; cum tamen fas privata odia publicis Utilitatibus remittere *l. 1. Ann. c. x.* Obliviscendum enim est Injuriarum , ubi Ratio Salutis publicæ intervenit : ibi enim Unius , hic multorum versatur commodum.

§. 3. Errare igitur creduntur, qui vel Religionem, vel Famam, vel Potentiam per bellum acquirendam, vel solam Pacem, vel Libertatem pro Fine Statûs habent.

§. 4. Rerumpublicarum Fundamentum Religionem esse, fatentur omnes. Neque de Diis immortalibus, ut loquitur Cicero *l. 1. de Natur. Deor.* opinio ficta est ab Homini- bus sapientibus Reipublicæ causa, ut quos non Ratio, Religio ad officium cogeret, sed verè debet præsidere Mentis Regentium & Obedientium. Non tamen Finis, ut concludunt multi. Intelligimus autem hic Religionem Christianam, non naturalem : illam, ut Verbô Dei, hanc ut ex naturali Theosophia patefactam. Sine Christiana
nâ

nâ Religione floruerunt multa Imperia : non tamen sine ulla. Nulla enim Gens tam immanis & barbara , quæ non aliquam de Diis habuerit cognitionem. Sed non idèd Finis Reipublicæ. Religio non est ipse Finis , sed id per quod acquiritur finis , si ea observatur , nec planè negligitur. Si Religio finis , omnes actus propter eam instituendi , nulli propter Principem , neque ulli etiam propter Subditos ; qui cum contra ipsam Rempublicam , qui non etiam contra ipsius finem ? Diverſa ſunt Salus Subditorum æterna & temporalis , hanc ſpectat per ſe Reſpublica , vel Status ejus : illam in Republica Religio. Quia tamen hâc omnes movemur , omnes etiam hâc Rectrice vivere debemus.

§. 5. Quibus Fama pro fine Status eſt, Tiberium aſpiciunt Politicum. Ita enim ille apud *Tacit. l. iv. Ann. c. 40.* Sejanus Cæteris mortalibus in eo ſtare conſilia, quid ſibi conducere putent : Principum diverſam eſſe ſortem , quibus præcipua rerum ad Famam dirigenda, Precatur ille *dict. loc.* ut, quântocunque conceſſerit, cum laude, & bonis recordationibus facta atque Famam nominis ſui proſequantur homines. Cætera enim Principibus ſtatim adſunt , unum inſatiabiliter parandum , proſperam ſui memoriam. Nam contemptu Famæ contem-

temnuntur Virtutes. Non hæc summis Mortalium spernenda, quæ & à Diis æstimatur; *l. 15. Ann. c. 2.* Principes multa debent etiam Famæ dare, censet Seneca *l. 1. de Clem. c. xv.* Et Regnantis Facultas ditior, cum acquirit thesauros Famæ, neglectâ Utilitate Pecuniæ; *Cassiod. lib. 1. epist. 3.* At finis Status non in Salute privata, sed communi Subditorum, in Bono Publico. Non E. finis Status Fama, sed consequens illius finis; quemadmodum apud morales Philosophos summi Boni Consequens Conscientia bona, Dignitas, Honos: Vel si Finis, secundarius nominabitur.

§. 6. Multis Imperantibus pro Fine Potentia habetur. Cæsar apud *Sueton. in ejus, Vit. c. 30.* existimat, omne Jus violandum esse regnandi gratiâ, in aliis rebus Pietatem colendam. Ita Lepidus apud *Salust. l. 1. hist. c. 29.* omnia retinendæ Dominationis honesta dicit. Et sunt apud Historicos, qui Religionem, qui fidem, qui Virtutem exuerunt, ubi Potentiâ acquirenda, vel acquisita commodò retinenda. Quid Augustus, quid Tiberius, quid Claudius & Nero fecerint, Potentiæ Ergò, demonstrat Tacitus. Usque adeò libido dominandi cunctis affectibus vehementior; *sec. Tacit. l. 15. Annal. c. 53.* Inde otho omnia facit serviliter pro Dominatione, *lib. 1. histor. c. 36.* Pharisæi cupido

pido regni Fratre & Filio potior. *lib. xi i.*
Ann. c. 47. Nihil abnuvit Macro, dum Do-
 minationis apiscitur, *l. vi i.* *Annal. cap. 45.*
 Agrippina nihil domi impudicum, nisi do-
 minationi expediret. *l. xi i.* *Ann. c. 7.* cun-
 ctis malæ dominationis cupidinibus fla-
 grans, *l. 13.* *Ann. c. 2.* quæ puellaribus an-
 nis stuprum cum Lepido, spe Dominationis
 admisit, *l. 14.* *Ann. c. 2.* Decus, pudorem,
 corpus, cuncta regnô viliora habens, *l. 12.*
Ann. c. 65. Cleofis apud *Iustin. l. xi i. hist.*
 propter Regnum fit Scortum Alexandri M.
 Philippus Rex Macedoniæ, velut è specula
 quadam, Libertati omnium Græcarum Ci-
 vitatum insidiatur, dum contentiones alit,
 auxilium Inferioribus ferendo, Victores
 pariter victosque subire regiam servitutem
 coëgit, *Iustin. lib. 8. c. 1.* apud quem sua il-
 lius pro Potentia suscepta consilia, & bella
 & machinamenta *d. l. i ix. & lib. ix.* pluri-
 bus describuntur. Præprimis ità inhiant a-
 lienæ Ditioni qui potentiores bellô & Vi-
 ribus. Vix Justitiam causæ pensitant, rum-
 punt Leges, rumpunt æquum & bonum;
 Quando Ambitio & Vis incessit, proveni-
 re Dominationes, *Tacit. lib. 3.* *Ann. cap. 26.*
 Galli respondent Romanis: se in armis Jus
 ferre, & omnia esse fortium virorum, apud
Liv. l. 5. Tiridates apud *Tacit. l. 15. Annal.*
cap. 1. dicit: In summa Fortuna id æquius,
 quod

quod validius : sua retinere privatae domus,
 de alienis certare, laus Regia. Tenetorum
 Legatus apud Concilium Agrippinensium
 fatur : ut lucem diemque omnibus Homi-
 nibus : ita omnes terras fortibus Viris Na-
 tura dedit, *l. 4. histor. c. 64.* Dii Fortioribus
 adsunt, ceu judicat Civilis. *d. l. 4. hist. c. 17.*
 Bajozetes Turca Legatis Sigismundi Impe-
 ratoris pro Jure Armamentarium exhibet,
Piccart. dec. 17. Obs. 8. Lysandro apud *Plu-
 tarch. μίχαιρος* est βέλτεται πρὸς τῆς ὁρῶν ἀγ-
 λέγεται ; cuidam Coluber æneus est Ratio
 ultima Regum. Athenienses Medios allo-
 quuntur apud *Thucyd. lib. v. διωαὶ οἱ διωα-
 τοὶ πρῶτοι*, καὶ οἱ ἀδελφεὶς συγχωρεῖσι. Mar-
 cus præ strepitu armorum Leges non au-
 dit, nec Philippus, nec Alexander M. quem
 idcò omnium Gentium Latronem Legati
 Scytharum nominant apud *Curt. lib. 6.* ut
& Senec. ep. 49. & l. 1. de benef. c. 13. furore
 actum aliena devastandi : qualem etiam
 Josuam dixere Chananæi apud Suidam in
 Chanaan : ἡμεῖς ἱεροὺς χαναναῖοι, οἷς ἐδῶξεν
 Ἰησοῦς ὁ λευκός. At Potentiam regnorum
 augendam vix dissuaserim, auctu enim Im-
 perii adolescunt etiam privatae opes, *Tacit.
 l. 2. Ann. c. 33.* sed ubi fas, ubi Jus impel-
 lit : Peccat æquè qui sua negligit, quàm qui
 aliena diripit. Potentiam autem pro fine
 Status non vendito: non enim propter eam
 consti-

constitutus principalitèr Magistratus , sed propter Subditos , eorumque salutem. Si eam per se spectat , satisfactum Statui : per accidens etiam & data occasione per legitimas & bonas artes Regna & Imperia amplificandi, Potentiam quærere, nec Statui adeò contrarium reor & existimo. Augere ita debent Imperium Imperantes, non minuire : ideoque à Tacito *l. 4. Ann. c. 32.* Tiberius reprehenditur , ceu Princeps proferendi Imperii incuriosus : Proconsules *l. 4. Hist. c. 48.* quod securitati magis quàm Potentiæ consuluerint. Demetrius apud *Iustin. l. 35. c. 1.* ampliare fines regni & opes augere finitimorum bellis statuit, Mithridates ad regnum accedens statim non deregendò sed de augendò eò cogitavit ; *Id. lib. 37. c. 3.* Atque inde Augusti etiam vocantur Dynastæ mundani.

§. 7. Ultimi tandem Politicorum pro Pace , pro Tranquillitate Imperii dimicant, tanquam pro fine Status. Clamant cum Silio, *lib. xi.*

— — Pax optima Rerum,
Quas homini novisse datum est , pax una
triumphis

Innumeris potior : pax custodire salutem,
Et cives servare potens.

Pacis nomen dulce : Res ipsa verò cùm jucunda, tùm salutaris, *secund. Cicer. orat. Philipp.*

lipp. xi 11. Fructus Pacis omnes sciunt, omnes expetunt : non E. hic Autorum dicta colligo amplius. Certè fessis bellò pacis amor redire solet; *Tacit. lib 4. Hist. c. 8.* & post civilia bella Pacis interfuit omnem potestatem ad unum conferre, *l. 1. hist. c. 1.* quomodo cuncta discordiis civilibus fessa Augustus nomine Principis sub Imperium accepit; *l. 1. Ann. c. 1.* Romani toties, la cessiti Jure Victoriæ Tributum solum victis addiderunt, qui Pacem tuerentur, Cæriale dicente apud *Tacit. l. 4. c. 73.* quam ob causam ad Britannos tantum mittit Polycetum Nero, *l. 14. Ann. c. 39.* Non tamen segni ocio honestum pacis nomen imponendum, judicante Tacito *l. 14. Ann. c. 39.* Cæterum si infensa & infida pax, non Duci, non Militi requiem permittit, *sec. P. Ostorium, l. xi 1. Ann. c. 31.* si misera, vel bellò benè mutatur, *l. 3. Ann. c. 44.* Præterea in pace suspecta tutius bellum credunt profugi Urbi è Vitellianis, apud *Tacit. l. 4. hist. c. 49.* Et secundum Ciceronem, *orat. Philipp. xi 1.* Pax repudianda; si sub nomine Pacis bellum latet, si turpis, si periculosa, si esse non potest, qualem rejicit idem ille orator *orat. Philipp. 7.* Ita Nero consuluit inter Primores Civitatis, bellum anceps, an Pax inhonesta placeret, nec dubitatum de Bello, *l. xv. Ann. c. 25.* præsertim si Gen-

tes

tes præferoces hostes, quæ ad pacem tardius inclinant, *l. xiv. Ann. c. 38.* Vides igitur, num Pax Finis Statûs : hoc est, num propter pacem, qualem, qualem, Magistratus tantum constitutus. In bello Pacem : in Pace bellum volvere debet, & utrumque facere, nè quid Salus publica detrimenti capiat. Propter Pacem Magistratus facere debet potissima, sed non omnia. Finis E. Statûs non universalis & supremus ; sed particularis, & è Re Subditorum modò primarius, modò secundarius. Hoc dico : Pax melior bellô. Vologeses apud *Tacit. l. xv. Ann. c. 2.* magis amat æquitatem, quàm Sanguinem : Causam quàm arma ; sed tamen bellum movet. Pacem nè turbent Victores Cherusci, Fortuna elati providet Claudius, *l. xli. Ann. c. 29.* ad hanc etiam adhortatur Vologesen Corbulo *l. xlii. cap. 9.*

§. 8. Extremi Libertatem quærunt. Sed ubi Libertas & Pax concurrunt, dubium, quæ ponenda. Populum Rom. servire fas non est, quem Dii immortales omnibus Gentibus imperare voluerunt : aut vincatis oportet, aut quidvis potius faciatis, quàm serviatis. Aliæ Nationes servitutem pati possunt : propria Pop. Rom. est Libertas. Collige, quid Cicero pro Pace, quid pro Libertate, *orat. Philipp. 7. fin. differat.* Thra-

ces

ces pro Libertate se morituros dicunt, apud *Tacit. lib. 4. Annal. c.* Et hoc primum videndum est, cum omnibus nè Pax esse possit, an sit aliquod bellum expiabile, in quo Pactio pacis lex sit Servitutis. *Cicer. orat. Philipp. xii.* Haud enim facile Libertas & Domini miscentur, ut judicat Tenederorum Legatus *l. 4. hist. c. 64.* apud Tacit. Videtur igitur Libertatem prævalere. At Julius Auspex è Primoribus Romanorum, Vim Romanam & bona pacis dissertat. *d. l. 4. hist. c. 69.* ad quam ibidem Cerialis Tre viros & Lingonas hortatur, nè contumaciam cum pernicie, quàm obsequium cum securitate malint. Verùm Libertas potior pace, ubi illa per Bellum obtineri potest: ubi pro Libertate pugnans, æqualium virium, parisque potestatis. Aliàs pax magis necessaria, licet non satis honesta, ut loquitur Annibal ad Scipionem apud *Liv. lib. 30.* Res autem aliàs periculosa, Libertas, quam si Populus pro Fine Statûs habet, probè videat, nè ea, quæ ad veram Libertatem pertinent, negligat, & Libertatis Defensoribus nimium confidat. Satis enim prudenter Cerialis, Tre viros & Lingonas ad concionem vocatos alloquitur apud *Tacit. l. 4. hist. c. 73.* Cæterum Libertas & speciosa nomina prætexuntur, nec quisque alienum Servitium & Dominationem sibi concupivit,

vit, ut non eadem ista Vacabula usurparet. Ut Imperium evertant, libertatem præferunt : si perverterint; Libertatem ipsam aggre-
diuntur, judicat Politicus Romanus, *l. xv. 1. Annal. c. 22.* Pro exemplo adducit *l. 4. hist. c. 25.* Germanorum civitates, quæ adversus Romanos armatæ spe Libertatis : & si exuissent servitium, cupidine imperitandi : Imò *d. l. 4. hist. c. 55.* prorumpunt, nempe coalitâ libertate dispecturas Gallias, quem Virium suarum terminum velint. Usque adeò multum latet sub Schemate Libertatis : quantò enim majore libertatis imagine omnia teguntur, tantò eruptura ad infensius servitium : *l. 1. Annal. c. ult.* Facile autem videre licet falsum libertatis Vocabulum, si obtenditur ab iis, qui privatim degeneres, in publicum exitiosi, nihil spei, nisi per discordias habent, ut censet *Tacit. l. x. 1. Ann. c. 17.* malignitæque falsa species libertatis inest. Potest igitur etiam Finis esse, sed in Politia potissimum, prout pluribus *4. pol. viii.* Aristoteles deducit : Principalis semper Scopus manet Salus Publica.

CAPUT VI.

De Causis Impellentibus Statûs.

NOTÆ.

1. *Continuatio dicendorum.*
2. *Enarratio Causarum impellentium.*
3. *Causa impellens, num seditiosa Hominum Natura?*
4. *Prima Causa Impellens, Dignitas Reipublicæ.*
5. *Quid sit ea? & in quibus consistat?*
6. *Amor multitudinis quomodo acquiri possit?*
7. *Quomodo Fides?*
8. *Quomodo Admiratio?*
9. *Quando, & in quibus rebus dignitatis Ratio habenda.*
10. *Secunda Causa, Necessitas, quæ definitur & dividitur.*
11. *Absoluta Necessitas quæ?*
12. *Limitata Necessitas Quæ? & in quibus rebus?*
13. *Tertia Causa est Utilitas: quid ea? & quotuplex? & quibus in rebus servanda?*

§. 1. **P**ost Finem causas impellentes ad Statum, sive administrationem Reipublicæ qualificatam placet contemplari; quæ

quæ nempè illæ Causæ sint , quæ movent, ut tali vel tali modô Magistratus imperet & Populum gubernet : sive hæc, vel illa in Republica exerceat.

§. 2. Causas has sumunt alii ex seditiosa Hominum Natura : alii vel Dignitatem Reipublicæ , vel Necessitatem , vel Utilitatem statuunt.

§. 3. Ad Statum impellere seditiosam Hominum Naturam, forte an colligi potest ex *Tacit. lib. 3. Annal. c. 26.* Vetustissimi Mortalium, nullâ adhuc mala libidine , sine probro , sine scelere , eoque sine pœna & coercionibus agebant. At postquam exui æqualitas , & pro Modestia & Pudore Ambitio & Vis incedebat, provenere Dominationes , multosque apud Populos æternum mansere. Quidam statim , aut postquam Regum pertæsum , leges maluerunt. Ita primus omnium Ninus , Rex Assyriorum, veterem & quasi avitum Gentibus morem nova Imperii cupiditate mutavit , *Iustini, lib. 1. hist. c. 1.* Seneca *epist. 90.* scitissimè : Primi Mortalium, quique ex his geniti, Naturam incorrupti sequebantur, eandem habebant & Ducem & Legem commissi Melioris Arbitrio. Naturæ enim est , potioribus deteriora submittere. Indè inter Homines pro summo optimus , & qui melior, is potentior. Sed postquam surrepentibus vitiis

vitiis in Tyrannidem regna versa sunt, opus esse coepit Legibus, quas & ipsas inter Initia tulere Sapientes. Avaritia enim luxuria dissociavit mortales, & ad rapinam discurrere: inquit Idem & Cicero pro *Sext. cap. iv. to. §. xi.* Non indiguit igitur Status humani Generis primus hoc Statu: apud Sapientem enim regnum fuit, qui Paci favit, qui Genus humanum ad Concordiam vocavit, qui beatum Statum quaesivit, *sec. Senec. d. epist.* Mutatis animis Hominum in deterius, Status alius Regiminis vel ab ipso Imperante cervici impositus Subditorum, vel à Populo, ob vitia irrepentia, ob majorem Vitæ & Rerum securitatem: tribus; ob communem salutem rogatus. Imò & imponi & rogari debuit. Vix Princeps avitum in morem Populum nequiores reget; vix Populus pristinum in modum Principi parebit. Novus E. in Republica mutata formandus Status, hodiernis Imperantium & Obedientium moribus conveniens.

§. 4. Naturam Hominum corruptam monstrare alium modum Imperandi, satis probavimus. Sæpius autem Naturam Reipublicæ etiam flectit ad Statum, ejus Dignitas & Autoritas. Legimus propter solum eam tot bella à Purpuratis gesta, tot prælia commissa, tot Artes Politicas pro illa exercitas.

citas. Benè multa Romanus pro hac Dignitate. Quid est propositum, inquit, Reipublicæ Gubernatoribus, quod intueri, & quò cursum suum dirigere debeant? Id quod est præclarissimum, maximeque optabile omnibus sanis, & beatis, & bonis, cum Dignitate omnium. Hoc qui volunt, omnes Optimates, qui efficiunt, summi Viri & Conservatores Civitatis putantur, *orat. pro P. Sext. & lib. 1. Epist. 9.* Optatissimum est, vincere, secundum est, nullum Casum pro Dignitate & Libertate, non ferendum putare, *orat. Philipp. xiii. fin.* Mihi ante oculos versatur Reipublicæ Dignitas, quæ me ad se rapit: hæc minora relinquere hortatur, *Id. orat. pro P. Sext.* Experiendo magis, quàm discendo cognovi, neque salutis nostræ Rationem habendam esse sine Dignitate: neque Dignitatis sine salute: *lib. 1. Epist. 7.* Tiridaten Primoresque Vitellius monet, decus quisque suum & fidem retineret; *Tacit. l. 1 v. Ann. c. 37.* Voløgeses Concilium laudat, quod Gloria ejus & Vis in integrò, *l. xv. Ann. c. 2.* Omnes pro dignitate anxii. Pro hoc decoro Reipublicæ & pro Dignitate hac multum disputant apud *Tacit. lib. 2. Ann. c. 35.* Piso & Gallus, in quæstione: utrum dignior Status Reipublicæ Senatûs & Equitum, si munia absente Principe, vel si coràm & sub oculis

Cæsaris sustinerentur? Imò, si crudelis in se, qui Famam negligit, magis is crudelior in Rempublicam, qui ejus Dignitatem & Majestatem. Vix autem hæc Dignitas conservari poterit, nisi per prudens Imperium, quale est in Statu. Eam igitur ad hoc incitare Magistratum quis non concludet?

§. 5. Est autem Dignitas Reipublicæ Estimatio illæsi & secundum Virtutes civiles instituti Regiminis: & consistit ea in Amore Multitudinis, in Fide, in Admiratione cum quodam Honore.

§. 6. Amor Multitudinis habetur, si ipse amat Rempublicam, *Arist. 5. pol. 1 x.* Æque huc refero Senecæ illud *Epist. 9.* Ego Tibi monstrabo Amatorium sine Medicamento, sine Herbâ, sine ullius veneficæ carmine: Si vis amari, ama. Et clarior paucos inter senum Regum Bardanes fuisset, si judicio Taciti *lib. xi. Annal. cap. x.* perinde Amorem inter Populares, quàm Metum apud Hostes quæsisisset. Getulicus apud Eundem *l. 6. Ann. c. 30.* mirum Amorem assecutus, quia effusæ Clementiæ & modicus severitate. Unô verbô, sit æquabilis in suos, cum Artabano, *d. l. vi. Ann. c. 30.* Hunc Statum, & per hunc Dignitatem Republica acquirit Beneficiis: Quoad illum, non decet gratum Animum sollicitudo sed contra, summa fiducia sui & ex conscientia veri

veri Amoris dimissa omnis Anxietas, *sec. Senec. vi. de benef. c. 41.* Et Naturæ, Amare benefactorem. Quoad Hanc: magna Communitas est, quæ conficitur ex beneficiis ultro citroque datis. Omnium Societatum nulla gravior, nulla charior, quàm ea, quæ cum Republica est, *Cic. lib. 1. officior. c. 30.* Hanc genere officiorum qui prosequuntur, cum summa Utilitate Reipublicæ, magnam ipsi adipiscuntur Gratiâ & Gloriam, *Cicer. l. 2. Officior. & d. lib. 2. à contrar.* Habere quæstui Rempublicam, non modò turpè est, sed & sceleratum & nefarium. Inde Tiberius Incendium Romæ ad Gloriam vertit, exolutis domuum & Insularum preciiis, *Tacit. lib. vi. Annal. c. 45.* At per Honesta beneficentia exercenda: Tiberius erogandæ per honesta pecuniæ cupiens, quàm etiam Virtutem diu retinuit, cum cæteras exueret, *lib. 1. Annal. c. 75.* Ideò etiam satis firmus adversus Pecuniam laudatur, 3. *Annal. c. 18.* qualis magnifica largitio, ut honesta, etiam commendatur, 2. *Annal. 48.* ubique dum 4. *Annal. 20.* erga pecuniam alienam diligens describitur. Meritò autem apud Sapientes cassa benè habentur, quæ neque dari, neque accipi, salvâ Republica possunt, *lib. 3. Histor. c. 55.* Crescit Amor & Dignitas etiam per Clementiam. Solet dexteritas atque benignitas Morum, in altio-

ri Dignitatis gradu facilè omnium animos sibi reddere obnoxios, quemadmodum vernò tempore splendidi flores prætereuntium oculos in se convertunt; *Niceph. Gregor. lib. vi. de Andronicò* : τὸν ὀμιληκὸν φρόπον ἄπαυτες ἡδεῖται ὑποφέρει, *Isocrat. ad Demonic. Seneca lib. i. de Clem. c. xi.* hanc humani Generis incomprehensibilem Amorem, & ornamentum Imperiorum vocat. Ut severitas assiduitate amittit auctoritatem. *d. l. i. c. 22.* ita nihil gloriosius Principe impunè læso, *cap. xx.* Nihil tam peculiare Imperialis Majestatis, quam Humanitas, per quam solam Dei servatur imitatio, *l. si unus. 27. C. de donat. inter Vir. & Vxor.* qualem in Italo laudat *Tacit. lib. xi. Annal. c. 16.* prout à contrario *Iustin. lib. xii. Histor.* sævitiam Alexandri M. taxat. Nihil enim tam deforme, quam ad summum Imperium acerbiter Naturæ adjungere, *Cicer. l. i. epist. 1. ad Quint. Fratr.* Imò & ipsâ Famâ Virtutum, amorem surgere & Dignitatem crediderim. Meritò E. grave censet Famæ Tiberius, apud *Tacit. l. 6. Annal. c. 26.* ubi Corcejus Nerva, proximus Amicorum, nullis moriendi rationibus vitam fugit. Famam enim ejus per hoc multum imminutum iri benè credit. Nititur enim Salus & Ratio omnium, qui ad Rempublicam accedunt, non Veritate tantum,

tum, sed etiam Famâ, *Cicer. lib. 1. epist. 1. ad Q. Fratr.* quæ ex Virtute solâ, qualem præ Templô, Honori ejus ponendo, præoptat Tiberius, *Tacit. lib. 4. Annal. cap. 38.* Virtutis, E. etiam Famæ Virtutis & Beneficentiæ Merces est Gloria, 8. *Ethic. 14.* Et comes Virtutis Hominum bonorum Amor.

§. 7. Dignitas autem Reipublicæ acquiritur, non modò si Amor Hominum, per Beneficentiam, Clementiam, Famam Virtutis obtinetur: sed & si illi fidem adhibent, si credunt ita esse: Opus igitur hic est Prudentia, & ut talem Reipublicæ Moderatores habere existiment, opus Justitiâ. Has geminas Virtutes requirit in supremo Magistratu Philosophus; 5. *pol. ix.* quas sine dubio ad Dignitatem ratus pertinere. Prudentia tamen sine Justitiâ nihil valet ad faciendam fidem: quò enim quis versutior & callidior, hoc invisior & suspectior, detractâ opinione Probitatis: accuratè *lib. 2. Officior.* Connexæ E. sunt Virtutes, quarum una sine alterâ esse non potest. Prudentia autem est, quæ Honesta à Deterioribus, utilia à noxiis discernit, *l. 4. Annal. Tacit. cap. 33.* nè quid Suis desit; providens, secundum Senecam, *epist. 90.* Qui igitur cautis, qui prudentibus magis, atque acribus consiliis, ut Potentiam, *lib. xi. Annal. cap. 29.* sic Dignitatem scit habere, imò quibus

bus modis temperanter possit illa obtineri, *Tacit. l. 4. Annal. c. 33.* & obtinet; Fidem sic Prudentiâ facit Populo, facit Exteris, augetque Dignitatem Reipublicæ salutarî Mediô, quale in sola Honestate & Justitia fundatum requirit Tacitus, *d. l. 4. Annal. c. 38.* Et Cicero *lib. 2. Offic.* Romanos omnia Honestatis splendore ductos fecisse, scribit, prout pluribus Idem *lib. 5. de Finibus Bonorum & Malorum* deducit, quemadmodum totus Ille-Ipse in aureo, quem de Officiis scripsit, tractatu Naturam Honesti & Justi explicat, prudentique Reipublicæ Moderatori, ob Decus & Dignitatem, ob alios fructus Homo πολιτικός^o commendat, quem Tibi æquè, qui mentem meam vis firmare, atque ille Justum & Honestum committo.

§. 8. Tandem Admirationem, cum Honore quodam conjunctam volo, cum *Cicerone lib. 2. Officior.* Si Dignitas Reipublicæ provehenda. Honorem volo, non solum Admirationem. Multa enim admiramur, quæ non honoramus. Miramur ortûs occasusque & properantis mundi volubilem cursum, & alia digna miratu, nocturnos Ignium tractûs, & sine ullo Ictu sonituque fulgores cœli patiscentis, columnasque & Trabes, & varia simulacra flammarum: miramur Ambitionem, Luxuriam, Impotentiam,

tiam, *Senec. epist.* 93. alia: sed miramur non honoremus. Nulla ex hac Admiratione Dignitas, quam nos ei deferimus. Ast, ubi Virtute, ubi Sapientiâ aliquem præire reliquos videmus, illum admiramur, illum honoramus: & hoc conciliat Dignitatem. Quò E. quis majori potentiâ, eò & majoribus pollere debet Virtutibus, majori Prudentiâ. Ità cum admirabuntur omnes, ita venerabuntur, atque ita crescet Imperantis Dignitas & Reipublicæ Majestas.

§. 9. Dignitas autem sola vix sufficiens semper ad flectendum Statum. Quid si Necessitas concurrat? Cujus potior Ratio. Equidem Necessaria Gloriosus præponenda, *sec. Vellej. Patere. lib. 12.* Et Otho, ut in multa pace munia Imperii obibat, quædam ex Dignitate Reipublicæ, pleraque contra Decus ex præsentis Usu properando; *Tacit. lib. 1. Histor. c. 77.* Dignitatis Ratio habenda, sed cum Modo, quem desiderat in Pæto Idem *l. xv. Annal. c. 8.* In fortuitis nonnunquam Gloriam cum Tiberio quæret. *l. 2. Annal. c. 48.* vel in urbibus condendis, cum Nerone *l. xv. Ann. c. 40.* cognomento Regum appellandis; Regum enim in hoc Ambitio, vel Gloria variè vulgata *l. x. et xi. Annal. c. 24.* vel in minimis, cum Thrasea, Dignitatis publicæ Studio so, *l. xi. et xi. Annal. c. 49.* vel in decretis non mutandis;

l. 14. Annal. c. 49. Prudentis habetur. Vix inde Senatus Romanus apud Eundem *l. 4. Annal. c. 74.* excusandus, cujus parva cura fuit, an Imperii extrema dehonestarentur. Prudenter Corbulo *lib. 13. Annal. c. 34.* ratus dignum Magnitudine Populi Romani, parta olim à Lucullo Pompejoque recipere: cum contra malè audiant apud Eundem *lib. xi. Annal. c. 8.* Armenii, quod minora sine curâ habuerint. Ptolemæus apud *Iustin. lib. xv. Annal. c. 1.* etiâ propter Dignitatem, non propter prædam bellum suscipere voluit: & idè Otho laudatur apud *Nostrum. lib. 1. Histor. c. 71.* quod cuncta ad decorem Imperii composuerit.

§. 10. Post Dignitatem Necessitas addenda. Est ea, quæ etiam sæpè Imperantem movet, ut Reipublicæ Statum alium affingat. Necessitatis autem Vocabulum ambiguum: Quandoque Mortem apud Tacitum significat; Nonnanus imminentem Necessitatem sponte prævenit, *l. xi. Annal.* Necessitas ultima Senecæ indicitur, *lib. xv. Annal. c. 61.* Pollutia Filia, iratô Nerone, nunciat Patri, Uti Necessitate; *d. l. 16. c. x.* Supremas clarorum Virorum Necessitates, ipsamque Necessitatem fortiter toleratam, *lib. 1. Hist. c. 3.* Noster dicit. Quandoque Mentem vel Sapientiam perfectam innuit, cum aliter fieri non possit, atque ab ea constitu-

stitutum, *sec. Cicer. Academ. Quæst. lib. 1.*
 Quandoque Rem absolutè talem & inevi-
 tabilem, qualis est Fatum, quod quamvis
 significatum, vitari non potest, ut loquitur
Tacit. lib. 1, Histor. c. 18. & l. 6. Ann. c. 22.
 Hòc locò, cum Necessitatem, ut Causam
 impellentem Statùs pono, intelligo illam,
 cum cogitur Magistratus ad aliquid in Re-
 publica faciendum, quod aliàs optimâ Ra-
 tione omitteret: estque sic Necessitas Vis
 cogens Magistratum ad temperamentum
 Reipublicæ, h. e. ad Statum. Illa verò in
 absolutam & limitatam dividi potest.

§. 11. Absoluta Necessitas est in Re, quæ
 aliter fieri vel esse non potest; & huic pa-
 rendum, *Cicer. lib. 2. Offic. hortatur*, quam
 ne Di. quidem superant, ultimum & maxi-
 mum Telum, secund. Vectium Messium
 apud *Liv. lib. ix.* Et talis consistit in Virtu-
 tibus veris Politicis, in Fide, Justitiâ, Reli-
 gione: ut Fides est servanda: Justitia est
 exercenda: Religio est colenda. Imò &
 habetum in rebus extra Voluntatem no-
 stram positis. Ita, sive velit, sive nolit,
 Rhecuporis, gnarus Necessitatis in Urbem
 trahitur, *Tacit. l. 2. Annal. c. 67.* Athenien-
 ses oppressi Mithridatis armis, & ab Amicis
 oppugnati animos extra moenia, & corpora
 Necessitati servientes intra Muros habebant,
Valley. Patern. lib. 2. c. 24. Atque hæc, quæ

nullô modô mutari possunt , comprobanda, præeunte Galbâ apud *Tacit. lib. 1. Histor. cap. 7.*

§. 12. Limitata Necessitas est , quæ in se habet Conditionem, ut , si velit Rempublicam vel subditos beatos & obedientes , imò si velit Magistratûs seipsum benè firmatum, hoc vel illud faciat, & hæc potissimum Statum constituere solet. Probare id videtur *Tacit. l. 6. Annal. c. x.* exemplô Pisonis, qui nullius servilis Sententiæ spontè Autor , & quoties Necessitas ingrueret, sapientèr moderans. Hæc autem vel vera est , vel simulata. Simulata Necessitas est , cum facio talem , ubi nulla est . Ita Nero Provincias Orientis, maximè Ægyptum, secretis Imaginationibus agitans, vel Numine exterrente, vel Facinorum Recordatione, nunquam timore vacuus, fingit Necessitatem, dicens : Ergò ut in privatis Necessitudinibus proxima pignora prævalent, ita Populum Romanum vim plurimam habere , parendumque retinenti, *Tacit. lib. xv. Annal. c. 36.* Senatus apud eundem *lib. 1 v. Histor. c. 47.* Mutuum sexcenties Sestertium à Privatis accipit : verâne pauperie, an uti videretur , dubitat Autor, quia multò post Necessitas abiit, sive omissa Simulatio. Simulare Necessitatem , uti videmus, aliquando licet, cum primis quia ad securitatem Regni utile :
cum

cum dissimulare autem Necessitatem, inutile, certè hoc prohibitum. Peccavit inde Vitellius, Necessitatem dissimulans abunde ratus, si frueretur presentibus, *Tacit. l. 2. Histor. c. 93. ut & lib. 3. Histor. c. 54.* Prudentior Tiberius *lib. 1. Annal. cap. 24.* qui auditò Militum tumultu, Drusum statim Filium ex Re consulturum cum primoribus Civitatis mittit: Ipse Idem, quidem *l. 3. Annal. c. 44.* ob periculosa Treverorum, Æduorum, Galliarum, Hispaniarum machinamenta, utut optimus quisque Reipublicæ curâ mœrebat, & reliquus Tiberium increpabat, impensius in securitatem compositus, non quod Necessitatem dissimulare voluit, sed comperiens, modica esse & vulgatis leviora: prout Idem *l. 4. Annal. 74.* dissimulat damna à Frisiis illata Romanis: sed nè cui bellum permetteret, & quia Frisios non multum Romano Imperio nocituros, cum extrema modò tangerent, credebatur. Sic Res externas dissimulat etiam Nero, *l. 15. Annal. c. 18.* ad securitatem annonæ sustentandam. Ita dissimulare quidem licet Necessitatem ratione subditorum, sed non Procerum vel Consiliariorum: illi enim auditâ hæc moventur, prout videre licet *l. 3. Annal. c. 44. ex l. 1. Annal. c. 47.* hi verò Necessitati mederi debent: Caterum aliquando dissimulatam

Necessitatem, nè, si jam nota, in majus ere-
 datur, ultra asseverare licet Imperanti,
 exemplò Galbæ *l. 1. Histor. c. 18.* quam, si
 adest, nec Consilarii tacere, ut Cæcina &
 Valens *l. 2. Histor. c. 92.* sed præsentès mo-
 nere debent, cum Hordeoniò Flaccò, *l. 4.
 hist. c. 13.* quâ ingruente non omittere li-
 cet Caput Rerum, vel Rempublicam in ca-
 sum dare, *lib. 1. Annal. c. 46.* sed Modera-
 tione omnia magis, quàm Vi cum Helvidiò
 Prisco *l. xii Annal. cap. 49.* componere.
 Post simulatam, sub qua etiam dissimula-
 tam comprehendì, Vera videnda Necessi-
 tas, quæ revera talis est, & suadet aliquid,
 quod aliàs non fieret, si salva esse posset Res-
 publica. Et hæc rursus est vel in Pace, vel in
 Bello. In pace priorum temporum turba-
 torum Necessitates abrogandæ, ut censeat
 Mucianus *l. 4. Histor. c.* Quæ Tributa E-
 poscente bellò indicta, ea obtentò Pacis
 Munere, meritò remittenda. At Mucianus
 Jus aut Verum in Cognitionibus nequa-
 quam, sed solam Magnitudinem opum spe-
 ctans audit Delutiones, & locupletissimum
 quemque in prædas corripit: quæ gravia
 atque intoleranda, sed Necessitate armo-
 rum excusata etiam in pace mansere *lib. 2.
 Histor. c. 84.* Verùm contra Pacem ex in-
 dulgentia Fortunæ vel pravis Magistris.
 Nulla autem Necessitate urgente, contra
 leges

leges quicquam non statuendum esse, censet bene Thraſea *l. 14. Annal. c. 48.* Interea subjacet Necessitati Merces Superioris: Merces ab eo, qui jubere potest, Vim Necessitatis habet; & Nero stipes dedit, quas Boni Necessitate, Intemperantes Gloriâ consumerent: *d. lib. 14. Annal. c. 14. & 54.* Magistratus interdum Constitutio: Ex Necessitate Dictator creatus dicitur Livio *decad. 1. lib. 4.* Bonus Successor: Ita Galba apud Tacit. *lib. 1. Histor. c. 16.* Eò necessitatis jampridem ventum est, ut nec mea Senectus plus conferre Populo Romano possit, quàm bonum Successorem. Fides quoque & Amor, non quidem Conscientia liberâ, quomodo semper ad absolutam pertinent Necessitatem) sed Metu & Necessitate huc illuc mutatur, quemadmodum Statu Vitelli perturbatô, de Aquitaniâ gravissimus hic Autor scribit *lib. 1. Histor. c.* Otho plurima Jura distribuit Subditis: alios Dignitate, alios Largitione aggreditur; nova Jura Cappodociæ, nova Africæ dedit, ostentui magis quàm mansura: Inter quæ Necessitate presentium Rerum & Instantibus curis excusata, Idem ille Politicus *lib. 1. c. 78.* Ita Largitio; ita Dignitatis Concessio, ita alii modi demulcendi Populum novum vel irrequietum, Necessitati Regiminis subiacent. Nero post casum Britannicum

cum potissimos Amicorum largitione auget ; inde alii Necessitatem adhibitam credebant à Principe , sceleris sibi conscio , & veniam sperante , si Largitionibus validissimum quemque obstrinxisset , *bb. 13. Ann. c. 18.* quod Idem facit trucidatâ Matre , *l. 14. Annal. c. 12.* Tyrannus. Præcipuè Necessitatem deposcunt. Commoda publica : quemadmodum Populus Rom. Necessitate Victus & commodis suis , Bruti salutem unâ voce depoposcit : *Cicer. orat. Philipp. xiv.* Hactenus exempla Necessitatis pacatæ. In bello etiam Necessitatem sæpius Dominam esse quis non videt ? Imò belli tempore Reipublicæ Statum multis Necessitatibus esse obnoxium , quis non decernit ? Non tam Pacis amore , quàm belli Metu Legationes mittunt pro Pace ad Philippum Macedonem Græciæ Civitates : *Iustin. l. 8. Histor.* Causæ Belli sæpè necessitatem faciunt. J. Cæsar , redditâ Ratione Consiliorum suorum in Senatu & in Concione , ac miserrimæ Necessitudinis , cum alienis armis ad arma compulsus esset , Hispanias petere decrevit , *Vellej. Paterc. lib. 2. c. 3.* Ita Sapientes apud *Tacit. lib. 1. Annal. c. 9.* de Augustô judicant , ipsum Pietate , erga Parentem , & Necessitudine Reipublicæ in qua nullis tunc Legibus locus , ad arma civilia actum , quæ neque parari possent , neque haberi

haberi per bonas Artes. Q. Pomponium acerbitate Accusationis ad Necessitatem belli civilis detrufum dicit *Tacit. lib. 13. Annal. c. 43.* Imò Necessitas post belli Causas, Donativum Militare imperat: Inde queruntur Milites *l. 1. histor. c. 18.* dum Galba Pisonis Adoptionem iis intimat, usurpata, in pace etiam, Donativi Necessitatem bello se perdidisse. Commendat Necessitas sæpè Conflictum. Cæcino contractos in Principia Milites Temporis & Necessitatis admonet; *lib. 1. Annal. c. 67.* Jazyges obsidionis impatientes, & proximos per campos vagi necessitudinem pugnae attulere, quia Liguis Hermundunisque illis ingruerant. *l. xii. Annal. c. 30.* Ubi major Potentia, Submissionem, quemadmodum Vologeses; *lib. xv. Annal. c. 6.* necessitate Romanorum mitiora obtendit, metu abstruso: Pactionem: Ita Mithridates Necessitate victus diem locumque fæderi accipit, castelloque egreditur, *l. xi. Annal. c. 46.* Sed Necessitate premente num. Vita petenda vel conservanda? Dirus apud Nostrum *l. Annal. c.* projectus senectæ & longò Ufu Vim atque Clementiam Romanam edoctus, ponenda arma suadet: Unum id afflicti Remedium, quem sequuti, quibus major Vitæ quàm Gloriæ cupido. De obsessis Mogontiacis quoad Fidem Idem *l. Annal.*

Annal. c. Hinc Fides, hinc Egestas inter Decus & Flagitium distrahebant. Cunctantibus solita insolitaque deerant, absumptis animalibus, quæ profana sædæque in usum Necessitas vertit, donec tandem egregiam laudem sine turpi macularent, Vitam orantes. E. Vita, E. Fides major Necessitate; sed quibus major Vitæ quàm Gloriæ cupido. Tandem Pax concisis rebus necessaria, quæ ferè Honestatem & Dignitatem nonnunquam minus curare solet, ut judicat Hannibal in orat. sua pro Pace ad Scipionem apud *Liv. lib. 30.*

§. 13. Quarta tandem Causa impellens Status est Utilitas. Ob eam hodiè maxima bella, & flexæ maximè conspiciuntur Republicæ. Utilitas jam Justi propè Mater & æqui. Ad quam partem omnis Reipublicæ Utilitas Salusque converterit, eam eligere debemus, dicit *Cicer. orat. pro Cn. Planc.* Q. Cassius pari magnitudine animi & consilii præditus, eò ex Italia consilio provectus, ut prohiberet Syriam Dolabellam. Quò jure? quâ Lege? Eâ, quam Juppiter ipse anxit, ut omnia, quæ Reipublicæ essent, legitima & justa haberentur. Nihil autem hic utile credit, nisi quod Rectum Honestumque, quod omnes etiam boni ac fortes Viri putare debent, *lib. 9. Epist. 19.* Rectum & honestumvè, quod Reipublicæ salutare;

sed

sed bonis modis. Fides integra non manet, ubi magnitudo quæstuum, (intellige solum, & principaliter sine respectu æqui, boni vel honesti, spectatur, *sec. Tacit. l. x1. Annal. c. 6.* Est E. Utilitas hōc loco considerata Salus Reipublicæ, cogens Magistratum ad instituendum Regimen pro ea : & est ea vel licita, vel illicita. Hæc est per fas & nefas quæsitæ. Artabanus Abdum specie Amicitiae vocatum ad epulas lentō venenō illigat. Credit hoc permittere Utilitatem publicam, *l. 6. Annal. c. 32.* quemadmodum & quando Sinnaten Dissimulatione, Donis & simul per Negotia moratur, *d. cap. 32.* ubi sibi insidias structas cognoscit. Huc etiam referri possunt ea, quæ *cap. præced. §. 6.* de potentiâ dicta. Licita est, quæ Terminos honestatis non transcendit, & æquum simul & bonum perpendit. Omnes, qui magnarum Rerum consilia suscipiunt, æstimare debent, quod inchoatur, an Reipublicæ Utile, ipsis Gloriosum, aut promtum effectum, aut certè non arduum sit, ut judicat Mucianus *l. 2. Histor. c. 76.* & pro Republica Agricola miscet Utilia Honestis, *cap. 8.* Hæc autem Utilitas spectanda vel tempore Reipublicæ pacatæ vel per bellum turbatæ. Pacatæ Reipublicæ utilitas est, tuta & præsentia, quàm vetera & periculosa malle, *sec. Tacit. lib. 1. Annal. cap. 2.* quomodo

modo & Corbulo Tiridaten laudat, quod omiſſis præcipitibus tuta & ſalutaria capeſſat, *l. xv. Annal. c. 29.* Applicari poſſunt ea pacato Statui, licet dicta ad bellantem Hominem. Idem *lib. 3. Annal. c. 31.* plurima per Italiam itinera fraude Mancipium & incuriâ Magiſtratum interrupta & impervia clamitando, executionem ejus. Negocii libens ſuſcepit: quod haut perindè publicè Uſui habitum, quàm exitioſum multis, quorum in pecuniam atque famam damnationibus & haſtâ ſæviebat. Salutare etiam ſatis Reipublicæ, ſi ipſe Princeps offenſionum non pavidus pro Utilitate publica vigilat, *l. 4. Annal. c. 38.* Socios ejus cauſa ſuſcipit, velut Idem *lib. 1. Annal. c. 58.* de Segeſte dicit, quod Amicos Inimicoſque ex utilitatibus Romanorum delegerit. Quia ex horrida Antiquitate quædam ad præſentem Uſum flectere licet, *l. 4. Annal. c. 16.* licet etiam temporibus Reipublicæ poſtulantibus remittere aliquid & mitigare, ſi expedit, *lib. 3. Annal. c. 34.* vel ex ſuo Uſu plebem Primoribus committere, ſi Imperator, quod Artabanus facit *lib. 6. Ann. c. 42.* & Quadratus *l. xi. 1. Annal. c. 48.* cui decus publicum parum curæ, ubi plures tuta differunt. Tacitus vile decus publicum clamat, quando tempore Ottonis privata cuique in Familiis Stimulatio, *l. 1. Hiſtor. c. 90.*

Neque

Neque aliud utilius alteri Imperantium, quàm si efficere potest, ut in commune non consulant; quod de Romanis aduersus Gallos scribit *Tacit. in Agric. c. 12.* Prior Necessitas autem est Gloriosò vel amænò: cum parum provisum Regentibus, Reipublicæ, ubi Amænitati prius quàm Usui consulti-
tur, *l. xiv. Annal. c. 31.* Prior & Potior Rebus dubiis: Milites Poeti *ap. eund. l. xv. Annal. c. 13.* referunt, validam & laudatam Antiquitatem, quoties Fortuna contra daret, Saluti consuluisse. Utilitas autem hæc spectat vel Ministrorum Electionem: hæc enim pertinet ad utilitatem publicam, *l. 4. Histor. c. 7.* vel ædificia: à Nerone ex utilitate publica ædificari cæptum memorat Idem *l. xv. Annal. c. 43.* quæ simul & decorem novæ Urbi attulit; vel Provincias regendas: Inde Ostorius *d. l. xvi. Annal. c. 30.* obijcit Sorano, quod Proconsulatum Asiæ pro Caritate sibi potius accommodatum, quàm ex utilitate communi egisset: ad quam multis etiam præceptis adhortatur Cicero Quintum Fratrem *lib. i. epist. 1.* Respicit hæc Utilitas Pænas. De Nerone dicit Noster *l. 13. Annal. c. 44.* Licet in fontes & novissima exempla meritos animad-
verteret, tamen miseratio orta, tanquam non utilitate publica, sed in sævitiam unius absumerentur. Ubi exemplò opus, inten-
dit

dit Utilitas poenas nonnunquam gravissimas; quod apud *Tacit. l. xiv. Ann. c. 44.* in eade quadringentorum Servorum, ob Pedonium Secundum, Dominum cæsum, suppliciis affectorum videre licet. Benè Cassius: Habet aliquid iniqui omne magnum exemplum, quod contra singulos Utilitate publicâ rependitur. Respicit hæc Utilitas prava certamina abolenda, quomodo laudatur Titus apud *Nostr. l. 2. Histor. c. 5.* qui præcipua Concordiæ Fides inter Vespasianum & Mucianum prava certamina communi Utilitate aboleverat. Imò observat Utilitas Vestigalia. Non E. centesimam rerum venalium, post bella civilia institutam abrogare vult Tiberius, cum militare ærarium, eò subsidio nitatur, *Tacit. lib. 1. Annal. c. 78.* Utile etiam, fluminum mutare cursus, si exundantia nocent. Videtur: at contrarium tenet Politicus noster *lib. 1. Annal. c. 79.* Optimè enim rebus Mortalium consuluit Natura, quæ sua ora fluminibus, suos cursus, utque originem, ita fines dedit. Vides in Pace, quem intendat Utilitas Statum. Nec ea in bello Exul, quæ ad clavum ferè semper sedere solet. Utile Fortunæ moderari cum Corbulone, *lib. xv. Annal. cap. 5.* Ex rerum usu decet legiones Sociare parti-rivè: *d. l. xv. c. 6.* Destruit hæc munimenta Urbium. Artaxata à Corbulone occu-
pata,

pata, ideo solo æquata sunt, quia ampla; quia si in integro & incustodita relinquerentur, nulla in eò Utilitas aut Gloria, quod capta essent, l. xiiii. *Annal. c. 41.* & quæ alia sexcenta. Uti Necessitas, sic & interdum Utilitas pacem suadet, prout Cerialis l. 4. *Hist. c. 74.* & ap. *Liv. lib. 30.* Annibal sentiunt. Res has omnes Utilitati subiecimus: Ipsa verò quid Juris in Reipublicæ Statu habere debeat, docet *Vellej. Paterf. l. 2. Histor.* dicens: Interest Reipublicæ, quod Usu necessarium, Dignitate eminere: Utilitatemque Auctoritate muniri. Romani enim, quod Usu optimum, id in tutelam maximam certæ securitatis advocârunt. Atque hæc de Causis impellentibus ad Statum dicta sunt, quæ omnia brevissimis dedimus lincis, cum singula librum poscere videntur.

C A P U T VII.

De Subjecto STATUS.

N O T A.

1. *Continuatio Dicendorum.*
2. *Quid Respublica, remissivè: & num ea Subjectum Status? Quod probatur.*
3. *Carpzovii Opinio de Statu examinatur & refutatur, cum illum ratione Qualitatis & Quantitatis expendit.*

4. *Ari-*

4. *Aristotelis Opinio circa Quale & Quantum Respublica, itidem apposita examini subicitur.*

5. *Subjectum Respublica cum ejus Partibus: quod per Tacit. lib. 4. Annal. cap. 6. probatur.*

6. *Status num in rebus judicatis cum Cicero-
ne consistat? Cujus Sententia explicatur.*

7. *Status num in Ara vel Focis? Et quid
Ara? quid Focus?*

§. 1. **H**Actenus fuere Causæ impellentes:
sequitur Subjectum, in quò Status,
quale damus Rempublicam.

§. 2. Quid sit Respublica disputant mul-
ti. Nos præeuntem veneramur Aristote-
lem. 3. *pol.* 1. & 4. prout supra cap. 2. §. 2.
ejus definitionem adduximus, hic non re-
petendam: Subjectum autem esse, simul
evicimus. Neque enim Rempublicam, ut
Objectum agnosco, circa quod Status ver-
sari debet. Diversa sunt Respublica ipsa,
formaliter considerata, & Res in ipsa Repu-
blica contentæ. Subjectum illa, hæ Obje-
ctum Status. Subjectum est Respublica,
quia in ea est Status, circa Res illius admi-
nistrandas occupatus: objectum Res, quas
Status format, secundum Rationem Politi-
cam: de quò capit. seq.

§. 3. Magnus Carpozovius cap. xiii.

Section.

*Section. 7. n. 3. Comment. ad L. Reg. dicit, Statum Reipublicæ bifariam considerari : vel ex Quantitate, vel ex Qualitate : Illam Magnitudinem Reipublicæ complecti vel externam in Provinciis, vel internam in Juribus ; hanc autem in summa Imperii esse potestate, Formam Reipublicæ distinguente. Sic igitur Subjecti locum habebit Quantitas & Qualitas Reipublicæ. Nunquam autem in Quanto Status consistit, si vocabulum rite & rectè accipimus. Non enim ipsæ Provinciæ faciunt Statum, sed Provinciarum Administratio. Imò quis in juribus credet etiam consistere Quantitatem ? Jura enim non sunt Quanta, sed Qualia. Qualitatem esse in summa Imperii potestate, Formam Reipublicæ distinguente, vix videtur. Qui enim Qualitatem Status in summa Imperii potestate statuit, ille Qualitatem in Qualitate, Accidens in Accidente statuit. At hoc non potest per rerum Naturam fieri. Semper enim Qualitates & Accidentia Subjectum requirunt, cui insint. Nec summa Imperii potestas Formam Reipublicæ distinguit, sed validiorem efficit. Quæ forma sit Reipublicæ diximus *cap. 2. §. 3.* Nunquam autem talem, summam Imperii potestatem distinguere, ab altera patet, cum hæc omnibus Rerumpublicarum competit, nec diversam facit ullam Speciem in hoc Tertio.*

Æquè

Æquè enim summam Imperii potestatem habet Monarchia, æquè Aristocratia, æquè Politia: qui E. Respublicas distinguere potest? Non E. Status in Quantitate Reipublicæ, nec in Qualitate, h. e. summa Imperii potestate erit, Talis enim potestas non est in Statu, sed format & efficit Statum.

§. 4. Aristoteles 4. *pol.* x i i. aliud Quale & Quantum facit, sed in Civitate. Quale dicit Divitias, Libertatem, Virtutem: illas Oligarchiæ; istam Politicæ, hanc Aristocratice tribuens: Quantum ipsi est multitudinis Præstantia. Et Respublica sic vel in Quantitate, vel in Qualitate eminere potest: ubi E. magis Quantitate quàm Qualitate superatur Plebs, ibi optimus Popularis Status. At neque in hoc Quali vel Quanto consistit Statûs. Eadem Ratio huius Quanti atque §. antecedentis. Carpzoviani: Quod Quale attinet, Idem d. l. 4. *polit.* c. 8. dicit, quod Α' εἰς κληῖας ὁρᾷ καὶ δόξῃ ὀλιγαρχίας καὶ πόλιος. δὲ δὲ ἐλαττερία. Si Finis, non E. Subjectum nostri Statûs.

§. 5. Remanet E. Subjectum Statûs integra Respublica non Ejus Quantitas vel Qualitas. Cum etiam Respublica suas habeat partes, de quibus Idem ille 4 *pol.* x i v. Idem erit de partibus dicendum, quod de totò. Congruentius crediderim, inquit Tacit. lib. 4. *Annal.* cap. 6. recensere cæteras quoque

quoque Reipublicæ partes, quibus modis ad eam diem habitæ sunt. Idem etiam de Speciebus Rerumpublicarum: nempe quæ Monarchia sit Subjectum Status Monarchici: Aristocratia Status Aristocratici Subjectum; Politia Subjectum Status Politici.

§. 6. Statum Reipublicæ rebus judicatis contineri putat *Cicer. orat. pro P. Sylla*. Num E. subjectum Status Res judicatae? Equidem in Rebus judicatis illum etiam querendum, vel secundum eas instituentum esse ex parte non negaverim. Habet enim Res judicata plurimum roboris in Republica, quæ Jctis, ceu Veritas, semper habetur. Si hæc congrua rebus agendis pro Republica, qui non Status in Rebus judicatis ponendus? Cum autem sæpius Personarum tantum privatarum causas habent, & Consilia Status Rebus Politicis, quæ frequentius multum inter se diversæ, aptanda: verum saltem Ciceronem existimamus, ubi Casus idem, & Circumstantiæ Rerum civilium non aliam deprecant Regiminis Rationem.

§. 7. Non est in Parietibus Respublica, sed in Aris & Focis ut idem Cicero loquitur, *lib. 7. Epist. xi*. Et Patriam Themistocles apud *Iustin. l. 2. c. xii*. Municipis credit, non mænia: civitatemque non in ædificiis, sed civibus positam. Status E. in Aris,

E

in

in Focis consistet : imò & inter Cives. Sub-
 jecta erunt Ara , Focus , Cives, sed partialia,
 quæ omnia in se continet integra Respubli-
 ca. Quid Aræ ; quid Foci , quid Civium
 nomine veniat , haut difficile reor. Taceo
 Deos patrios & Penates , quos Ethnicorum
 relinquo Societati : Tempia, Domos Privatorum,
 Subditosque inpuunt Cicero & Themistocles.
 Subjicienda hæc omnia Statui. Heu mihi ! si is in Templis , in Domibus
 Privatorum , inter Subditos non rectè for-
 matur , quæ non inde proveniunt Pericula,
 Seditiones , Desolationes , Devastationes,
 Mutationes. Sunt hæc Subjcta ; quatenus
 Statum recipientia habentur : quatenus cir-
 ca ea benè ordinanda vel regenda Status oc-
 cupatur, Objectum , de quò cap. seq. Hæc
 de Subjctò Status dicta sufficiant.

C A P U T V I I I.

De Objectò S T A T U S.

I. *Ratione Personarum.*

§. 1. *Objectum duplex : Materiale : Personæ, Res, Actiones tales, formale , quatenus pro Ratione Status formandæ.*

2. *Cicero qualia habeat Objecta: ut & Aristoteles & obrectatores Patri.*

3. *Per-*

3. *Personarum civilium Divisio.*
4. *Personarum imperantium Divisio.*
5. *Magistratûs quid?*
6. *Divisio Magistratûs.*
7. *In se. talis quoad Qualitates datur per regulas.*
8. *De Præceptoribus Principum.*
9. *Quoad ætatem Magistratus. quid observandum?*
10. *De Successore præcepta & Monita.*
11. *De Tyrannô, & quæ actiones Ejus.*
12. *De Senatu axiomata, & regule.*
13. *Delegatus Magistratus quis? & quæ regula de Illô?*
14. *Iudex quis? & quæ de eô regula.*
15. *In Iudiciis quæ personæ necessariae; ubi earum axiomata.*
16. *Personarum Obedientium Divisio.*
17. *De Peregrinis.*
18. *Indigenarum Divisio.*
19. *Sacræ Personæ quæ?*
20. *Profanarum Personarum Divisio.*
21. *Quæ majoris Dignationis.*
22. *Circa Consiliarium præcepta, tum pro Principe, tum pro ipso Consiliario formata.*
23. *Circa Nobiles quæ notanda?*
24. *Circa Historicos dantur monita.*
25. *Minoris Dignationis sunt Mathematici, Histriones, Publicani, Faneratores: Plebs*

universa : & quæ circa illos & plebem pensanda axiomata.

26. *De Fæminis, Reginis illustribus, nobilibusque Vxoribus, & quæ circa has etiam pro Ratione Status Princeps volvere debeat consilia.*

27. *Personæ extra Regnum sunt Socii, Confæderati; de quibus dantur Monita: sunt obfides, quorum Natura & finis etiam detur: Quia pro Sociis Legati mittendi, ideò de Legatis aliquid additur ex Nostro: cetera apud alios quærenda.*

§. 1. **P**ost Subiectum Statûs Objectum considerandum venit, circa quod occupatus Status: Cum duplex aliàs Objectum Logicis dicitur, nempè Materiale & Formale, utrumque hic Locorum admittimus; Materiale sunt Personæ, Res civiles, quibus addo Actiones tales: Formale, quatenus pro Ratione Statûs formandæ: de illô hoc Caput, de hoc sequens tractabit.

§. 2. Cicero, orat. pro P. Sectio hæc fundamenta & Membra Reipublicæ credit, quæ tuenda Principibus & vel Capitis periculô defendenda: Religiones, Auspicia, Potestates Magistratuum, Senatûs auctoritatem, Leges, Morem Majorum, Judicia, Jurisdictionem, Fidem, Provinciam, Socios, Imperii laudem, Rem Militarem, Ærarium nume-

numerat. Harum Rerum tot atque tantarum esse Defensorem atque Patronum, magni animi est, magni Ingenii; magnæque Constantiæ. Aristoteles 4. *pol.* 14. Τα κρινα̃ censet τὸν πόλεμον καὶ εἰρηνήν, καὶ συμμαχίαν, καὶ ἀλέλυσιν, καὶ νόμους, καὶ θάνατον, καὶ φυγὴν, καὶ δήμευσιν, καὶ τὰ δίδυμά. Obtrectatores ad Pœtum Thraseam ap. Tacit. lib. xiii. *Annal.* cap. 49. Cur, si Rempublicam egere libertate Senatoriâ crederet, tam levia confectaretur. Quin de Bellô aut Pace, de Veti- galibus & Legibus, quibusque aliis Ro- mana continentur, suaderet, dissuaderetvè. Sic Cicero, sic Aristoteles, sic Obtrectatores Pæti objecta ponunt Statui. Nos Metho- dum servamus nostram, & dicimus, quod vel circa Personas, vel circa Res civiles, vel circa Actiones occupatus Status.

§. 3. Personæ hæ vel sunt in regno Im- perantes & Obedientes; vel extra Regnum, Socii & Confoederati.

§. 4. Personæ in Regno Imperantes, non quidem æquali modô, sed quælibet pro suo officio, Aristoteli 1v. *Politic.* xiv. sunt Ma- gistratus, Senatus, Judex.

§. 5. Magistratus ἐστὶ μέγιστον τῆ πολιτείας, ὅσῳ ἀποδέδωται βελούσαις τε πρὸς πινῶν, καὶ κείναι, καὶ ἐπιτάξαι, καὶ μάλιστα τῷ τοῦ γὰρ ἐπιτάττειν ὀρχκώπρῳ ἐστὶ, Idem 4. *pol.* xv.

Qui & quot requirantur in Republica Ma-
gistra-

gistratûs, qui necessarii, qui utiles : an hic ratione Rerum vel Hominum dividendûs, docet idem Græcus Politicus. *d. cap. xv.* ad quod ablego Fundatorem Statûs : ex quo quid suæ Reipublicæ utibile, haurire potest per Judicium politicum. Magistratus autem in Monarchia est Princeps, in Aristocratia sunt Optimates, in Politia autem Populus. Hôc locô autem considerandus Magistratus vel ut Princeps, vel ut alteri delegatus : & rursus ut est bonus & legitimus, vel ut malus habetur & illegitimus qualis est Tyrannus.

§. 6. Bonus & legitimus iterum est vel in se talis actu, vel ut speratur & habetur Successor.

§. 7. In se talis actu hic tantum quoad Qualitates & Ætatem Cognitioni subjacet, quoad actiones alibi. Sit igitur Persona Magistratum gerens, ut Princeps, Indigena. Parthi Vononem, cum petitus acceptusque Româ Rex, ut externum aspernantur. *l. 2. Annal. cap. 4.* Italum Germani etiam fastidiunt, ut Exploratoris Flavii progeniem, ipsis externam, & Romæ ortam, *l. xi. Annal. c. 16.* Verum vix hoc universale; quippe Fortuna *sec. Tacit. lib. 3. Annal. cap. 18.* nos rectius D e u s futurum Principem in occultô tenet, inde Exempla etiam externorum Regum inter Historicos. Sit Princeps
Magi-

Magistratus eximiæ Formæ : quomodo apud Tacit. omnes verè Magnates à specie formosa commendantur. Cæsar Ariobarzanem ob insignem corporis Formam & præclarum animum volentibus Armeniis præfecit, *l. 2. Ann. c. 4.* Eximia Germanici species laudatur *d. l. 2. Annal. c. 41. & 72.* Neronis, cui fuit forma Principe viro digna. *l. 4. Annal. c. 15.* Itali formâ decori *l. x1. Annal. c. 16.* Rhadamisti, decorâ proceritate & corporis insignis, *l. x11. Ann. c. 44.* Titi *l. 2. Histor. c. 1.* Domitiani, *l. 4. Histor. cap. 40.* Atque ita notanter quoad Formam hanc Principis ; Noster *lib. 1. Histor. cap. 7.* de Galbâ : Ipsa ætas Galbæ & irrisui & fastidio erat, assuetis Juventæ Neronis ; & Imperatores formâ ac decore Corporis, ut & mos Vulgi, comparantibus : Sit boni Ingenii, quantæcunque Fortunæ capaxis, quale in Tito laudat Noster *l. 2. Histor. c. 1.* excolendumque suadet per Præceptores, & quoad artes Pacis & Belli.

§. 8. Quod Præceptores & Artes Imperatore dignas concernit, nec illos, nec has tacet Tacitus. Sosibius Britannici fuit Educator, *lib. x1. Annal. c. 5.* Nero Burrhum habuit & Senecam, Imperatoriæ Juventæ Rectores, pari in Societate potentiæ concordēs, diversa arte ex æquo pollentes : Burrhus militaribus curis & severitate Mo-

rum : Seneca præceptis Eloquentiæ & Comitæ honestâ. *lib. 13. Ann. c. 2.* quem ob claritudinem studiorum Ejus, utque Domitii Pueritia tali Magistrô adolesceret, & consiliis ejusdem ad spem dominationis uteretur, Agrippina Mater elegit, *lib. x. 1. Annal. cap. 8.* Inde Princeps informari debet in Institutis Populi, ut Zeno, *lib. 2. Annal. cap. 56.* & patrium ad morem, cum Italo *lib. xi. Ann. c. 16.* Satis doctrinarum pro Principe, qui certè cum Agricola, ultra quàm concessum Imperatori & Magistratui, studium Philosophiæ & Juris haurire non debet, sed retinere, quod quidem aliàs est difficillimum, ex Sapientia Modum : in *Agric. c. 4.* Non E. Ars Chaldaea necessaria quam discebat Tiberius *l. 6. Annal. c. 20.* nisi pro recreando animo : nec coelare, pingere, cantûs aut regimen Equorum exercere, vel carmina pangere : in quæ, ut in alia puerilibus statim annis vividum animum, non sine notâ detorsit Nero, *lib. 13. Annal. cap. 3.* quod ut foedum notat Idem *l. xv. Annal. c. 13.* & Senecæ ac Burrho displicuisse. Melius Tiberius, qui Filium Drusum in Illyricum mittit, ut sue scat Militiæ, studia paret exercitûs, simulque Juvenis, urbanô luxu lasciviens melius in castris habeatur, *l. 2. Ann. c. 44.* Quomodo educatus Filius Germanici, videre licet *l. 1. Ann. cap. 41.*

cap. 41. quomodo Agricola, in Agricol c. 2. in sede ac Magistrâ Studiorum, Massiliæ studens parvulus : quomodo Arrybas Athenis ap. Justin. lib. 17. hist. c. 3. quomodo Alexander M. ap. Eund. lib. x11. c. 7.

§. 9. Quoad Ætatem, cujus §. 7. Mentio facta, consideratus Princeps, vel Magistratus, nè sit Juvenis. Serviendum Fœminæ, dicit Pop. Rom. apud Nostr. l. 1. *Annal. c. 4.* duobusque insuper Adolescentibus, Tiberio & Agrippæ, qui Rempublicam interdum premant, quandoque distrahant. Imò & queritur, quod congesti Juveni, Tiberio, Consulatus, Triumphi. Ira Tacitus; quod incallidus alioqui & facilis Juventâ, senilibus artibus adhuc regendus, l. 3. *Ann. c. 8.* prout de Druso juvene judicat, & Milites rebelles lib. 1. *Annal. cap. 26.* referunt. Inde monet l. 4. *Annal. cap. 17.* Senatum æquari adolescentes senectæ suæ impatienter indoluit, nè quis mobiles Adolescentium animos præmaturis honoribus ad superbiam extolleret: quod tamen Augustus, sed pro Ratione Status sui facit, dum subsidium Dominationi Claudium Marcellum, Sororis Filium admodum Adolescentem Pontificatu & curuli ædilitatē extulit. Aliàs habentur ut plurimum in Regimine incuriosi, quod de Ptolomæo Jubæ Filio Noster dicit. l. 4. *Ann. c. 23.* imò in-

cauti, quod in Nerone patescit *l. 4. Annal. c. 59.* nullius autoritatis, quomodo Hiero pueritiam Tiridatis increpat, *l. 6. Ann. c. 43.* apud quem etiam ut imbellem, externa, (Romanâ militia) Mollitiâ, inane fuit Imperii Nomen: quorum Modestiam sæpius pro superbia interpretantur alii, sicut Drusus exemplo haberi potest *lib. 3. Annal. c. 59.* Cæterum Patrem Imperatorem, Filium in Regimen vocare haud novum: & ubi per Leges vix concessum, arte moliantur, quod facit Tiberius cum Filio Druso *l. 3. Annal. cap. 31. & 56.* Ratioque additur *lib. vi. Annal. c. 46.* nè, si extra Domum Successor, Memoria, ratione Tiberii, Augusti, nè Nomen Cæsarum in ludibria & contumeliâs vertatur: Multis enim Imperantibus non perindè curæ præsentium gratia, quàm in Posteris Ambitio. Imò hi etiam charitate & sanguine propiores pro Externò.

§. 10. Successor Principis vel Magistratus cum consideratur, certè talis eligendus necessariò creditus Tiberio *l. 3. Annal. c. 56.* nè Successor in incerto foret, atque ut sic praviæ aliorum spes coercerentur. Priusquam autem unus eligitur, multi destinantur. *lib. 2. Histor. c. 1.* prout quis Amicus vel Cliens, *lib. 1. Histor. c. 12.* Ea Conditio est Successorum futurorum. Quandoque optimum de his ut Imperator supremis sermoni-

monibus tractet, exemplo Augusti, *lib. 1. Annal. cap. 13.* & anxii admodum propter Successores Tiberii, *l. 6. Annal. c. 46.* Eligendus autem Major natu, qui prior ætate spem principis loci habere debet, *sec. Sejan. l. 4. Annal. c. 60.* si liberi adsunt; & imperatoriarum ille Virtutum. Aliàs Successor bonus quærendus, non sumendus. Galba dicit, se bonum eligere, Pisonem intelligens, *lib. 1. Histor. c. 16.* nec in Domô, ut Augustus, *lib. 1. Annal. c. 13.* sed in Republica, suas Necessitudines posthabens, *lib. 1. Histor. c. 15.* Talis enim charitate & Reipublicæ curâ sumendus, ut domestici Augusti judicant, *lib. 1. Annal. c. 10.* non ut sibi gloriam comparatione deterrima quærat, cum eum in Successorem eligit, cujus arrogantiam sævitiamque ante introspectit; quod de Augustô dicitur *d. l. 1. Ann. c. x.* Sapientius Tiberius de Druso, & ob Drusum loquitur *l. 3. Annal. c. 56.* in cujus commendatione prolixus; scilicet quod per octo annos captô experimentô, compressis seditionibus, compositis bellis, triumphalis & bis Consul, noti laboris particeps sumatur. Neque absurdum, Successorem commendare Reipublicæ, si commendatione dignus. Cæterum, *sec. Tacitum*, non sine Periculô Successores. Suspectus semper in visusque Dominantibus, qui proximus de-

stinatur , ut Otho judicat *lib. 1. Hist. c. 21.* Sejanus , potentiam quærens , Neronem maximè, Successioni proximum insectatur, *l. 4. Annal. c. 59.* & accusat , ut pervertat, *lib. 5. Annal. c. 3.* Ita ille volutat apud se *l. 4. Ann. c. 12.* quònam modò Germanici liberos pervertat , quorum non dubia Successio Tandem etiam variis subjecti sunt Judiciis, ut Tacitus habet *lib. 1. Annal. cap. 4.* ubi pars multò maxima Romanæ Plebis imminentes Dominos variis rumoribus distulit.

§. 12. Tyrannum quòd attinet , ipsiusque Mentem ; Certè non frustra præstantissimus Sapientiæ firmare solitus est, si recludantur Tyrannorum Mentes, posse aspicci laniatùs & ictùs ; quando ut corpora verberibus, ità sevitiâ, libidine, mialis consultis animus dilaceretur ; *l. vi. Ann. c. 6.* Modò qui pavore exurgit, Tyrannus conspicitur, modò Mentis inops , suæque incolumitati infensus. *l. 14. Annal. c. 10.* facinorum recordatione nunquam timore vacuus ; *l. 15. Annal. c. 36.* Plerumque enim ut Actiones tangam Fratres , Propinquos , longius sitos cædibus exhaurit , quibus adjicit conjuges gravidas, liberos parvos, socors domi, ignaviam sævitia tegens ; quæ omnia in Gotarze deprehensa comunemorant Parthi *lib. xi. Annal. c. 10.* & videre est *l. xi. Annal. c. 8.*

Imò

Imò & præcipuos è medio tollit ; l. xv. *Annal. c. 57. l. xvi. Annal. c. 16. & 23.* non Matri, non Fratri, non Uxori, non Præceptorì parcens, quod de Nerone Tyrannò scribit Noster l. 14. *Ann. c. 8. lib. 13. Ann. c. 16. l. 16. c. 6. l. 15. c. 83.* Sævitiàm Tiberii describit Idem l. 6. *Ann. c. 19.* ut & libidines nefandas lib. 6. *Ann. c. 1.* voluptatesque Neronis l. xi 11. *Ann. c. 25.* Impiù Tyranni, quorum actiones inhonestæ, quorum offensiones augemus industria atque Justitiâ, l. xv 1. *Ann. cap. 23.* Soli enim hic Vitiorum Ministri perplacent, quorum proprium tales fovere, amare, honorare, ut Aristoteles exputat, quando v. *polit. xi.* actiones Tyrannorum commemorat. Sic validior apud libidines Principis Neronis Pacis fuit, quàm ut pœnâ afficeretur, l. 13. *Annal. c. 22.* Sic Otho ob luxum in amicitia Neronis flagrantissimus habebatur, d. lib. 13. *Annal. c. 45. & lib. 1. histor. cap. 13.* Sic validior in dies Tigellinus ob malas artes, d. l. 13. c. 57. de quò plura l. 1. *Histor. cap. 72.* Sed num hi tolerandi? Certè verba notatu digna Subrii Flavii l. 15. *Ann. c. 67.* ad Nevorem data: Oderam Te; nec quiskquam tibi fidelior Militum fuit, dum amari meruisti: Odisse cœpi, postquam Parricida Matris & Uxoris, Auriga, & Histrìo, & Incendiarius extitisti. Interim prudenter etiam Ceria-

Cerialised Treveros & lingones : Quomodo sterilitatem , aut nimios Imbres & cetera Naturæ mala : ita luxum vel avaritiam Dominantium tolerate. Vitia erunt , donec Homines : sed neque hæc continua , & meliorum interveſtu penſantur. Boni enim Imperatores expetuntur ; qualescunque tolerandi , ſec. Marcellum ap. Noſtrum *lib. 4. Hiſtor. c. 8.* Ferre Regum Ingenia, præcipit Parthis Claudius *l. xi. i. Annal. c. 10.* Quod ſi, quis ex ſuo uſu Claudium dictum putat, hoc dico, Flavium benè dixiſſe , ſi Princeps Tyrannicè agit : nec reliquorum ſermonem eſſe ſpernendum, ubi Rex vel Magiſtratus Tyrannica perpetrat : illud habitu perfectò talem innuit : hoc, diſpoſitione pravè electâ , in quo caſu certè tolerandus Princeps, licet aliquid ſævitiae, vel libidinum, vel malorum conſultorum committat.

§. 12. Senatus etiam pars eſt Reipublicæ ; quomodo à Romulo, & ex quibus , & qui conſtituti Senatores, docet Livius *lib. 1. Vellej. Raterc. lib. 1. & Noſter. l. xi. Annal. cap. 25.* Hanc autem Senatoriam Dignitatem petere haud abſurdum , præprimis ſi petens Gratiae aut Meritis confidit ; judicante Tiberio *lib. 1. Annal. c. ult.* Et apud Majores , referente Noſtro *lib. xi. Annal. cap. 22.* Virtutis id præmium fuit , cunctisque civium, ſi bonis artibus fiderent, licitum :

citum : Sed quid si peregrini ? Certè neque his Dignitas Senatoria deneganda : quem-
admodum gravitèr pro his disputat Clau-
dius *lib. xi. Annal. cap. 24.* Prius autem,
quàm admittantur , Originem , Vitam , Fa-
cultates describendas ; ut qui forent , intelli-
geretur , vult Tiberius *lib. i. Annal. c. ult.*
Neque enim prodigi vel ob flagitia egentes
admittendi , aut admissi tolerandi , quos Ti-
berius Senatu movet , aut sponte cedere
passus est , *lib. 2. Annal. c. 48.* Claudius ut
mollius procedat , dum famosos probris Se-
natu vult depellere , monet , secum quisque
de se consultaret , peteretque jus exeundi
ord nis , facilem ejus rei veniam & motos
Senatu & excusatos simul propositurum :
ut judicium Censorum ac Pudor spontè ce-
dentium permixti ignominiam mollirent.
Laudati inde à Nerone *l. 12. Annal. c. 52.*
qui ob angustias familiares ordine Senato-
rio spontè cederent ; inotique qui reman-
endo impudentiam Paupertati adjicerent.
Senatus autem ità constitutus suam habere
debet Potestatem : Ubi enim nihil Senatús
valet , nullam credit Rempublicam Cicero.
orat. ad Quirit. post redit. p. m. 393. Inde
Postulata Provinciarum , imaginem tan-
tum antiquitatis Senatui præbens Roma-
no , ad Disquisitionem Patrum mittit Tibe-
rius subdolus *lib. 3. Annal. c. 60.* inde Tri-
buni-

buniciam potestatem à Senatu Druso petit, *l. 3. Ann. c. 56.* indè etiam de seditione illum cognoscere jubet, *lib. 1. Annal. c. 77.* Atque ipse Cæsar *l. 4. Annal. c. 19.* rescribit, non esse infringendum Jus Consulis, cujus vigiliis niteretur, nè quod Respublica detrimentum caperet. Nihilque ferè Rerum egit Tiberius, quod non ad Senatum, principio Regiminis referret, & cognitioni Ejus subjiceret, tanquam vetere Republicâ, & ambiguus imperandi, cuncta per Consules incipiens, *l. 1. Annal. c. 7.* sed ubi prius Senatus largitionibus & precibus sordidis exolutus, *lib. 1. Annal. c. 15.* Sic scivit ille firmare sibi vim Principatûs ! Cæterum Potestatem debere habere Senatum non amplius ambigitur. Post Potestatem debet etiam habere Autoritatem, quæ quærenda. Hanc & antiqua Consulum Senatusque munia multis extollit Nero Curiam ingressus *l. 13. Annal. c. 4.* hanc quærit Thraseas *d. l. 13. Annal. c. 49.* dum etiam minima Consulta non vult corrigere, ut Patrum honores servetur. Scilicet quò manifestum fiat, magnarum rerum Curam non dissimulatos, qui animum etiam levissimis adverterent. Thraseam Piso sequitur *l. 2. Ann. cap. 35.* qui ob id magis agendum censet, ut absente Principe, Senatûs & Equites possit sua munia sustinere, decorum Reipublicæ

cæ fore. Claudius Timarchus Provinciâ Cretâ depellitur, quod diçtitasset, in sua potestate situm, an Proconsulibus, qui Cretam obtinuissent, grates agerentur. Vox enim ejus ad Contumeliam Senatûs penetravit, *l. xv. Annal. c. 20.* Usque adeò nihil non faciendum Senatui, ut Potestatem, ut Autoritatem illibatam teneat? Vim & Splendorem Collegii conservat, si vitat inutiles & pravas Concertationes. Ideò Senatûs Populique Romani Imperium suspectum, qui certamina Potentium intervenerent; quibus motis invalidum legum auxilium fuit, quæ Vi & ambitu turbata, *lib. 1. Annal. c. 2.* Nec dubium, quin, ut in civitate, ita etiam Senatu discordi, parvæ quoque res magnis moribus aguntur, *l. 2. Hist. cap. 10.* & ubi in commune non contulit, dum singuli pugnant, universus vincitur Senatus, quod de validissima Britannorum Gente scribit Tacitus in *Agric. c. 12.* Sic de Seleucensibus scribit Idem *l. 6. Annal. cap. 42.* quod trecenti opibus aut sapientia delecti, ut Senatus: sua Populo vis: & quoties concordēs agunt, spernitur Parthus: ubi dissensere, dum sibi quisque contra æmulos subsidium vocarit, accitus in partem adversus omnes valet: prout & Germanos discordia usque ad exitium fatigavit, dicente Ceriali, *lib. 4. Hist. c. 73.* Non E.
sine

sine summâ laude Agricola, dum procul ab æmulatione adversus Collegas fuisse dicitur Tacito in *Agric. c. 9.* Postea, ubi Potestatem & Autoritatem vult salvam & integram, vitare etiam debet fœdas Adulationes. Regnante Tiberio adeò infecta & adulatione sordida fuere tempora, ut non modò Primores Civitatis, sed omnes Consulares, magna pars eorum, qui præturâ functi, multiq; etiam Senatores certatim exurgerent, fœdaque & nimia censerent: certè indecora hæc & infecta Reipublicæ, *lib. 3. Annal. c. 65.* Adulationes Senatûs Romani ergà Tiberium, *lib. 1. Ann. c. 7. & XI.* ergà Claudium. *lib. XII. Ann. c. 41.* ergà Neronem, *lib. XIII. Annal. c. 8. & l. XIV. Ann. c. 12.* pro cœsâ Matre; non sine notâ; adeò ut justè exclamarit Tiberius; *O Homines ad servitutem paratos!* Scilicet etiam illum, qui Libertatem publicam nollet, tam projectæ servientium patientiæ tædebat, *lib. 3. Annal. c. 65.* Contra decus Senatûs omnia. Et profectò adhuc per Annales Taciti Sententiæ Senatûs Romani, adulationum plenæ notabili dedecore feruntur, ex cujus dictis & factis pravis jam Infamia, dicente Nostro *lib. 3. Annal. c. 65.* Quod in Senatu, idem in Senatore verum. Turpe, cum Senator Adulator, ceu Messala Valerius *lib. 1. Annal. c. 8. & Atejus Capi-*
te,

te, l. 3. *Ann. c. 70.* 'qui ideò insignitior Infamiâ, quod divini humanique Juris sciens Egregium publicum & bonas domi Artes de honestavisset, quando L. Ennium, Equitem Romanum, Majestatis postulatum quasi per libertatem talem habet, quod effigiem Principis promiscuum ad Usus argenti vertisset, licet Cæsar dissentiat. Neque sine dedecore Cornel. Dolabella d. lib. 3. *Ann. c. 68.* M. Silanus, qui ex contumelia Consulatus, honorem Principibus petit d. l. 3. *Annal. c. 57.* Q. Haterius, qui ejus dici Sæta aureis literis figenda in Curiâ censet; d. l. 3. & cap. 57. Curtius Rufus adversus Superiores tristi adulatione; l. x i. *Ann. c. 21.* Vipsanius Patrem Patriæ Claudium nominans, qui tamen illum, ut nimum assentantem cohibuit, d. l. x i. *Ann. cap. 25.* C. Cassius l. 13. *Annal. c. 41.* A. Vitellius adulationum promptissimus, lib. 14. *Ann. cap. 49.* Satis Exemplorum. Adulatio autem ferè à Principe per Largitiones comparatur: Ideò tertium Monitum Senatui datur à Tacito, ut vitet nimias Largitiones. Sic malè adhuc audit Senatus ap. *Nostr. l. 1.* *Ann. c. 15.* qui, quod Tiberius voluit, libens tenuit largitionibus ac precibus sordidis exolutus: Ut enim leges pecuniâ turbantur, l. 1. *Annal. c. 2.* ita etiam avari legum Custodes, acceptâ pecuniâ, facile

cilè illas mutant : Non enim fides Reipublicæ integra , ubi magnitudo quæstuum Spectatur , l. xi. *Annal. cap. 6.* Atque sic habere quæstui Rempublicam , non modò turpe est , sed & sceleratum , *sec. Cicer. lib. 2. Officior.*

§. 13. Delegatus Magistratus est , qui à Superiore Provinciæ vel parti Regni , cum Imperio præficitur. Sic habemus apud Romanos Præfectum Urbi , qui profectis domo Regibus jus reddebat , l. 6. *Ann. c. xi.* habemus Quæstores , l. xi. *Annal. cap. 22.* Procuratores , eorumque Jura *lib. xii. Annal. cap. 60.* Præfectos Provinciarum , quales inter laudatur à Tacito Agricola quoad actiones ; c. 19. qui à Vespasiano Provinciæ Aquitanix præpositus , splendidæ imprimis Dignitatis administratione ; *cap. 9. in Agric.* habemus alios. Tria verò & circa hunc Magistratum observanda : nempe ut conferatur hoc Imperium experientiâ probatis ; cum Nerone , l. xi i i. *Ann. c. 30.* ut coarctetur per leges ; quomodo cohibita artius Ædilium potestas *ap. Nostr. d. l. 13. Annal. c. 28.* ut fiat temporarium. Superbiunt Homines etiam annuâ designatione , quid si honorem , vitam agitent ? Tiberius ob hanc causam nè in Quinquennium quidem Magistratum constituere voluit , *lib. 2. Annal. cap. 36.* Inde Dictaturæ
ad

ad Tempus sumebantur, *lib. 1. Annal. c. 1.*
 & miratur Populus *cap. 9.* quod Augusto
 continuata per septem & triginta annos
 Tribunicia Potestas, cum tamen Tribuno-
 rum Militum Consulare Jus non diu aliàs
 valuit. Continuata enim Magnatum Pote-
 stas proximus gradus ad Imperium majus,
 & habet spem, per audentiam, summæ For-
 tunæ.

§. 14. Judex est, qui Juri dicundo præ-
 est. Ex quibus autem ille eligendus : de
 quibus rebus judicare debeat, vel quomodo,
 docet *Aristot. 4. polit. xiv. & xvi.* Pro
 fundamento Judiciorum leges habentur,
 ubi his agi potest, non utendum credit Im-
 perio, apud *Tacit. l. 3. Ann. c. 69.* Tiberius.
 Sed utrum melius Respublica à Legibus, vel
 à Viro optimo, qualem Judicem esse oportet,
 tegatur, disquirit & decedit, *Aristot. 3. pol. xi*
 Personam Judicis satis prudenter
 describit Tacitus in *Agric. cap. 9.* de quò re-
 fert, quod ubi Conventus ac Judicia posce-
 rent, fuerit gravis, severus, intentus, & sæ-
 pius misericors. Ubi officio satisfactum,
 nulla ultra potestatis Persona : Tristitiam,
 & arrogantiam & Avaritiam exuerat : nec
 illi, quod est rarissimum, aut facilitas au-
 ctoritatem, aut severitas Amorem exuit.
 Rursus autem tria Judici notanda : Ut ne,
 nisi causa cognita Jus & Injuriam discernat
 l. 2.

l. 2. *Annal. cap. 66.* quod latius deducit Burrhus l. 13. *Annal. c. 20. fin.* Ut Suppliciiis & Remediis Judicis Moderatio temperet ; vana à Scelestis, dicta à Maleficiis, quia differunt, distinguat, ut Manius Lepidus loquitur apud *Nostr. lib. 3. Annal. cap. 50.* modò tamen ipse, nè omnia examinet in publico judicio, vel interroget, cum Tiberio l. 3. *Annal. c. 67.* sed immotus d. lib. 3. *Annal. c. 15.* Iræ & Clementiæ signa miscet, d. l. 3. c. 22. Ut ne ob rem judicandam pecuniam accipiat, quia non è Re Reipublicæ. Ob eam etiam Causam P. Suilius in Insulam amotus, l. 4. *Annal. c. 31.* Illud flagitiosum, turpissimum, maximè nefarium esse videtur, ob rem judicandam pecuniam accipere, precio habere addictam Fidem & Religionem, *Cicer. orat. 3. in Verr.* Malè agunt l. x i i. *Ann. c. 9.* qui designatum Consulem Memmium ingentibus promissis inducunt sententiam expromere pessimè autem facit, si secundum placita, nisi eà æqua & Juri conformia, pronunciat.

§. 15. In Judicio sunt Advocatus, Accusator, Reus, Advocatus debet esse peritus Juris ; quomodo Afer fit Advocatus, quia peritus, *Tacit. lib. 4. Annal.* Debet justam causam defendere ; Diversæ igitur à Musonio famæ Demetrius ap. *Nostr. l. 4. histor. c. 40.* quod manifestum Reum ambitiosius quàm

quàm honestius defendisset. Debet habere Salarium pro orandis causis, utrunque disputat Silius apud *Nostr.* l. xi. *Annal.* c. 6. & l. 13. *Ann.* c. 42. si tamen Perfidia Advocati venalis, coerceri potest per leges; apud Romanos per L. Cinciam d. l. xi. *Annal.* cap. 6. Accusator est, qui alterum in Judicio accusat. Propriè talis ingratus dicitur, si præsertim Romanus quidam Hispo, qui formam vitæ iniit, quam postea celebrem miseriæ temporum & audaciæ hominum fecerunt; *Tacit. lib.* 5. *Annal.* cap. 74. Et Delatores, Genus Hominum publico exitio repertum, & pœnis nunquam satis coercitum l. 4. *Annal.* cap. 30. præsertim si interversis Patroni rebus ad accusationem transgreditur Fortunatus Libertus, *lib.* 16. *Ann.* c. 10. Interdum loco Accusatoris est etiam Actor. Heu! miserum Judicium, ubi Filius Patrem accusat; Miseriarum ac Sævitiae Exemplum, *sec. Nostr.* l. 4. *Ann.* c. 28. Post mortem etiam vel Sepulturam accusare, & pœnam decernere, ut l. xiv. *Ann.* c. 11. non semper concessum; Morte enim extinguitur Reatus: interim si salus Reipublicæ vel Nefas grande poscit, haud abnuo. Indecorum autem, quando Primores Senatus infimas etiam Delationes exercent; alii propalam; multi per occultum; neque discernuntur alieni à conjunctis, Amici ab ignotis;

ignotis ; quid repens aut vetustate obscurum : perinde in foro, in convivio, quaque de re locuti, incusabantur, ut quis prævenerit & reum destinare properat, *l. 6. Ann. c. 7.* Mali etiam Commatis Domitius Afer, dum Varum Quinctilium, divitem corripit, Matris etiam ejus Condemnator. *lib. 4. Annal. 66.* Accusare quidem licet, sed nocentes, sed flagitiosos, sed ob scelera. Aliàs melius est nocentem absolvere, quàm innocentem condemnare. Signa sunt ægræ Reipublicæ, si Cives accusantur ob Amicitiam Bonorum ; ut Titus Sabinus ob Amicitiam Germanici defertur *lib. 4. Annal. cap. 68.* Si foeminæ accusantur ob lachrymas, *lib. 6. Ann. c. 7.* Si aliquis Marcellus ob statuam ejus altius, quàm Cæsarium sitam, corripitur, *l. 1. Ann. c. 74. ubi cap. 73.* alia accusationum iniquarum genera. Certè si contra leges publicas peccatum, accusare licet Accusatori publico : qui Custos Legum, & præmiò afficiendus habetur Tiberio *lib. 4. Annal. c. 30.* Approbo, si non Domitius Afer ad accusationem, ceu ad flagitium accingitur *l. dict. 4. Annal. c. 66.* si non corruptus ab aliis ad evertendum Ingenuos facit per scelera, ut Latiaris, Pirrius Cato, Rufus & M. Opsius *l. 4. Ann. c. 68.* Accusare autem licet Reum. Sed num & Principem ? Certè civile satis, se Princeps ipse Legibus

Legibus Judiciorum sede subjicit : Tiberio. si quando cum privatis disceptabat , Forum fuit & Jus , *lib. 4. Ann. c. 7.* Prius tamen Reus citandus & audiendus. Tiberius Rhescupori scribit *lib. 2. Ann. c. 66.* delatus veniret , transferretque invidiam criminis. Crispus Delatorem Fratris pervertere volens traxit magnam Senatûs partem , ut indefensum & inauditum dari ad exitium postularent : alii autem dari tempus , edi crimina, quam vis invisum ac nocentem, more tamen audiendum censebant. *l. 2. Histor. cap. 11.* Optimâ Ratione. Indè Cingoniô Varrone & Petroniô Turpiliano, interfectis à Galba, quia inauditi atque indefensi, tanquam innocentes habiti , *l. 1. Histor. c. 6.* Adde, quæ de Tiberiô loquitur *Tacit. lib. 4. Annal. c. xi.* in audiendô Filiô : de Burrhô, in audienda Matre Neronis, *lib. 13. Annal. cap. 20.* Nisi delictum notorium & morâ nocens Statui ; ut in factô Messalinæ , *l. xi. Annal. c. 31.* utut Vibidia perit *cap. 35.* nè indefensa Conjux exitio detur. Non tamen Mortem Lolliæ inauditæ comprobô *lib. 12. Annal. c. 22.* cum ea per molitiones Agrippinæ cadit , sine notoriô crimine. Coreæ, talem processum facias. Æquè enim tuum titubat Caput , atque alterius abscindi pate- ris, non datô Jure. Non enim licitum, quod Nero facit cum Vestino *lib. xy. Ann. c. 68.*

non crimine, non accusatore existente, si speciem Judicis induere non potest Magistratus, ad vim Dominationis converti. Si autem à privatis Judicibus sententia lata, iniqua parti, provocare ad Senatum vel superiorem Magistratum potest; expedit autem, ut nè soluta sit poenâ Appellatio, quæ optimâ ratione fieri potest cum certæ pecuniæ periculô, *sec. Nostr. lib. xiv. Annal. cap. 28.* Nè scilicet litibus obruatur Princeps, quem ad majora trahunt Regnorum Moderamina.

§. 16. Haëtenus Imperantes: Obedientes Personæ sunt vel ex Numerô Indigenarum, vel Alienigenarum.

§. 17. Alienigenas voco Peregrinos. Horum Ratio, quoad dignitates & Honores, etiam in Republica habenda, censente Claudio *lib. xi. Annal. c. 23.* Canulejus apud *Liv. lib. 4. dec. 1. pr.* dicit; dum nullum fastiditur Genus, in quo eniteret Virtus, crevit Romanum Imperium. Indè nè Regibus quidem exactis clausa Urbs peregrinæ Virtuti.

§. 18. Inter Indigenas habemus Personas sacras & profanas.

§. 19. Sacræ sunt Sacerdotes, quorum Dignatio quærenda; *Nostr. lib. 4. Annal. cap. 16.* Ut tamen ritûs sacrorum observent, Principis cura est, *lib. xi. Annal. cap. 11.* ad quem

quem etiam ædes sacras restaurare, exemplo Segestanorum, pertinet, *lib. 4. Annal. cap. 8.* Ipsæ verò personæ sacræ officiis politicis præesse non debent: quomodo provinciarum Administratio Dialibus non concessa, *l. 3. Annal. c. 71*: Interim Salarium certum, & Locus honoratior illis non denegandus; scilicet quò promptior animus sit ad capeffendas Religiones vel ceremonias, *l. 4. Ann. c. 16.* Quas inter Personas utique esse potest & debet præeminentia: veluti apud Romanos fuit Pontifex summus, qui summus Hominum, non æmulationi, non odio, aut privatis adfectionibus obnoxius sit, *l. 3. Annal. c. 58.*

§. 20. Profanæ Personæ sunt vel sexus masculini, vel Fœminini, eæque vel majoris dignationis, vel Minoris:

§. 21. Majoris Dignationis sunt Consiliarii, Nobiles, Historici.

§. 22. Consiliarius est Informator Statûs: Idem noster multa tradit Præcepta, & Principi & Ministris salutaria. Pro Principe sunt hæc: Continuare debet Princeps Imperia, & in iisdem exercitibus aut Jurisdictionibus ad finem vitæ habere Ministrum *lib. 1. Annal. c. 80.* si præcipuus, cui secreta Imperii innituntur, *l. 3. Annal.* aliàs semel sumtum, prorsus sine modò tenere, videtur. Auctori nostro non probari *l. 4. Annal. c. 6.*

Eligendus autem bonus, licet non illustribus Generis. Augustus M. Agrippam, ignobilem locum, bonum militiam & Victoriæ socium geminatis Consulatus extulit, *lib. 1. Annal. c. 1.* Si quis Tiberius res suas spectatissimo cuique mandavit, *lib. 41. Ann. c. 6.* Si quis magnis virtutibus, evehendus ille; ut Corbulo exemplo *l. 13. Ann. cap. 8.* & Agricola *cap. 8. in Agric.* Peccat E. Vitellius *l. 2. Histor. cap. 57.* dum Asiaticum annulis honorat, scdum mancipium, & malis artibus ambitiosum. Interea tamen Princeps, nè una omnia committat; quia sæpius infelix hæc potestas, quod testatur Sejanus, Imperii Machinator, *l. 4. Annal. c. 41.* Abdageses, Regni Proceribus idcò invisus *l. 6. Annal. c. 43.* Ita Didius senectute gravis, & multâ copiâ honorum, per Ministros agere satis habebat *lib. 12. Ann. c. 40.* Non ita nimis potentem faciat Ministrum Princeps: quanquam laudare Laborem & Vigilantiam ejus, exemplo Tiberii, *l. 3. Ann. c. 72. & lib. 4. Ann. c. 2.* haud inutile; imò & honoribus & muneribus afficere, cum Augustô, *l. 1. Ann. c. 2. & lxxi. Ann. c. 4.* cum Vitellio, expedit: honos autem si post mortem etiam durat, cò major, qualem Tiberius exhibet Lucillio longo, Amico, *l. 4. Annal. c. 15.* Non quidem nimis potens esse debet Minister Statûs; sed tamen nescio,

scio, an Fatô vel sorte nascendi, ut cætera, ita Principum inclinatio in hunc, offensio in illum: an sit aliquid in nostris consiliis, liceatque inter abruptam Contumaciam & deforme obsequium pergere iter ambitione & periculis vacuum, *lib. 4. Annal. cap. 20.*

Haftenus pro Principe: Ministri sequentia notanda axiomata; Prius autem, quam cafigo, dico, suadere Principi, quod oporteat, multi esse laboris, *l. 1. hist. c. 15.* quod demonstrat Mutianus *l. 2. hist. c. 76.* Ubi igitur dat consilium, det illud non præcipitanter, si tempus habet, sed cunctatione & morâ, cæteris tamen paribus, *lib. 4. Annal. cap. 11.*

Ita Paulinus cunctator fuit Natura, cui cauta potius consilia cum Ratione, quàm prospera ex casu placuerunt, *l. 2. hist. cap. 25.*

Ubi enim Consilia pravè cedunt, ipsi imputatur præcipitanti, *lib. 13. Annal. c. 38.*

Nec arroganter consulat; sed audiat etiam Collegarum mentem: sic peccavit Laco *l. 1. Hist. c. 26.* consilii quamvis egregii, quod non ipse afferret, inimicus, & adversus peritos pervicax: Nec pertinaciter, ob quod Capito magis probatus dicitur *l. 3. Annal. c. 76.*

nec timidè vel pavidè: quia pavidis consilia in incerto, *l. 2. Annal. c. 29.* ut exemplo Vitellius *l. 14. Ann. c. 49.* qui, ut pavida ingenia solent, respondententi reticuit: sed constanter: quomodo à Pæto

Parthus tractu belli eludi potuerit, si aut in suis, aut in alienis consiliis constantia fuisset, *l. 15. Ann. c. x.* Ita spretus Hordeonius Flaccus, quia sine constantia, sine auctoritate, *l. 1. histor. c. 9.* Malè cessit expeditio Galbæ *d. lib. 1. Hist. c. 19.* ubi Legati fœda inconstantia nominati, excusati, substituti, ambitu remanendi aut eundi. Suadeat autem honesta: Malorum enim facinorum Ministri quasi exprobrantes aspiciuntur, *l. xiv. Ann. c. 62.* quos si veteres & prægraves, oblatis in eandem operam, recentibus. Tiberius ipse afflixit, *lib. 4. Ann. c. 71.* Ipse verò Consiliarius post faustum consilium, nè jactet merita cum Antonio *lib. 4. hist. c. 80.* nimio commemorandis, quæ meruisset, sed omnia referat ad Fortunam Reipublicæ, quod vult Classicianus *l. 13. Ann. cap. 38.* quod Agricola facit, ad Auctorem & Ducem, ut Minister Fortunam referens, *cap. 8.* nè præmaturè & cum festinatione honores ambiat, cum Brutidio *l. 3. Annal. cap. 66.* nè partas monstret divitias, cum Statilio Stauro, *l. 12. Ann.* Aliàs quidem, si divites, possunt opibus conditiones pacis & arbitria belli tractare, *l. 12. Ann. cap. 60.* Sed valdè periculosum. Etsi enim Princeps nihil agat: sunt tamen alienarum Delatores cupidi divitiarum qui variis criminationibus talem aggrediuntur; exemplo datur Seneca

neca l. 14. *Annal. c. 52.* Geminius, *lib. vi.*
Annal. c. 13. qui prodigientia opum cadit
 ac mollitia Vitæ. Pallas, l. 13. *Ann. c. 23,*
 alii. Nè disputet de facto Principis : hujus
 enim sensus, etsi quid occultius parceret, ex-
 quirere illicitum anceps : nec idè adsequâ-
 re : l. 6. *Annal. cap. 8.* Molliter igitur judi-
 candum de illo, l. 14. *Ann. c. 34.* Nè cre-
 dat, ut reliqua addam, Potentiæ : nihil enim
 rerum mortalium tam instabile ac fluxum
 est, quàm Fama potentiæ non sua vi nixæ,
 l. 13. *Ann. c. 19.* Nè sit Sallustius Crispus,
 diversus à Veterum instituto per cultum &
 Munditias, copiaque & affluentiam, luxu
 propior, *lib. 3. Ann. c. 30.* Nè credat for-
 tunæ aulicæ. Vitellius validissimâ gratiâ
 apud Agrippinam, l. 12. *Ann. c. 42.* tandem
 accusatione corripitur. Usque adè incertæ
 sunt res Potentium ! Ille ipse Crispus erat
 præcipuus, cui secreta Imperatorum innite-
 bantur : ætate provecta speciem magis in
 Amicitia Principis, quàm vim tenuit : id-
 que & Mecænati acciderat : Fato potentiæ
 raro sempiternæ. Nè rixetur tandem cum
 altero : sed potius unus alterum juvet, exem-
 plo Senecæ *lib. 13. Ann. cap. 20.* cujus ope
 dignatio Burrhæ retinetur, dum cum Nero
 Præfecturâ demovere destinat.

§. 23. Nobiles quod concernit, semper
 his in pace durius servitium, bellum gratius

credit Noster *l. xi. Ann. c. 10.* Ideò Augustus ferocissimos proscribit, ubi Monarchiam firmat: cæteros verò nobilium, quantò quis servitio promptior, opibus & honoribus extollit, *l. 1. Ann. cap. 2.* Certè tamen hi à Principe colendi; cum etiam Claudius Nobilitatibus externis, nedum internis fuerit mitis, *lib. 12. Annal. cap. 20.* Quia autem Nobilitas eximius honor, haud fas Principi sædare illum obscœnis actibus, ad quos, nobilium familiarum posteros, egestate venales Nero deducit *l. 14. Ann. c. 14.* Ita conqueritur Noster *d. lib. c. 15.* ut non Nobilitas cuiquam, non ætas aut acti honores impedimento fuerint, quò minus Græci Latinivè histrionis artem exercerent. Quapropter & Fœminis nobilibus licentia stupri interdicta, *l. 2. Ann. c. 85.* utut aliis ea in ore inter veteres recepto probabatur qui satis pœnarum adversus impudicas in ipsa Professione flagitii credebant.

§. 24. Historici sunt, qui Regum vel Populi alicujus prospera vel adversa memorant, *l. 1. Histor. c. 1.* quomodo temporibus Augusti dicendis non defuere decora ingenia, *lib. 1. Ann. c. 1.* Imò nec Virtutes Populorum silendæ, ut ex dictis factisque pravis ex Posteritate & Infamiâ metus sit, *l. 3. Ann. c. 65.* Atque ex dignitate Pop. Rom. repertum, res illustres Annalibus mandare,

l. 13.

l. 13. *Annal. cap. 31.* sed sine Irâ & studio, quorum causæ procul habendæ Historico, l. 1. *Annal. c. 1.* sine assentatione, l. 1. *hist. cap. 1.* Sed quid, si laudem Hostium scribit, num puniendus? Si dignus laude, certè indignus poenâ; si enim punit Princeps, dedecus sibi, illi gloriam parere credit Noster l. 4. *Ann. c. 34.* ubi Cordi Defensio satis accurata. Iniquum, decretum, si capitale, censente Eodem, in *Agric. c. 2.* Sed quid si Poëtæ canunt? Eadem Ratio, Lutorius, quod post celebre carmen Germanici suprema deflevere, & per vaniloquentiam legerat, corripitur, exanimatur lib. 3. *Annal. c. 49.* & 50. indignâ Morte: meliori Jure strangulatur Paconianus, ob carmina in Principem factitata l. 6. *Ann. c. 39.* præsertim si nimis probrosa, qualia exitium meritum dedere. l. 14. *Ann. c. 48.* Antistio Prætori: & meritò comburuntur cum libris Fabricii, probrosa in Patres & Sacerdotes continentibus d. l. 14. *Annal. c. 50.* Nulla autem melior Ratio vitandi has Iras Magnatum & poenas, quàm cum Musonio, Studium Philosophiæ æmulato, si præsertim accedit monitum modestissimi cujusque, omittere in tempestivam Sapientiam, lib. 3. *Histor. c. 81.* Cæterum modica pars famæ ejus apud Posteror., in quibus Carminum gloria præcellit, l. 12. *Annal. c. 28.*

§. 25. Minoris Dignationis sunt Mathematici, qui *sec. Tacit. l. 1. hist. c. 22.* Genus hominum potentibus infidum, sperantibus fallax: de quo plura *l. 2. Annal. c. 21, 22.* An igitur Princeps hos super Negociis, cum Tiberio consulere debeat, dubitat Autor *l. 1. Histor. c. 22.* quorum præfagia rejicit, ipsos ex Urbe exterminat prudentius cum Justiniano; *t. 4. C. de Malefic. & Mathematic.* Histriones, cum multa ab iis in publicum seditiosè per domos sæda tentantur, *lib. 4. Annal. cap. 37.* expellendi: aut si tolerantur certè gravibus legibus poenis coercendi, præeunte Nostro *l. 1. Annal. cap. 22.* Publicani: Horum dignatio quidem primis temporibus magna fuit, testante *Cicer. in epist. 1. ad Q. Fratr.* sed tandem propter nimiam avaritiam & rapinas, illorum avaritas vilescere cœpit: Si ergò ii immodesti, & alia exactionibus illicitis nomina inveniunt, benè coercendi, quod Nero, suafu Senatorum facit *l. 13. Ann. c. 51.* Minoris etiam Dignitatis habentur in Republica Foeneratores. Vetus urbi foenebre Malum, & seditionum discordiarumque creberrima causa: eoque cohibebatur, antiquis quoque & minus corruptis moribus, scribit Noster *l. vi. Ann. c. 16.* Si ex libidine locupletium agitur hoc foenus, Princeps medeatur huic malo, & credat faciatque

Fæna-

Fœnatorum Nomina & Debita pœnis digna ; docente Tacito *d. lib. 6. Annal. & cap. 16. 17.* Sic ipse Claudius Sævitiâ Creditorum coërcet *l. x1. Annal. c. 13.* Tandem minoris honoris, sed majoris respectus politici Plebs universa. Certè prima Imperantis cura esse debet , ut hanc flectat. Ita Vitellius ad novum Regem , Artabanum flectit Popularem animos, *l. 6. Ann. c. 37.* Ità ipse Artabanus ejectus , vulgus Miseratione rursus advertit, pudorem non exuens; *d. lib. 6. c. 44.* Dolet Tiberius *d. lib. 6. c. 46.* quod Germanici Filio vulgi studia, quæ primis statim annis , simili tegmine pedum conciliavit, *l. 1. Ann. c. 41.* prout ipse Germanicus Ægyptiorum animos hoc modò demulsit , multa in vulgus grata usurpans, *l. 2. Ann. c. 59.* Ita Nerone virilem togam fumente editur ludicrum Circensium , pro acquirendis vulgi studiis , *l. 12. Ann. c. 41.* Pharasmanes , quia studiò Popularem accinctus , ideò Filius , hunc aliam ad spem trahit, ut ipse , vergentibus jam annis, sit securus regni , *d. l. 12. c. 44.* Sic Nerone ad Imperium vocato , Testamentum Claudii haud recitatum , nè antepositus Filio privignus , injuriâ & invidiâ animos vulgi turbaret, *d. l. 12. c. ult.* Claudius *d. l. 12. Ann. cap. 3.* L. Silanum , cui Octaviâ desponderat, Juvensem alias clarum, insigni triumphum

phalium & gladiatorii Muneris magnificentia, protulerat ad Studia vulgi. Ità plebem flectendam diximus vel per Miserationem, vel per similem Plebi Vestitum, vel per ludos, vel per alia vulgus grata: Quæ inter omnia Annonâ nihil acceptius. Augustus *l. 1. Ann. cap. 2.* statim eam Annonâ pellexit: inde Ægyptum, Granarium Romanum suæ tantum dispositioni, ceu arcnum reliquit, *l. 2. Annal. c. 59.* Sævitiā annonæ, incusante Plebe, statuit frumento precium, quod Emtor penderet, Tiberius, *l. 2. Ann. c. 87. qui & lib. 6. Annal. c. 13.* addit, quibus è provinciis, & quantò majorem, quàm Augustus, rei frumentariæ copiam advehere possit, cum gravitate annonæ juxta Seditionem ventum. Germanicus, quando cura Provinciæ prætendebatur, levavit apertis horreis, precia frugum, *lib. 2. Ann. 59.* invidente Tiberiō, quanti intersit, sciente: atque vulgari Homini, alimenta in dies mercari solito una ex Republica annonæ cura, & dum timet retineri commeatûs, credit *lib. 4. Hist. c. 38.* Flectendam plebem, & quibus modis ea flecti possit, vidimus hætenus: si tamen etiam ob nimium ocium lascivit, cum Heraclien-sibus apud *Iustin. l. 16. hist.* si semper ad deteriora, prompta; *lib. xv. Annal. cap. 64.* vel si Dominos imperantes traducit & dif-
fert,

fert, ut Plebs Romana, *lib. 2. Annal. cap. 9.* etiam per pœnas coërcenda est. Etenim nihil in ea modicum: terrere, nî paveant: & ubi pertimuerint, impune contemni *d. l. 1. Annal. c. 29.* quæ etiam nisi Vim metuit, audaciâ turbidam facit Rempublicam, *lib. 6. Annal. c. 11* Tandem etiam Mores Plebis intelligere, Imperantis interest. Fortuita ad culpam trahit, *lib. 4. Ann. c. 64.* habet mobilem animum *l. 3. hist. c. 64.* præsertim ubi superstitione perculsa, *l. 1. Ann. c. 28.* fingendi est avida, *lib. 2. hist. 1.* & tam sævitia *l. 1. hist. c. 69.* quàm Miseratione, & favore immodica, *d. lib. 2. hist. c. 29.* sine Rectore præceps, pavida, socors, *lib. 4. hist. c. 37.* habet procax Ingenium, *lib. 3. Hist. c. 32.* Novarum rerum cupiens; *l. 15. Ann. c. 46.* ut & voluptatum, sique iisdem Princeps trahat, læta, *l. 14. Ann. c. 14.* nova & præcipitia præcolere avida, & cui plerumque fallax ambitio est, *lib. 14. Ann. c. 22.* & minor Sapientia, ut & ex mediocritate Fortunæ pauciora pericula, *d. lib. 14. c. 60.* In fide retinetur, ubi idonea instrumenta Servitutis parantur. Cogiduno Regi civitates donatæ, qui ad nostram Taciti memoriam fidissimus mansit, vetere ac jam pridem recepta Populi Romani consuetudine, ut haberet Instrumenta Servitutis & Reges, *Agric. 14.* Ita accolæ Hiberno Albanoque, &
alii

alii Reges magnitudine Romanâ protecti
adversum externa imperia : non tam pro-
pter ipsos , quàm ut per ipsos , ceu Instru-
menta, Plebs fida maneret : hos inter infer-
vientes Reges , Antiochus dicitur nostro
Tacito *l. 2. Histor. c. 81.* ditissimus.

§. 26. Fœminæ etiam ad Statum perti-
nent, sunt illæ vel illustres ; ut Reginæ.
Fœminas enim etiam Imperii capaces esse
demonstrant & probant multis Politici.
Britanni sexum in Imperiis non discernunt,
Agric. cap. 16. Germani inesse his sanctum
aliquid ac providum putârunt, qui consilia
Mulierum audierunt , nec earum neglexe-
runt Responsa , *Tacit. de morib. Germ. cap. 8.*
quod videre licet in Velleida, imperante Deâ
lib. 4. Histor. c. 61. vel ut Numinis Inter-
nuncio *d. l. 4. Hist. c. 65.* secus putant Par-
thi *lib. 2. Ann. c. 4.* qui tentatum Fœminæ
Imperium rejiciunt : secus Silures , qui
Cartismanduanam spernunt, *l. 12. Ann. c. 40.*
Sed quot Populi, tot sensus : & quandoque
Fœminarum Imperium plurimum salutare.
Verùm , an Rex Uxorem vel Matrem ad
Regimen simul admittere debeat, dubita-
tur. Justinianus quidem reverendissimam
Conjugem participem facit consilii, *Nov. 8.*
cap. 1. Sed Tiberius muliebri fastigium in
diminutionem sui accipit ; apud *Tacit. lib. 1.*
Ann. c. 14. qui ideò Româ extrusus cre-
ditur.

ditur, Sociam Dominationis Matrem aspernans, *l. 4. Ann. c. 57.* Pavore defixi omnes, quando Mater Neronis, Legatis Armeniorum causam Gentis apud Neronem orantibus, ascendere suggestum Imperatoris & præsidere simul parat, ubi tamen Senecâ monente, obviam itura specie Pietatis dedecori, cum Nero venienti Matri occurrit, *lib. 13. Annal. c. 5.* Et novum sanè, credidit Idem *l. 12. Ann. c. 37.* & veterum moribus insolitum, Fœminam signis Romanis præfidere; ut proindè Tiberius etiam malè tulerit, dum Germanici Uxor munia Ducis induit, Militibus, ut quis inops aut saucius, vestem & fomenta dilargiens, *lib. 1. Annal. cap. 69.* imò quod & studia Hominum in eam accensa *l. 3. Ann. c.* Penitus E. Tiberius damnat *γυναικας ὀνειδίζων.* Nec Planci-
na, se intra decora Fœminis continere dicitur, quando exercitio Equitum, & decursibus Cohortium interest; *sec. Tacit. lib. 2. Annal. c. 55.* Ratio autem unica, licet non universalis: quia Fœminæ modum rei servare nesciunt, quod adumbrat Noster in Agrippina, *l. 13. Annal. c. 13.* Et sui impotens esse fertur animal, *sec. Liv. lib. 34. c. 3. & 4.* Etsi verò Fœminæ ad regimen non vocentur, si nempè eæ intra thalamum, vel sanguine juncæ: Mos tamen ipsarum est, velle esse magnæ Dignationis & Potentiæ:
Quid

Quid Uxor Claudii pro potentia fecerit, docet *l. 12. Annal. c. 7. & 42.* quid Bou-dicæa, *lib. 14. Annal. c. 35.* quæ filias curru præ se vehit, & Nationem quamque accedens Fœminarum ductu Britannos solitos pugnare commemorat, Militesque ad prælia hortatur. Non tamen negandum est, multa efficere posse in Republica & apud Regem Maritum. Per Matris dolum & Artes Tiberius ad regnum pervenit, cum Senem Maritum adeo devinxerit, ut Nepotem unicum, Agrippam Posthumum in Insulam Planasiam projiceret, *lib. 1. Annal. c. 3. in dè d. l. 1. c. x.* gravis in Rempublicam Mater dicitur, gravior domui Cæsarum Novercæ, cui nihil Deorum honoribus relictum. Scivit hoc Vonones *ap. Tacit. lib. 2. cap. 58.* qui ideò Pisoni gratissimus, quod plurimis donis & officiis Mancinam *cap. 69.* devinxerat. Ita corruptæ Uxores Magistratum Maritum clementiorem reddunt. Quid Sejanus per Liviam, *l. 4. Ann. c. 3.* fecerit, quid per Enniam Macro *lib. 6. Annal. c. 45.* docet noster Politicus. Ita Uxor Tiberii viiligas, somnos, suspiria Matri Livæ, atque illa Sejano patefecit *l. 14. Ann. c. 60.* quandoque tamen haud prohibitum Reginæ tentare preces, præsertim si illa non immittis tristibus, quod de Galerîâ Imperatoris Vitellii Uxore scribit *Tacit. l. 2. hist. cap. 64.*

Vide,

Vide, quisquis es, quid Fœminæ Uxores in Regimine efficient. Si tamen muliebres offensiones mutuz occurrunt, velut inter Liviam Novercam & Agrippinam, *lib. 1. Ann. c. 33.* inter Agrippinam & Lepidam, *l. 12. Ann. c. 64.* nec eæ graves Maritis, quas vel unicus deplorat Germanicus moribundus *lib. 2. Ann. c. 72.* Scilicet quia Fœmina ambitiosum animal, & Dominationis avidum; arduum autem eodem loci potentiam & concordiam esse, *sec. Nostr. lib. 4. Annal. c. 4.* ideò tot offensiones, tot nonnunquam simultates inter Fœminas illustres, imò & minus tales oriuntur. Non igitur hæ injuriis afficiendæ: quemadmodum Claudius Populi lasciviam theatralem severis edictis increpat; quod in Fœminas illustres probra jecerat; *l. xi. Annal. c. 13.* Potius enim sexum hunc venerari addecet, ac despicere. Sed tamen cave nè huic arcana committas; imò nec Uxori: Martia Uxor Maximi causa fuit exitii Marito, *l. 1. Annal. cap. 5.* dum sensa Augusti illi aperit; quæ tacere nescia Liviae rursus defert. Cave, nè amore incautus Formam Elegantiamque Uxoris laudes apud alios; Nobilitatem, Pulchritudinem, Vota omnium, Gaudia felicium dicendo, *lib. 3. Annal. c. 46.* Indè peccavit Collatinus apud *Liv. lib. 1. fin.* Candaulis apud *Instit. l. 1. c. 7.* Nec eæ, si Maritæ,

Maritæ, à latere Maritorum, provincias administrantium, separandæ, ut Valerius Messalinus statuit, *l. 3. Annal. c. 33*. Sunt enim prosperis dubiisque sociæ *l. 12. c. 9*. Vitanda autem Marito & Maritæ omnis Z:lotypia; quæ Calpurniæ, illustri foeminæ exitium dedit, dum Princeps formam ejus laudat, nullâ licet libidine, sed fortuito sermone; *l. 12. Ann. c.* Si nimia hæc, damnanda; si justa, toleranda. Nè tamen Maritus Magistratus, culpæ alienæ nescius provincialibus Uxoribus criminibus perindè, quàm suis plectatur, ut iniquè censet Messalinus Cotta, *l. 4. Ann. c. 20*. Nemo enim alieni criminis Successor constitui debet; unusquisque enim ex suo admissio Sorti subjiaciendus, *l. crimen. 26. ff. de pæn.* Cæterum in genere Foeminarum libidines coërcendæ; *l. 2. Ann. c. 85*. Impudicitia enim magnorum Reipublicæ malorum sæpè Initium *lib. 13. Annal. c. 45*. neque Foemina, amissa pudicitia alia abnuit, teste Liviâ *l. 4. Annal. c. 3*. Ideò Romæ Scitum Claudianum factum, *lib. 12. Ann. c. 53*. vix E. Lupanaria toleranda & omne id, quod contra foemineum pudorem. Ideò Matrimonii Custos esse debet; Magistratus. Sit igitur etiam Princeps, Maritus, ob causas *lib. x i i. Annal. cap. 5*. adductas, cum & per matrimonium nonnunquam crescere & firmari potest

potest regnum. Ita crevit Domus Austria-
ca. Hoc quidem augmentum & firmamen-
tum quærit Tigranes, *lib. 2. Annal. c. 3.* sed
infeliciter. Interim Matrimonium sæpè gra-
dus Promotionis. Agricola Domitiam De-
cidianam splendidis natalibus ortam sibi
junxit, idque matrimonium ad majora ni-
tenti decus ac robur fuit, *in Agric. cap. 6.*
Per Liviam quærit Sejanus potentiam, sed
impiè *l. 4. Annal. c. 39.* Pater autem, ubi
instat Virginum ætas, quæret Filiabus Ma-
ritos cum Tiberio *l. 6. Annal. c. 15.* Ubi
enim lasciviunt, castitatis periculum.

27. Post Personas in Regno considera-
tas veniunt extra Regnum Socii & Confœ-
derati. Pro his magna & gravia bella Ro-
mani semper gesserunt, ut dicit *Cicer. orat.*
pro L. Manil. quibus Sociorum Nomen
semper fuit Nomen Sanctissimum, *sec. Eun-*
dem. Sunt autem Socii necessarii: nul-
lum enim majus boni Imperii Instrumen-
tum, quàm boni Amici, *lib. 4. histor. cap. 7.*
Ita Britanni tandem docti commune peri-
culum concordia propulsandum, Legatio-
nibus & Fœderibus omnium civitatum vi-
res exciverunt. *Agric. c. 29.* Ita Aquila &
Cotys, quia Zorlines Soracorum Rex ho-
stilia resumserat, externas & ipsi gratias
quærunt, missis Legatis ad Eunonem, qui
Aderforum Genti præcellebat, *l. 12. Ann.*
cap. 15.

cap. 15. Imò quod magis, Catualda, ingrediens fines Marcomannorum corrumpit ad Societatem Primores, *l. 2. Ann. c. 62.* Sic Anicetus sub Regis auxilio tutus, quem ille pecuniâ donisque ad Societatem perpulit, *l. 3. hist. c. 48.* Sic Civilis Galliarum Societatem arte donisque affectat, *l. 4. hist. c. 17.* Priusquàm autem Societatem ineat, cautè examinet fidem Hostium : quandoque enim Rex Izates societatem Meherdatis palàm induit, in Gotarzen verò per occulta & magis fida inclinatur, *lib. 12. Annal. c. 13.* Si ambit Societatem Princeps, nè mittat pro ea viles Homines ; ceu Nero Polycle-tum Libertum *lib. 14. Ann. c. 39.* qui hostibus tantum irrisui fuit : nè ullum alium, nisi ex similitudine Fortunæ quærat, ut censet Eunones apud *Eund. lib. 12. Annal. cap. 19.* & Caractacus, *ibid. c. 37.* Si quanta Nobilitas & Fortuna mihi fuit, tanta rerum prosperarum Moderatio fuisset : amicus potius in hanc Urbem, quàm captus venissem : neque dedignatus esses claris Majoribus ortum, pluribus Gentibus imperitantem foedere pacis accipere. Sic etiam foedera certis ritibus peraguntur ; Quibusdam Regibus mos est per cruorem, quem lambunt, firmare, *l. 12. Ann. c. 47.* Parthi apud altavia DEUM, complexi dextras, pangunt, *l. xi. Annal. cap. 9.* Imò dantur
etiam

etiam munera ; quomodo repetitus ex vetusto Mos à Romanis , & missus è Senatoribus , qui Prolomæo , cognitis per bellum Tassarinatis, Studiis , Scipionem eburnum, togam pictam , antiqua Patrum munera dedit , Regemque & Socium atque Amicum appellavit, *Tacit. lib. 4. Annal. c. 27.* Contracta Societas sanctè observanda ; quomodo Vologeses , magnitudine Romanâ & continui fœderis Reverentia diversas ad curas trahitur , *l. xv. Annal. c. 1.* Casperius *l. xii. Annal. c. 45.* obtestatur , nè Socius Rex scelere vel pecuniâ vendatur : quin etiam Sociis succurrendum , si ab hoste oppugnantur. Blæsus quidem juvat, sed captô Fratre Tassarinatis, properantiùs , quàm ex Utilitate Sociorum, regreditur , *lib. 3. Annal. c.* Si inter hos Leges, dextrè eæ intelligendæ , secus atque Rhadamistus facit, apud *Tacit. l. xii. Annal. c. 47.* Si litigant, litibus ii eximendi : Germanicus cuncta socialia prosperè componit *lib. 2. Ann. c. 53.* Inter Cyrenenses & malæ fidei possessores agrorum, ortâ lite , subvenit Sociis Nero & usurpata concedit , *l. 14. Annal. c. 18.* Tiberius ipse sociorum precestrahat , *lib. 4. Annal. c. 13.* Usque adeò subveniendum sociis, Virium æmulis , cedentibusque per Reverentiam , ut Legati Parthorum loquuntur , *l. xii. Annal. cap. 10.* Quò autem

tem firmitus sit foedus, dantur nonnunquam obsides, qui Hyrcanis Amicitiae pignora dicuntur *lib. 14. Annal. c. 25.* Ita Tigranes diu obses apud Urbem fuit, *dict. l. 14. Annal. c. 26.* Civilem ideò universa Germania extollebat, quod Societas nobilissimis obsidum firmata *l. 4. Histor. c. 28.* E. hi interdum necessarii, praesertim ubi fides dubia exemplo Frisiorum *l. xi. Ann. cap. 19.* Sed tamen hi minus laedendi, vel hostibus tradendi; quod Agrippinenses faciunt, dum auxilium à Romanis orantes, Uxorem & Sororem Civilis, Filiamque Classici, relicta sibi pignora Societatis, offerunt. Minus rectè. Si finem quæris obsidum dandorum? Ideò obses Augusto datus à Phrahate Vonones dicitur *Tacit. l. 2. Annal. c. 1.* firmandæ Amicitiae, haud perinde Romanorum Metu, quàm Fidei Popularium diffusus. Alterum finem Parthi exponunt *l. 12. Annal. cap. 10.* quod ideò Regnum liberi obsides dentur, ut si domestici Imperii tædeat, sit regressus ad Principem Patresque, quorum moribus assuefactus Rex melior adscisceretur. Sic unius rei multi possunt esse Fines. Mittuntur autem pro foedere, quale quale illud sit, Legatis inde Jus legationis quia sanctum, & inviolabile; ideò & Legati tales. De Militibus Romanorum rebellibus *Tacit. scribit l. 1. Annal. c. 39.* quod

nisi

nisi Aquilifer Calpurnius vim extremam arcuisset, à Planco legato, rarum etiam inter Hostes, Legatus Populi Rom. sanguine suô altaria DEUM commaculâisset, inde Hostium Jus Sacra Legationis, Fas Gentium ipso rupisse, dicit Germanicus *d. lib. 1. Annal. cap. 42.* Confirmat Noster *lib. 3. Histor. c. 80*; qui sacrum etiam inter exteras Gentes Legatorum Jus censet. Probè autem videndum, num tantùm, cum Poly-cleto, ad spectandum Reipublicæ statum mittantur, *l. 13. Annal. c. 39.* vel ut seriò agant & tractent pro Rerum publicarum Salute: cætera, quæ ad Legatorum Jura & Actiones pertinet, legi possunt apud alios.

II. Ratione Rerum.

1. *Secunda Objecta sunt Res civiles; quæ vel sacræ vel publicæ; & illas inter Religio, Auspicia, Asyla, Statuæ Principis; omniumque dantur monita.*
2. *Rerum publicarum Divisio.*
3. *Circa Res externas Regula.*
4. *Rerum internarum Divisio, quod ea vel moderantes, vel constituentes.*
5. *Rerum moderantium species sunt leges & Mores Majorum.*
6. *De Legibus Monita.*
7. *De Moribus itidem Axiomata.*

8. *Rerum*

8. *Rerum constituentium Divisio, qua vel Salutem spectant omnium, vel Mortem singulorum.*
9. *Salutem spectant omnium Respublicæ; & quid ea? & in quibus consistunt; nempe vel in opibus, vel in ordinandis cæteris Rebus.*
10. *De opibus publicis, & quomodo acquirantur, per Reditus, Tributa, Vectigalia, Thesauros, Pœnas.*
11. *Opes quomodo per Ærarium conserventur, & quæ circa Ærarium regule.*
12. *Rerum ordinandarum Divisio vel quoad Necessitatem, vel quoad Voluptatem.*
13. *Quoad Necessitatem sunt ædificationes, Opera publica, Collegia, Commercia, Colonia.*
14. *Quoad Voluptatem habentur ludi.*
15. *Res Mortem Singulorum considerantes sunt Pœna & Exequiæ.*
16. *De pœnis & quæ circa has considerandæ Magistratui Regule.*
17. *De Exequiis, Earumque Divisione.*

§. I. **P**ERSONAS hætenus vidimus, præcunte Politicô & Statûs Doctore Tacitô: succedunt Res, secunda Objecta. Pono autem primô locô Religionem. Mida Phrygiam Religionibus implevit, quibus tutior omni vitâ, quàm armis fuit, referente Justinô l. xi. *Histor.* Numa etiam Religioni-
bus

bus & divinô Jure Populum devinxit, *l. 3. Ann. c. 26.* Hujus enim, Religionis, curâ meritò suscipienda à Magistratu. Apud Romanos de Religionibus specialiter tractatum fuisse, docet Idem noster *l. 3. Ann. cap. 71. & l. 4. Ann. c. 16.* de Religionibus tractatur : imò allig. *l. 3. Ann. c. 71.* decisum : Cunctas Cæremonias Italicis in oppidis, Templaque & Numinum effigies, Juris atque Imperii Romani esse. Tiberius ipse Autor est Senatui, Vitellio atque Veranio & Seryæo Sacerdotia tribuendi, *l. 3. Annal. cap. 19.* Si quid dubii in Religione, dandum Sacerdotibus negotium, quantum humanâ ope possunt, vera discernere, ut de librô Sibyllæ differit Noster *lib. 6. Annal. cap. 12.* Claudius super Collegiô Aruspicum refert ad Senatum, Senatus ad Pontifices; videant illi, quæ retinenda firmandaque Haruspicum, *l. xi. Ann. c. 15.* E re tamen etiam Magistratum Sacrorum instituire; quomodo apud Eundem *l. xi. Ann. c. xi.* Collegio Quindecimvirali ea cura antiquitus, & Magistratus executus officia cæremoniarum. Ipse Tiberius audit Lacedæmoniorum & Messeniorum Legationes, de Jure templi Dianæ Limenetididis, *lib. 4. Annal. c. 43. & 55.* Tempa & Religiones addidit Ægypto Ptolomæus *l. 4. hist. cap. 83.* Usque ad cò res Ecclesiasticæ externæ ad

G

Magi.

Magistratum : internæ verò, autoritate Superiorum , ad Sacerdotes Jure optimò pertinent. Si autem Religionem quærimus ; expedit unam habere in Regnò : diversæ tamen tolerandæ : sin autem minus utile credit Princeps, nè sæviat in Heterodoxos , sed vel cedere jubeat Regioni , nisi certam ante diem ritus hæreticos exuant , vel etiam in aliam Regionis partem , licet asperrimam, transferat , ubi si intereunt , vile damnum, ut de Judæis in Sardiniam pulsus loquitur *Tacit. lib. 2. Annal. c. 85.* Ad Religionem Ethnici etiam Auspicia retulerunt; pleraque enim in summa Fortuna auspiciis & Consiliis , quàm telis & Manibus geri , credunt illi de Nerone loquentes apud *Nostr. l. 13. Annal. cap. 6.* Vel auspicia autem sunt in cœlo , vel in terra , vel fluminibus etiam : quorum quæ cœlò terrâque portenduntur, certior Fides, *sec. Tacit. lib. 6. Annal. cap. 37.* Habentur etiam Auspicia Imperatoria, de quibus magnifica loquitur Corbulo *lib. 15. Annal. c. 26.* Audit Auspicum Verba Silius *l. 10. Ann. c. 27.* Nero Ganeo *l. 15. c. 37.* & quæ sunt alia. Huc pertinent Tempia , quæ non nisi permissu Magistratûs ædificanda , *l. 3. Annal. c. 72.* ædificata autem consecranda , quomodo Romani fecerunt *l. 4. Histor. c. 53.* Sed num & in honorem Regum struenda? Utut negat Tiberius

berius *l. 4. Ann. c. 37.* favorabili oratione: mittit tamen, dum Legati Asiæ Templum poscunt, Legatum, qui Templi curam suscipiat, *d. l. 4. Ann. c.* quale Tiberio, Matricque Ejus, ac Senatui permissum legitur, *d. l. 4. c. 15.* & extructum Saluti Neronianæ *l. 15. c. ult.* planè adulatoriò more. Addo Templis æra, quæ utique suspendere licet in illis sacrandam ad memoriam *l. 3. Histor. cap. 63.* Inde etiam Mos noster. Sed quid de Asylis Statuivè Principum dicendum? Num Asyla ea Miseris constituenda, propter Fortunam nempè, non Malitiam, disquiritur. Videtur, permittenda esse; de quibus benè multa Tacitus *l. 3. Annal. c. 36. & 60. & l. 4. c. 14.* ubi Abusum eorum taxat, Usum approbet. Adde *H. Grot. lib. 2. de Jur. Pac. & Bell. c. 21. §. 5.* Effigies autem & Statuæ Principum æquè ac aræ DEUM, ac Tempia à Senatu censitæ *lib. 3. Annal. cap. 57. l. 13. Annal. c. 8.* Sed num eæ in alios Usus non convertendæ? Quia Adulator, ob id negans, Atejus Capito, certè permissum colligitur *lib. 3. Annal. cap. 70.* Ut & Statuas eas cum Hortis vendere, etsi enim Statua res sacra, tamen ut accessorium suum sequitur principale, *l. in modicis. 24. ff. de contrah. Emt.* ut deciditur etiam in *l. 1. Annal. c. 73.*

§. 2. Post Res sacras, & quæ Sacrorum

numerô habentur , Res publicæ propriè tales pensitandæ : quales vel externæ sunt, vel Internæ.

§. 3. Circa Res externas duo veniunt, notante Tacitô. Scilicet consiliis & æstus res externas moliri, arma procul habere, *l. 6. Annal. c. 32.* Omne scelus externum cum lætitia habendum: semina etiam odiorum jacienda , ut sæpè Principes Romani Armeniam specie largitionis turbandis Barbarorum animis præbuerint , *l. 12. Annal. cap. 48.* Indè haud leve decus Drusus quæsi- vit illiciens Germanos ad discordias *lib. 2. Annal. c. 62.* sicut & Cribulo semina Rebellionis præbet *l. x1. Annal. c. 19.* Sed in quem finem ? Ut ipse eos ad deditionem pelliciat. Dura præcepta Taciti : ferè dicam, iniqua hæc : ideò dissuadeo , nec approbo modum surgendi per alienas Injurias.

§. 4. Res internæ sunt , quæ Rempubli- cam internè afficiunt , cæque sunt vel Rem- publicam moderantes , vel eam consti- tuentes.

§. 5. Rerumpublicarum Statum mode- rantes sunt Leges & Mores Majorum.

§. 6. Leges sunt fulcra boni Statûs, quæ debent habere finem æqui Juris : debent esse in Republica paucæ : corruptissima enim in Republica plurimæ leges, *l. 3. Ann. cap. 27.*

cap. 27. ubi plùrima de Legibus. Leges autem facit Princeps, quibus etiam ipse adstrictus esse debet : Servius Tullius Sanctior Legum fuit, quibus etiam Reges obtemperarent, *l. 3. Annal. c. 26.* Dico, Principem etiam adstrictum esse debere Legibus, etsi eas ipse fecerit. Etenim dum Leges condit, condit eas vel ut moralitèr vel ut politicè bonas : utròque casu astringitur ad observantiam Legum, in illo ex bonitate morali, quam præcipuè Rex servare debet, exemplum omnis Honestatis & Æquitatis : in hoc propter Salutem Civium. Vix E. Princeps superior lege sanctâ, nisi Superioritatem expressam dixerit. Debent autem leges publicari : aliàs non ligant : & quidem in publico loco : Romæ fuit æs publicandis plebiscitis per fora & templa fixum, *lib. xi. Annal. c. 14.* apud Nos etiam hic Mos retinetur ; optimò modò. Fieri autem sæpissimè solet, ut publicatæ eæ ferè sint acribus initiis, sed incurioso fine *lib. 6. Ann. cap. 7.* Interim lex semper Domina esse debet, ut in causis decidendis, *l. 2. Annal. c. 51.* ita etiam in delictis puniendis, judicante Cornelio Dolabella *l. 3. Annal. c. 68.* Constituitur autem Lex in facta, quia futura incerto sunt, *d. lib. 3. Annal. c. 69.* indè fit, ut Leges egregiæ, exempla honesta apud bonos, ex delictis aliorum gignantur.

l. xv. Ann. c. 20. Cavendum autem circa Leges, nè illis fraus fiat, ut in Lege de Adoptionibus factum *lib. 15. Annal. cap. 19.* nè flectantur; Vix E. SCrum, quò Accusatorum Causæ noscebantur, ullius autoritatis *l. 2. hist. c. 10.* quia variè jactatum, & prout potens vel inops Reus incidit, infirmum aut validum retentum, omnibus debet lex esse æqua vel iniqua: alias lex nullius ponderis. Si E. lex non flectanda, multò minus mutanda, intellige sine prægnanti causa: non enim vertenda sapienter reperta, & semper placita, dicit Tiberius *l. 3. Ann. c. 69.* Mutatur autem, ubi Principi assurgit Respublica; quomodo victa lex de numerò liberorum in Candidatis; dum Senatus R. Filios Tiberii respicit *l. 2. Ann. c. 51.* Contra decus, contra fas & Leges. Imò Quinquenniò maturius, quàm per Leges licet, accipit Quæsturam Nero, Tiberiò postulante; *l. 3. Annal. cap. 29.* Contra Leges. Certè dum placere student Romani Senatores, Principi adulantur, amittunt autoritatem, amittunt Senatoriam Libertatem, quam anxie tamen servari credit Thrasea *l. 13. Annal. cap. 49.*

§. 7. Mores Majorum quod attinet, quid ii sint, notum est & JCtis & Ethicis: Dico ipse, quod sint actus laudabiles in Rempubli-
cam, optimâ Ratione à Majoribus intro-
ducti.

ducti. Horum etiam cura ad Magistratum pertinet; Tiberius *l. 2. Annal. c. 33.* rescribit, siquid in moribus labaret, non defuturum corrigendi Autorem. Sic *lib. 3. Ann. c. 28.* Cn. Pompejus corrigendis moribus delectus, qui tamen gravior remediis, quàm delicta erant. Servantur autem, si Princeps observans eorum. Vespasianus antiquo ipse cultu & victu, adstricti moris Autor fuit, *l. 3. Annal. c. 55.* Laudatur Nero etiam, qui in observando anno & tempore Religionem veterem retinere maluit, atque consentibus Patribus, principium anni mense Decembri inchoare, *l. 13. Ann. c. 10.* Tiberius etiam aureas literas, quibus Senatus consulta figenda, contra patrium morem rejicit, *d. l. 3. Ann. c. 59.* Imò, si aboliti mores, repeti possunt, si non nocentes Statui. Sic repetitus ex vetusto Mos, dum Pto- lomæus Rex, Socius & Amicus Pop. Rom. nominatur, *l. 4. Annal. c. 26.* Mores tales inferior etiam Magistratus scire debet, ut proinde optimè Tiberius Tribunum increpet, ignarum moris antiqui, *l. 6. Ann. c. 12.* cum primis Præfecti Militiæ; quomodo Corbulo veterem ad morem legiones feliciter reduxit, *l. x1. Annal. c. 18.* Præfecti Provinciæ: Vitellius regendis provinciis prisca Virtute egit, *d. lib. 6. Annal. cap. 32.* Neque Socius rem gratiorem facere potest

Socio, quàm si ejus Mores assumit. Hoc videns Tiridates, mote Romanô dat Suo vetaurilia *l. 6. Annal. c. 37.* Imò arcanum Principis, Populi mores retinere. Facit hoc Germanicus, *l. 2. Annal. c. 59.* qui proincè multa in vulgus grata usurpâsse dicitur. Reprehenditur Pirahates, quod patriis moribus impar, *l. 6. Ann. c. 32.* laudatur Zeno, qui prima ab Infantia Instituta & cultum Armeniorum æmulatus venatu epulis, & quæ alia Barbari celebrant, Proceres Plebemque devinxerat, *l. 2. Annal. c. 56.* Atque ad hæc Instituta & cultum patrium resumendum hortetur Tencterorum Legatus Agrippinenses *l. 4. histor. c. 64.* Veteres adeò Morum observantes fuisse scribit, *Id. l. 3. Annal. c. 26.* ut nihil contra mores cupiverint. Pulchrum, cum Ministri Statûs hos tuentur: Crispus diversus Veterum institutô vix laudatur Tacito *l. 3. Annal. c. x.* cum per cultum & Munditias, copiâque, & affluentia luxu propior: secus Rubellius Plautus, qui ideò magnus Populo, quod placita Majorum coleret, habitu severo, & secretâ domô, *lib. 14. Annal. c. 22.* Indè Cassius etiam suam morum antiquorum fidem testatur, *d. l. 14 c. 43.* præsertim ubi contra Instituta & Leges Majorum nova Senatûs decreta postulata. Neque Fœminas Matronas aliquid majus ornat. Julia
 Augu-

Augusta Sanctitate fuit priscum ad morem
l. 5. Annal. c. 1. Mater Vitelliorum Sexti-
 lia celebratur antiqui moris *l. 2. histor. c. 64.*
 Præprimis autem Populus movetur, ubi
 mores antiqui mutantur; queritur ille *l. 3.*
Annal. c. 5. cum Tiberius Germanici exe-
 quias minus solennes faceret; cuncta à ma-
 joribus reperta, aut quæ Posterì invenerint,
 ab Augusto cumulata in Drusi funere: at
 ubi illa Veterum Instituta? Ubi etiam ad
 morem Græci certaminis Quinquennale
 ludicrum institutum, plebs queritur aboli-
 tos paulatim patrios mores, *lib. 14. Annal.*
c. 20. Mores igitur si servandi in Regum
 honore; quomodo Seleucenses Tiridatem
 extollunt veterum Regum honoribus, &
 quos recens ætas largius invenit, *l. 6. Ann.*
c. 42. In educatione Principis; quomodo
 Italus Armis Equisque in patrium, no-
 strumque (Romanum) morem exercitus,
lib. x1. Annal. cap. 16. Romanorum enim
 moribus assuefactus Rex melior creditur
 Parthorum Legatis, *l. 12. Ann. c. 10.* In
 sortitione. Utcunque enim acriter dispu-
 tant *lib. 8. Histor. c. 7.* Helvidius & Marcel-
 lus, an à Magistratibus juratis Legati nomi-
 natim eligendi vel urnâ sortiendi; placuit
 tamen, retinere Morem. In Virtutibus:
 corrue[n]te enim apud Fidenam Theatrô, &
 plurimis Spectatorum vulneratis, patuere

procerum domus, fomenta, & Medici præbiti : quomodo Urbem per illos dies , Veterum Institutis similem laudat Noster *l. 4. Ann. c. 63.* Claudius respondet *l. 12. Ann. cap. 20.* Majoribus placitum quantâ perviciâ in Hostem , tantâ beneficentiâ adversus supplices utendum. Quia in more publica Munificentia , non intermittit eam lepidus, *lib. 3. Annal. cap. 72.* Cæsar morem Majorum observat in dirimendis Amicitiiis, scilicet ut interdicit domo, *l. 6. Ann. c. 29.* Sed num Mos Majorum in pœnis servandus ? Certè Nero prohibet, nè per sævitiam intendatur *l. xiv. Annal. c. 45.* Et quamvis Consul designatus *d. lib. 14. Ann. c. 48.* Antistium ob carmina in Principem propressa more Majorum necandum censet, dissentit tamen Pœtus optimè , cum pœna legibus constituta , quibus sine Judicum sævitiâ & temporum Infamiâ supplicium decerneretur. Quia Mōribus Veterum insolitum, Fœminam signis præfidere , idcō pessimum , *l. xii. Annal. c. 37.* Sed num mutandi Mores antiqui ? Vix videtur. Marcellus dicit *lib. 4. Histor. cap. 8.* designatum Consulem secundum vetera Exempla censuisse : & ubi nihil evenire , cur antiquitus Instituta exolecant ? Ipse meminit temporum, quibus natus , quam civitatis formam Patres Avique instituerint , ulteriora miratur,

tur, præsentia sequitur, *lib. 4. Histor. cap. 8.* Nisi nimis horridi : Benè enim Augustus quædam ex horrida antiquitate, ad præsentem Usus flectat, *l. 4. Ann. c. 16.* Morem accommodari, prout conducat, inquit Vitellius *lib. xii. Annal. c. 6.* Multa duritiæ Veterum & lætius mutata differit Val. Mes-
salinus *l. 3. Ann. c. 34.*

§. 8. Post Res moderantes Statum addo constituentes, quæ vel Salutem omnium spectant, vel Mortem singulorum.

§. 9. Salutem omnium Res spectantes sunt Res publicæ : Sed quæ dicantur verè tales, disputat Bojocalus apud *Nostr. l. 13. Annal. c. 55.* & Avitus : Ille dicit ; Sicut cælum Diis, ita terras generi Mortalium datas : quæque vacuæ, eas publicas esse : At hic : Id Diis, quos implorarent, placitum, ut arbitrium penes Romanos maneret, quid darent, quid adimerent, neque alios Judices, quàm quod seipsos paterentur. Verùm, non adeò absurdus Bojocalus, ubi Jus Naturæ respicit : quomodo autem lucem diemque omnibus Hominibus ; ita omnes terras fortibus Viris Natura aperuit, judicante Tenèterorum Legato apud Concilium Agrippinensium *l. 4. Hist. c. 64.* quod effatum sibi dictum credit etiam Avitus, ubi Romanum Brachium objicit. Quan-
do Frisii agros vacuos, & Militum usui se-

positos insident , Nero eos agris decedere jubet *l. dict. 13. Ann. c. 54.* sed illis aspernantibus, auxiliaris Eques repentè immissus necessitatem attulit, captis cæsisvè ; qui per-
 vicacius restiterant . Hi mores Potentiorum : & ubi Gladius Iudex , cessant argumenta & Rationes Rerum. Cæterum, utut Vim Romanam Avitus Bojocalo monstrat: jura tamen ipsum etiam tueri consonum, eum prius Romani Terras illas ab Ansibariis occupatas possederint : quod enim vacuum est, id naturali ratione priori cedit occupanti. Et sic Res vacuæ, secundum Bojocalum, non tam publicæ , propriè sic dictæ, quàm communes , *pr. Inst. de acq. Rer. dom.* Res autem hæ publicæ vel constituunt in opibus acquirendis, & conservandis : vel in aliis rebus benè ordinandis.

§. 10. Opes acquiruntur per Reditus ; de quibus apud *Nostr. l. 13. Annal. cap. 50.* Senatores prudentèr , quod omnia in Republica ita providenda, ut Ratio quæstum & Necessitas Erogationum inter se congruat. Ideò inspectatur *l. 15. Ann. c. 18.* Nero priores Principes , quod gravitate sumtum justos redditus anteissent , se annum sexcentis sestertium Reipublicæ largiri : Falsa jactatio , cum contrarium videre licet *l. 1. Hist. c. 20.* Ne igitur Princeps per nimias largitiones effundat sumptus, nè
 lacc-

laceret Imperium, cum Vitelliô *l. 3. Hist. c. 55.* Quod si fit, justissimum videtur, inde repeti, ubi inopiæ causæ est. Quando enim Nero bis & vices millies sestertium donationibus effuderat, appellari singulos jusserrunt Senatores, decumâ parte liberalitatis apud quemque eorum relicta, *lib. 1. histor. c. 20.* qui iidem, Imperium capessente Vespasianô, sorte ducunt nonnullos *l. 4. Hist. cap. 40.* qui modum publicis Impensis faciant. Augentur autem Reditus per Tributa. Sunt enim hæc ornamenta Pacis & Belli subsidia, *sec. Cicer. præ L. Manil. pr.* Et Petilius Cerialis apud *Tacit. lib. 4. Hist. cap. 74.* dicit, quod. Quies Gentium non sine armis, nec arma sine Stipendiis, nec Stipendia sine Tributis haberi queant. Tributum autem imponendum est modicum pro angustia Rerum & cujusque cura intendenda, quæ firmitudo, quæ Mensura, *l. 4. Annal. c. 72:* Nec nimis acrius, quàm ut tolerant Populi *l. 4. Annal. c. 45.* nec nimis acerbè *lib. 3. hist. c. 73.* Nonnunquam tamen Subditis remittendum, vel quia illi novi; quemadmodum quædam ex regiis tributa deminuta Cappadocibus à Germanico, quò mitius Romanum Imperium speraretur, *l. 2. Annal. c. 57.* vel quia afflictis: ita Sardianis lue aspersimâ correptis *lib. 2. Annal. c. 49.* ita Apamiensibus terræ

motu convulsis in quinquennium *lib. xii. Annal. c. 58.* ità Civitati Cibyriticæ apud Asiam, Ægirenſi apud Achaiam, motu terræ labefactis subvenit Tiberius remissione Tributi in Triennium, *lib. 4. Annal. c. 13.* Pertinent etiam ad Reditûs Vacantia, quæ velut Parens omnium Populus, tenere debet *lib. 3. Annal. c. 28.* & præprimis Vectigal. Ciceroni *orat. de L. Agrar. contra Rull.* dicitur Caput patrimonii publici, pulcherrima Populi Rom. Possessio, Subsidium Annonæ, horreum Belli; Nervus Reipublicæ, quò amissio & pacis ornamenta & belli subsidia frustra requiruntur, *orat. pro L. Manil.* Eam ob causam Neroni, cuncta Vectigalia, ceu pulcherrimum Generi Mortalium donum omittere volenti fortiter contradicunt Senatores, docendo dissolutionem Imperii, si fructus, quibus Respublica sustineretur, diminuerentur: sublatis enim portoriis sequens, ut Tributorum abolitio expostularetur, *l. 13. Annal. c. 50.* Sunt autem Vectigalium, pro loci & temporis Ratione variæ species. Apud Nostr. habemus centesimæ Vectigal rerum venalium, *l. 1. Ann. cap. 78.* habemus Vectigal quintæ & vicesimæ venalium mancipiorum *l. 13. Annal. cap. 31.* Vectigal Quadragesimæ & Quinquagesimæ, *l. 13. Annal. c. 51.* Vectigal Alabarchiæ, pro traductione Pecorum;

l. usur.

l. usurpationem. 9. C. de Vestigal. & Comm.
 & exportandarum, vel importandarum
 Mercium; cujus vectigalis non parva fun-
 ctio est, *l. omnium. 6. C. eod.* quæ ad Publi-
 canos pertinet, quorum cupidines tempe-
 randæ: ut videre, licet *lib. 13. Annal. c. 51.*
 Prout autem Vectigalia non nisi à Magi-
 stratu instituuntur; ita ab hõc præficienti-
 dæ Portoriis personæ; Nero tres Consu-
 lares publicis præposuit Vectigalibus, *l. xv. Ann. c. 18.* Sed personæ debent esse ho-
 nestæ. Has enim Personas habet Cicero ho-
 nestissimas & ornatissimas, *orat. pro L. Ma-
 nil.* quibus si adversatur Pop. Romanus, or-
 dinem de Republica optimè meritum &
 cum Republica conjunctum à Republica
 disjungit *ep. 1. lib. ad Q. Fratr.* Publicano-
 rum ordine Florem Equitum Romano-
 rum, ornamentum Civitatis, firmamen-
 tum Reipublicæ contineri dicit *Id. orat. pro
 Cn. Planf.* retineri enim sine Vectigalibus
 Imperium non potest, *dict. loc.* Vectiga-
 lium E. potissima cura sit Magistratui. Nam
 cæteris in rebus cum venit Calamitas, tùm
 detrimentum accipitur: at in vectigalibus
 non solùm Adventus mali, sed etiam metus
 ipse affert calamitatem; *Id. Cicer. orat. pro
 L. Manil.* Inter Reditus numerantur etiam
 à Tacito poenæ, quas ex L. Jul. Pap. Pop-
 pæâ augendo ætario sanxit Augustus *lib. 3.*
Annal.

Annal. c. 25. & non immeritò etiam The-
sauri inventi sed nè quærat illos Magistra-
tus, ubi tenuis fructus. Non optimæ Famæ
erat Curtius Rufus *l. xi.* *Annal. c. 20.* quod
in agro Mattiaco recluserat specus quæren-
dis venis argenti : unde tenuis fructus , nec
in longum fuit : at cæteris cum damno la-
bor, & fodere vivos , quæque in aperto gra-
via, humum infra moliri. Si tamen deferun-
tur ii quærendi , certè Autoris , ipsiusque
Negotii fides benè spectanda , mittendique
Visores, per quos noscat Imperans , an vera
asserantur ; prout Tacitus noster suadet
l. xvi. *Annal. c. 1.* quando Nero, illuditur
Fortunæ per vanitatem illius & promissa
Cesellii Bassi. Et nè veteres opes consumas,
velim usque dum novos & oblatos habes,
censente Nostro *d. lib. xvi.* *Annal. cap. 2.*

§. 11. Acquisitæ opes conservantur per
Ærarium , Pertinet hujus cura ad Magistra-
tum. Senior Augustus L. Pap. Poppæum
in citandis Coelibum pœnis & augendo æ-
rario sanxit , *l. 3.* *Annal. c. 25.* Prætoribus
ærarii publicam paupertatem quæstis & Mo-
dum Impensis postulantibus , eam curam
Consul designatus ob Magnitudinem oneris ,
& Remedii difficultatem , Principi re-
servat, qui, & Tertullinus Trib. Pl. expetit,
lib. 4. Histor. cap. 9. Habetur autem æra-
rium ad retinendam Populi fidem : Colo-
nüs

niis enim , Capuâ atque Nuceriâ firmatis, fectertium quadringenties ærario illatum, ad retinendam Populi fidem, *l. 13. Annal. cap. 31* : Constituuntur autem à Magistratu ærarii Præfecti , de quibus multa *d. lib. 13. Annal. cap. 29*. qui postcâ Prætores ærarii apud Romanos vocati, *l. 4. Hist. cap. 9*. Hi si malè tractant pecuniam publicam , damnandi, exemplo P. Vitellii *l. 5. Annal. c. 8*. S. Marii *l. 6. Ann. c. 19*. Non autem Ærarium ambitione exhauriendum, nè per scelera sit supplendum, *l. 2. Annal. c. 38*. Interim miseris & afflictis ; pecuniâ publicâ succurrere , regium . Dura E. responsio Hortolo data, à Tiberio, *d. l. 2. Ann. c. 38*. cum tamen tribuerit pecunias ex modo detrimenti iis , qui convulso apud Fidenam amphitheatro , damnum cæperunt , *lib. 4. Annal. c. 63*.

§. 12. Res cæteræ succedunt, suntque illæ benè ordinandæ vel quoad Necessitatem, vel quoad Voluptatem.

§. 13. Quoad Necessitatem sunt Ædificationes Urbium, quæ si fiunt dimensis Vicorum ordinibus , & latis viarum spaciis, meliores , atque si domûs nullâ distinctione, nec passim erectæ *l. xv. Annal. cap. 43*. In his autem ædificationibus Utilitatem publicam & Decorem spectare debemus , *d. cap. 43*. Illa haberi potest , præcipuè *sec. Aristot.*

Aristot. 7. *pol.* 4. si ædificationes fiunt *ὡς τὴν θάλατταν* ; si struuntur in loco *παντοφώρῳ*. *πλήθ' καὶ μεγάλ' ἔχ' ὅτι*, si sunt τοῖς πολέμοις *δυσέμβολοι*, αὐτοῖς ὅ *ἀνέχονται* ; adde caput x. ubi multa de Situ, Munitione & ornatu Urbis, quæ Tacitus videtur secutus, vel Nero in Tacito. Omnes autem ades luxu vulgatæ inter Plebem vix ferendæ, nisi Procerum vel Regum in eo Ambitio, quæ tamen etiam debet esse temperata, Inanis E. labor Neronianæ Domûs *l. 15. Ann. c. 42.* Interim ea quæ ad decorem Urbis pertinent, non negligenda. Succedunt igitur, post ædificationes Urbium, Opera publica : qualia si quis velit ad ornatum Urbis & posterum gloriam conferre, & propriâ pecuniâ firmare ornareque, haud denegandum cum Augusto *lib. 3. Annal. c. 72.* In more enim optimô habetur publica munificentia : & qui hæc liberalitate, non necessitate debiti reditûs, facienda curat, munificentia suæ fructum de inscriptione Nominis suis operibus, si qua fecerit, capere per invidiam non prohibetur, *l. qui liberalitate. 2. ff. de operib. publ.* Vix E. Ædilium nomina ponenda, ubi sumtibus opera struuntur publicis, nisi Magistratus universus pro laboris præmiô concesserit. Si collapsa opera, certè ea reparanda, veluti Tiberius Pompeii theatrum igne fortuitô haustum extru-
rum

rum se pollicitus *l. 3. Annal. 72.* Si moris pomærium Urbis ut augeat Cæsar, terminosque Urbis propaget post prolatum Imperium, ut factum tempore Romanorum *l. 12. Annal. c. 23.* nec ille spernendus, cum Regum in eo iusta Ambitio vel Gloria variè vulgata. Tiberii actiones in ædificiorum & operum publicorum curâ videre licet *l. 6. Annal. c. 45.* ex quibus forsan quid alteri utile, quid gloriosum esse possit, concludi potest. Partes Civitatis Aristoteles *7. pol. 8.* credit esse *τροφάς, τέχνας, ὄπλα, χρημάτων διοίκησις, ἰσχυρία, κρείσσις πρὸς τὴν συμφερόντων, καὶ δικαίων πρὸς ἀλλήλους*: quas omnes ferè hætenus vidimus, præterquam quod restent Collegia, quæ si contra leges instituuntur, dissolvenda, *l. 14. Ann. c. 17.* non nisi enim ea ex Magistratus autoritate instituenda, *l. collegia. 3. §. 1. ff. de colleg. & corporib.* quod supersint Commercia: quorum cura maxima Magistratui esse debet. Jus etenim hoc Commercii auget Imperium & Subditis & opibus. Inter Marcomannos, Negociatores Romanos repertos scribit Noster *lib. 2. Annal. c. 62.* quos Jus Commercii, deinde cupido augendi pecuniam, postremò oblivio Patriæ suis quemque ab sedibus hostilem in agrum transtulit. Et quò locorum jam non Batavi? Commoda commerciorum revolvens Suetonius

tonius *lib. 14. Annal. c. 33.* & quantum in bellis gerendis proſit Emporium, mirâ conſtantia medios inter Hoſtes Londinium perrexit, copiâ quia negociatorum & com- meatuum maximè celebre: Quàm maximâ E. diligentia uti quærenda, ita etiam extruenda Emporia: quæſita verò & extructa unâ cum Negociatoribus defendere tenaciſſimè oportet Imperantem: inde propter cæſos Negociatores bellum à Romanis inceptum *lib. 3. Annal. c. 42.* Æquè etiam ii ægerrimè ferunt, ubi violati tantum, *lib. 4. Hiſtor. c. 65.* E re igitur fœdera commerciorum, cum vicinis præſertim, vel etiam cum aliis: Ideò Tuſeis & Carthaginenſibus fuere *συμφωνίαν ἀπὸ εἰσπραξιμάτων. 3. pol. 1x.* Inde Agrippinenſes ad Teneſeros *l. 4. Hiſt. c. 65.* Veſtigal & onera Commerciorum reſolvimus. Sint tranſitus incuſtoditi, ſed diurni & inermes, arbitrum habebimus Civilem & Velledam, apud quos pacta ſancientur. Poſſunt E. Negociatores alieni tranſire etiam per noſtrum regnum, ſed die, ſed ſine armis: Imò Arbitri neceſſarii, ſi pacta commerciorum ſancienda: ſed ex voluntate paciſcentium. In tranſeundis autem Mercatoribus cavendum diligenter, nè aditus Portuſque nimis accuratè iis cognoscendos permittamus; quod Agricola intendit *cap. 24. in Britannia*, à quibus etiam
veſtigal

vestigal accipi potest pro transitu, quemadmodum pro Rhēni transitu precium accipiebant Romani, *l. 4. Histor. c. 27.* Quod caput autem, semper laborandum, ut Commercium maneat libera : vel etiam, si fieri potest, mediū bellō, ut *lib. 2. Histor. cap. 23.* legimus, nisi propter Commercium bellum, vel in iis belli expensæ : aliās pactum hoc non adeò improbum. Supersunt tandem Coloniae, quas Princeps constituit : quomodo, Puteoli Jus Coloniae & cognomen à Nerone adipiscuntur, *lib. 14. Annal. cap. 26.* Ubi autem Princeps Colonias vult constituere, deducat universam Gentem cum suis familiis & Necessitudinibus : sic enim consensu & caritate Rempublicam efficient. Quando enim Nero *l. 14. Ann. cap. 27.* non ut olim, universas legiones, cum Tribunis & Centurionibus, & suis cuiusque ordinis militibus deducit, sed ignotos inter se, diversis Manipulis, sine Rectore, sine affectibus mutuis, quasi ex alio genere Mortalium repente in unum collecti, Numerus magis quàm Colonia. Deduci autem debent coniugiis suscipiendis & alendis liberis, sicuti *d. l. 14. Annal. c. 27.* in agros etiam captivos, seu subsidium adversus rebelles, & imbuendis sociis ad officia Legum, *l. 12. Annal. c. 32.* in quibus actionibus prudentissimus Artifex Agricola habetur

betur c. 21. in *Agric.* quem omninò lege & applica. Firmantur ita Coloniae, si Veterani, si ad retinendam Populi fidem opes adduntur, ut in Coloniais Capua atque Nuceria, l. 13. *Annal. cap. 31.* si miscèntur per matrimonia, alienigenae cum Indigenis, exemplo Militum Romanorum lib. 2. *Hist. cap. 80.*

§. 14. Res quoad Voluptatem benè ordinandae sunt Ludi: indè quæritur, an in Rēpublica tolerandi? Graviter queritur Pop. Rom. lib. 14. *Annal. c. 20.* ubi quinquennale ludicrum Romae institutum; abolitos paulatim patrios mores, funditus everti per accitam lasciviam, ut, quod usquam corrumpi aut corrumpere queat, in urbe visatur, degeneretque studiis externis Juventus, Gymnasia; & ocia, & turpes amores exercendo. Interim, si à Magistratu discernuntur in honorem Principis, ut l. 3. *Annal. c. 64.* in memoriam Augusti, lib. 1. *Ann. c. 33.* non rejiciendi; ut tamen ii privatorum sumptibus peragantur, minimè permittendum cum Tiberio lib. 1. *Annal. cap. 15.* sed ex ærariò pecunia decernenda. Aliàs contra Majestatem Imperatoriam. Si Populus tales voluptates quærit per Ludos, civile, indulgere cum Augusto lib. 1. *Ann. cap. 54.* si præprimis ex abundantia pecuniæ, vel municipali ambitione, non ex sordida merce

merce instituuntur *l. 14. Annal. c. 62.* Ubi tamen non minus tali largitione , quàm corripendis pecuniis subjecti affliguntur, & Proceres, quæ libidine delinquant , ambitu propugnant , jústè prohibentur Spectacula Gladiatorum vel Ferarum *l. 13. Ann. c. 31.* sin minus ; spectacula talia per omnes annos celebranda , pecuniâ eorum , qui Quæsturam adipiscerentur , censet P. Dolabella *l. x1. Annal. c. 22.* sed ex voluntate , *l. 13. Annal. c. 5.* Breviter, ubi Spectacula, Orationum, Militum, Vatum victorias & Virtutum præmia decent , ubi Incitamentum ingeniis afferunt , non grave studiis his honestis & voluptatibus concessis aures imperitare, *l. 14. Annal. c. 21.*

§. 15. Res mortem singulorum considerantes sunt Pœnæ & Exequiæ : Illæ in Mortem nonnunquam afficiunt , hæ in Mortem affectum sepeliunt.

§. 16. Sine divisione Pœnarum hõc locõ eas in Genere tantum pro Ratione Statûs Considero. Nonnunquam autem hæ magis bonõ exemplõ infliguntur , quàm concessõ jure, *l. 1. Annal. c. 38.* Cæterum gradus illarum prudenter exponit Seneca *l. 1. d. Irâ c. 5.* dicens : Legum Præsidem civitatisque Rectorem decet , quamdiu potest, verbis & his mollioribus , ingenia curare : transeat deinde ad tristiores orationem ,
quâ

quà moneat adhuc & exprobrēt : novissimè ad pœnas , & has adhuc leves & revocabiles decurrat : ultima supplicia sceleribus ultimis ponat, ut nemo pereat , nisi quem perire etiam pereuntis intersit. Sint igitur pœnæ infligendæ justæ , ut *l. 13. Annal. c. 44.* pœna talis in Octavio Sagitta Homicida : sint ex utilitate publica , monente Nostro *l. xv. Annal. cap. 44.* nè sint intempestivæ : Felix apud Nost. *l. 12. Annal. cap. 54.* intempestivis remediis delicta accendit ; Infligantur autem moderatè , nè lenita , nevé asperata crimina videantur , *lib. 2. Annal. cap. 29.* prout prudens moderatur pœnam Silani Tiberius *l. 3. Ann. c. 68.* qui etiam, ut molliret invidiam , Serenum more majorum puniendum , intercedit , dum Ille quædam contumacius , quàm tutum apud aures superbas & offensionis proniores , addidit *l. 4. Ann. c. 30.* Infligantur secundum proportionem Geometricam ; vix E. pœna Cæciliani justa, cum hic sanctissimis Arruntii artibus dignitate Ultionis æquatur *lib. 6. Annal. c. 7.* Infligantur ad Exempla Majorum , si circumstantiæ aliud nihil suadent magis ; prout decernit Tiberius in Varilia , *l. 2. Annal. c. 50.* & Albucillâ *l. 6. Annal. cap. 47.* sed ubi animus dolosus : insidiæ in Rempublicam consilia cædis adversus Imperatorem puniantur, clamat Terentius *l. 6. Annal.*

Annal. c. 8. qualis etiam in Muliere, in Matre, propter quem & illa punienda, *l. dist. 6.*
Annal. cap. 49. Mitigandæ tamen etiam poenæ; vel ob memoriam Majorum; quomodo Marcellum - majorum memoria & preces Cæsaris poenæ magis, quàm Infamiae exemere, *l. 14.* *Annal. c. 40.* & Plautio Laterano ob patruï egregium meritum mors remittitur *l. xv.* *Annal. c. 38.* vel quia sponte fatetur crimen, cum Paconiano, *lib. 6.*
Annal. c. 3. & M. Terentio, *cap. 9.* vel quia Vir dignationis præcipuæ, ut Silanus, *lib. 3.*
Annal. c. 66. & seqq. vel quia coactus peccet, nisi sint nimis magna delicta: sponte enim tum an coactus peccet, nihil interest, præcipuè si Vir nullius notæ, Histrio, *l. xi.*
Annal. cap. 36. vel quia alicujus meriti, ut Filius Pisonis *l. 3.* *Annal. c. 16.* vel quia in gratia Principis; cujus gratiæ & precibus nihil non concedendum, *d. l. 14.* *Ann. c. 40.* & *l. 13.* *Annal. c. 22.* exemplum in Paride: sed probè videat, nè sanguinem Nocentium in suum derivet caput Princeps, nè Gratiam prodesse velit regiam ingentibus flagitiis. Ut mitigandæ nonnunquam poenæ: ita rarò extendendæ; censente etiam Tiberiò in Pisonis Filiò *l. 3.* *Annal. c. 17.* Durum E. cum in reliquos Sejani liberos advertitur, *lib. 5.*
Annal. c. 8. & cum Puella à Carnifice laqueum juxta compressa, oblisis faucibus in

Gemonias abjicitur. Inhumanum Supplicium. Sed num ob unum cæsum, licet is Dominus, quadringenti cadendi? Ita factitatum legimus, *lib. 14. Annal. c. 42.* Et quanquam lex talis sancta, *l. 13. Ann. c. 52.* vix tamen tam amplè interpretanda, præsertim in pœnalibus. Princeps autem tandem nè spectet supplicia. Nero, licet tyrannus, tamen his subtraxit oculos, & jussit scelera, non spectavit: præcipua sub Domitiano miseriarum pars erat, videre & aspici *cap. 45. in Agric.* Princeps n. irritatus suppliciis, crudelior habetur, exemplo Tiberii *lib. 6. Annal. c. 19.*

§. 17. In Mortem sive honestam, sive violentam affecti sepeliri debent; inde Exequiæ celebrantur, sortis humanæ commercium, *l. 6. Annal. c. 19.* Sed num etiam damnatis? Negari videtur *l. vi. Ann. c. 29.* dum eæ tantum iis, qui de se statuerunt, concessæ: verum, si petitæ & permissæ, non denegandæ humationes secund. Jctum, *l. 1. ff. de cadaver. punit.* si vir fuit præcipuus, ut Gallus Asinius *l. 6. Ann. c. 23.* Hæ autem exequiæ ignominiores paululum & minus solennes; dantur autem etiam solennes Nobilium, ut Junia *l. 3. Ann. c. ult.* cujus funus laudatione pro rostris, cæterisque solennibus per viginti clarissimarum Familiarum Imaginibus antelatis cohonestatum:

statum : ut L. Antonii , cujus supremis habitus honor , ut ossa per decretum Senatûs tumulto octaviorum illata, *l. 4. Ann. c. 44. Juliæ lib. 5. Annal. cap. 1. & 2.* cujus Funus etsi modicum , laudata tamen pro rostris à C. Cæsare Pronepote Pisonis , qui publicô funere ex decreto Senatus celebratus, *l. 6. Annal. c. 11.* Solennia regaliû exequiarum in Augusto videre licet, *l. 1. Ann. cap. 8. & 11.* cui templum & cœlestes Religionès decernuntur ; ut & in Claudio *l. 12. cap. ult.* cui etiam cœlestes honores decernuntur , funus censorium , Consecratio, Laudatio, *l. 13. Annal. c. 3.* in Poppæa , cujus corpus , regum externorum consuetudine, differtum Doribus , postquam ductæ publicæ exequiæ , tumulto Juliorum inferitur , & laudatur à Marito ipso. Benè autem Princeps etiam, ubi commodum est , it exequias mortuis Proceribus . Rex quidem Galliarum tales exequias non it, sed spectat, Tiberiusque publicô abstinet *l. 3. Ann. c. 3.* inferius Majestate ratus , si palàm lamentaretur : Verum inter Gallos mos hic regius : hic aliam habebat causam , dicente Nostro nè omnium oculis vultum ejus scrutantibus falsus intelligeretur ; dolo enim Tiberii peremtus credebatur Germanicus. Tantum etiam quoad Res civiles ?

III. *Ratione Actionum Civilium.*

1. *Actionum civilium Divisio.*
2. *In regno inchoato qualem respectum habere debeat Princeps.*
3. *Respectu Principis varia dantur monita & praecepta: ut & respectu aliorum, Exterorum, Populi, Militum.*
4. *Fundatum Regnum quales per Virtutes, & quomodo regatur.*
5. *Regnum turbatum datur, & quae circa id observanda Regule.*

§. 1. **S**uperfunt actiones, quales vel sunt in regno inchoato, vel fundato, vel turbato.

§. 2. In Regno inchoato respectum habere debet Princeps vel sui ipsius, vel Aliorum.

§. 3. Respectu sui ipsius vitet magna & odiosa nomina, quomodo Nomen Patris Patriae rejicit callidus Tiberius l. 1. *Annal. cap. 7* 2. qui & illos acerbè increpuit, qui divinas occupationes, ipsumque Dominum dixerunt, l. 2. *Annal. c. 87*. Ita Maroboduus, cum Regis Nomen sumsit, invisus factus, d. l. 2. *Annal. c. 44*. Secus Augustus fecit, qui principio regiminis solò Tribuni-
ciò jure contentus l. 1. *Ann. c. 2*. Satis prudenter, ut videre licet l. 3. *Ann. c. 56*. Interim

terim paulatim insurgens munia Senatûs; Magistratum, Legum in se trahat, *d. lib. 1. Ann. c. 2.* ut & potestatem, honores, Nobilitatem, Militiam dandi, cum Tiberio *lib. 4. Annal. c. 6.* præcipuos vel dicit, vel removeat, *lib. 1. Ann. c. 2.* cum Augusto & *lib. 1. Hist. 71.* cum Othone : Clientes suos ornet honoribus vel provinciis, *l. 3. Ann. c. 2.* Quæ vult, nolle se simulet ; veluti Augustus omnia specie recusantis flagrantissimè cupit : Tiberius denegat regnum, quod tamen appetit *l. 1. Annal. c. 11. & 13.* Popularia omnia affectet, & Clementiam exerceat ; prout *cap. seq.* de ratione Statûs in regno inchoato §. x. plura dixi, & plurima legere possumus *l. 1. Annal. c. 1. & seqq.* ubi Augusti actiones accuratè describuntur & à Politico notantur.

§. 4. Respectu aliorum consideratæ Principis actiones sunt vel quoad Senatum & Proceres ; quos Tiberius largitionibus & precibus exolvit sordidis priusquàm aliquid facit, *lib. 1. Annal. c. 15.* & tunc cuncta per Consules incipit, tanquam vetere Republicâ & ambiguus imperandi : omnia tanquam adepto Principatu facit, sed nusquam cunctabundus, nisi cum in Senatu loquitur *l. 1. Annal. c. 7.* Ita Nero etiam hos mores induit *l. 13. Annal. c. 4.* Quoad Exteros Modestia Augusti commendatur *l. 1. Ann. c. 9.*

quoad Populum cura Annonæ, *d. l. 1. Ann. cap. 2.* cui interim tamen, etsi quædam Studiis tribuum facta, Jus ademtum, quale queruntur inani rumore *l. 1. Annal. c. 15.* quoad Milites, hos sibi donis devinciat, *l. 1. Annal. c. 2.* neque alteri concedat hanc potestatem, monente Tiberio, *l. 3. Ann. c. 6.* Ita Nero, licet omnia permittat Patribus *l. 12. Annal. c. 4.* tamen se mandatis exercitibus consulturum profitetur, Ubi hanc potestatem adeptus, Amicos Duces præficiat cum Agrippina, *l. 12. Ann. c. 42.* & si alii inter Milites accepti; removeat. Angitur Tiberius, quod largiendis pecuniis & missione festinata favorem militum quænaverit Germanicus *lib. 1. Annal. c. 52.* ideò eum subdolè suctis legionibus abstrahit, *l. 2. Annal. c. 5. & 26.* & specie honoris amovetur, *d. l. 2. Ann. c. 42.* Ita Agricola à Domitiano, *c. 39. in Agric.* Corbulo à Claudio revocatus, *l. x1. Annal. c. 20.* Usque adeò in quem studia Militum inclinant, retrahendus ille, præprimis, si æmulationis suspectus, qualem per nomen Obsidum amovet Vologeses *l. 13. Annal. c. 9.* Inter eà retractus promissis novis detinendus: Syria quidem P. Antejo destinata, sed, variis mox artibus eluditur, *l. 13. Ann. c. 22.* & tandem Syriæ administrandæ imagine Ælius Lamia exolvitur, *lib. 6. Annal. c. 27.*

cui

cui tamen non permissa Provincia Dignationem addidit, & Blæso negatus honor gloriam intendit, *l. 4. Annal. c. 26.* Si tamen fieri potest, ex ra Ordinem honores promittat, quod Claudius facit, *l. 13. Ann. c. 29.* Satis civilia omnia, quæ habet Noster; circa quæ Judicium meum suspendo, & Tibi saltem ea narro, explico, pensitanda relinquo

§. 4. Fundatum Regnum regitur vel per Virtutes, vel per Species virtutibus similes, *l. 15. Annal. c. 48.* Si enim Imperans, cum Corbulone etiam specie inanium validus, & per hæc moderatur Populo, inanem etiam cum Valente, *l. 2. Hist. c. 30.* apiscitur Favorem. Benignitas animi, Vigor ætatis, Proceritas corporis Studia vulgi alliciunt, & Regimen, si non solidant, pròvehunt tamen obliquò velò. Quod Virtutes concernit; est inter has Temperantia. Luxus E. vestium & Conviviorum exterminandus è Republica, pro quo differit Gallus Asinius *l. 2. Ann. c. 33.* sed Tiberius *l. 3. Ann. c. 52.* illum reprehendit, Tacitus deplorat, cum navibus & caribus vita Populi committitur *l. 12. Annal. c. 43.* Africam & Ægyptum propter commeatus exercendo. Ubi autem luxus exterminandus, pensitator sit Magistratus, an coërceri possit, & an coërcitio plus damni in Rempublicam latura, quam

indecorum ad tractare, quod non obtineretur, vel retentum, ignominiam illustrium Virorum posceret, *d. lib. 3. Annal. cap. 52.* Aliàs Imperantes Pudor, Pauperes, Necessitas, divites satias in melius mutabit. Videtur autem optimus modus luxum coercendi; vel si magnitudo formæ & luxûs, si non exitio, caro tamen precio: vel si novi homines aut jejuni ad honores leguntur Senatûs, qui sic domesticam parsimoniam inferunt: vel si Autor astricti Moris Magistratus: obsequium inde in eum & æmulandi amor validior, quàm poena ex Legibus & Metus: vel si lex sumtuaria cum plenô effectu sancitur: Miserum, ubi Ædiles disserunt, sperni sumtuariam Legem, vetitaque Utenfilium precia augeri indies: nec mediocribus remediis sisti posse, *lib. 3. Annal. c. 52.* nisi fortè rebus cunctis inest quidam velut Orbis, ut quemadmodum temporum vices, ita merum vertantur, notantèr *Tacitus l. 3. Annal. cap. 55.* Mutantur cum Temporibus Formæ. Ad Temperantiam etiam pertinet coercitio libidinum fœminearum: improbo E. morem Romanorum *l. 2. Annal. c. 85.* qui Meretrices admisere, cum satis poenarum in ipsa professione flagitii crediderint: improbo Lupanaria & Diverticula, quæ veste servili Nero *lib. 13. Annal. cap. 25.* pererravit. Si præsertim in multo-

multorum honestorum Virorum prædiis exercentur, ut loquitur *l. 27. §. ff. de heredit. petit.* Post Temperantiam Liberalitatem addo, quæ exercenda à Principe per honesta, præeunte Tiberiô *l. 1. Ann. c. 75.* ubi etiam honesta Innocentium paupertas *l. 2. Annal. cap. 48.* Imò licet divites, licet generosæ Stirpis Homines, ubi Principem adeunt, comitèr excipiendi & liberalitate regali augendi, faciente Tiberio *l. 3. Ann. c. 8.* maximè afflicti, qui refovendi, autore Tiberio *l. 2. Annal. c. 47.* quos si sine ambitione aut proximorum precibus juvat, fama in Populum, *l. 4. Annal. c. 64.* Neque contra Rationem Statûs Pensionem annuam dare, cum habeamus præeuntem Neronem *l. 13. Ann. c. 34.* vel ut honor nobilis Familiæ augeatur, vel ut accipiens obligetur: Per luxum avitas opes dissipanti vix succurrendum, licet Nero faciat *d. c. 34.* Ipse autem Princeps nè sit avarus; quomodo adversus pecuniam Tiberius satis firmus laudatur *l. 3. Annal. c. 14.* Magnifica hujus largitio in publicum, & circa hanc suetæ actiones *l. 2. Annal. c. 48.* habentur, non sine Imitamine glorioso uniuscujusque Imperantis. Parcus tamen sit in honoribus conferendis: pervulgatis triumphi insignibus nullum ex eo decus, dicente Nostro *l. 13. Annal. c. 53.* Et olim cum Romana

civitas Exteris donaretur , rarum fuit , nec nisi Virtuti premium *l. 3. Annal. c. 40.* Si quis tamen honorem promeruit , non denegat : cum etiam denegatus honor splendidior , *l. 3. Annal. c. ult.* Ita Galliæ Narbonensi ob egregiam in Patres Reverentiam certa privilegia data *lib. 12. Annal. cap. 23.* Moris etiam , externos Legatos honoribus afficere ; qui nec hodiè intermittitur , & à Nerone observatus legitur *lib. 13. Annal. cap. 54.* Succedit Clementia , quam nimis amplam contestatur Germanicus Pisoni *l. 2. Annal. c. 55.* secus Bardanes , qui quia ferocior , idè subjectis intolerantior , *lib. 12. Annal. c. 20.* Consistit ea etiam in eo , ut ne Princeps Populi oculis se subtrahat. Licet enim Velleda *l. 4. Hist. cap. 65.* aspectu arceretur , quò venerationis plus inesset ; & Majestas sæpius spectata vilescere credatur multis : vix Ego credo , cum Amor Populi , quem aucupari debet Princeps , ex Visu , ex Radiis oculorum regalium. Ipse Deus habet *παιδείης ὀφειλά.* Justitia suadet Principi , nè ipse lædat Subditos ; indè adversus Neronem seditio , contumelias ultum volens *l. 15. Annal. c. 49.* ut capiat partes nocentes & puniat : Ubi nihil interest dolò bonò per Ministros id fiat , an vi publicâ , si modò hanc Ratio status permittit. Quomodo Agrippa captus , docet *lib. 12. Annal. cap. 39.*

cap. 39. quomodo Rhescuporis, d. l. 2. *Ann.*
 c. 66. Ne munimenta struat in alieno solo,
 nisi hoc jure belli occupatum : ubi tamen
 vix etiam consultum. Templum Claudio
 sacrum inter Trinobantes quasi Arx æternæ
 Dóminationis aspicitur : ideò tumultuan-
 tur l. 14. *Annal.* c. 31. Neque ipse Rex Jus
 muniendi per avaritiam temporum vendat
 cum Claudio l. 5. *Histor.* c. 12. si potest esse
 pervicacissimorum Refugium : Indè ne jus-
 sa exuant. Cives seditiosi , permisso Jure
 muniendi , præsidium immūniat cum Cor-
 bulone, l. x1. *Annal.* c. 19. Sed Justitia ci-
 vilis num attendit Præscriptionem ? Scili-
 cet Nero usurpata concedit proximo cui-
 que Possessori , diutinâ licentiâ & Injuriâ,
 quasi jure & æquo nitenti, lib. 14. *Annal.*
 c. 18. optimè, ob litem terminandam & bea-
 tam possessionis causam. Tandem Veritas
 addenda, quæ visu & morâ, falsa autem fe-
 stinatione & incertis valescunt, l. 2. *Annal.*
 cap. 39. tempore autem & spatio vanescunt,
 d. l. 2. cap. 82. optimum E, Est rumoribus
 relinquere tempus , quò senescant , si inno-
 centes abolendis iis impares , d. l. 2. *Annal.*
 c. 77. Tiberius immotus adversus eos ce-
 lebratur , l. 1. *Ann.* c. 47. & spernendis ru-
 moribus validus, l. 2. *Annal.* c. 10. nisi sint
 sinistri de Principe, qui coercendi, l. 1. *Ann.*
 cap. 74. Dum Populus in theatrô licentius

efflagitat, quàm solitum adversus Imperatorem, castigatur priscâ severitate per compositum SCtum, l. 6. *Ann. c. 13.* Sed quid de Facetiis; num cælicitæ? Certè ludibria quidem seriis permiscere cum Tiberio l. 6. *Annal. c. 2.* quandoque licet, sed cave, sis dicax, & in Principem acerbis facetiis irrideas: harum enim apud præpotentes in longum memoria dicitur, l. 5. *Ann. cap. 2.* quæ etiam, ubi multum ex vero trahunt, acrem sui memoriam relinquunt, lib. 15. *Ann. c. 68.* Sales probantur, sed cum Sale. Pertinet ad Veritatem, facti promissio: inde quæritur, num, quod tumultuantibus promissum, sit servandum? Quod facit Tiberius lib. 1. *Annal. c. 36.* idque Jure meritò. Omne enim promissum, quale quale, cadit in debitum, & quia hic metus majoris periculi, ideò vitandus: Plura de his §. sequent. ubi de Seditionibus. Cæterum quod tali in tumultu receptum, extraordinarium est: ut proinde proximæ seditionis malè consultâ, l. 1. *Annal. c. 36.* quibus sexdecim stipendiorum finem, expresserant, abolita in posterum, optimè. Denique veritatis, cui adulatio officit, per probra saltem gnarus fieri ingratum Principi, quod ex Votieni pœnâ l. 4. *Ann. c. 42.* colligitur, etsi velle simulet l. 6. *Ann. c. 38.* Nec prosunt blanditiæ, pessimum veri affectus Venenum: &
 asca-

assentatio, quæ sine affectu adversus quemcunque Principem peragitur, dicente Galba *l. 1. Histor. c. 15.* In utroque casu Veritas titubat: Ideò melior via ad indagandam vel propagandam eam quærenda. Nec eà ex longinquo certa; cum ea soleat vel in deterius crescere *lib. 2. Annal. cap. 82.* vel in majus *l. 4. Annal. c. 23.* cujus intelligens satis Corbulo *l. 13. Ann. c. 8.* qui ideò bellum urget. Præstat autem in genere sub fide & silentiò Veritatem habere, atque plenò ore dilatare in omnes subditorum animos: Respublica enim Taciti, tacita volvit consilia & Veritatem sub involucris habet, non explicat, nisi celeri motu, & prævisa festinatione.

§. 5. Regnum turbatum habetur per Seditionem, quæ ferè denunciatur per prodigia, imminentium quæ malorum Nuncia *l. 15. Annal. c. 47.* mutationem rerum in deterius portendunt, *l. 12. Ann. c. 64. & 43.* inter quæ etiam habetur Cornetes, *lib. 14. Annal. c. 22.* Causa autem præcipua, Tacito De ù m *l. 4. Annal. c. 1.* nobis, Dei Ira. Secundæ causæ sunt Superbia, Odium Accolarum, domesticæ Discordiæ *l. 12. Ann. cap. 29.* aliæ. Atque exacerbatis Seditiosorum animis, plerumque illi, si desperant salutem, cum Icenis *l. 12. Annal. c. 31.* conscientia Rebellionis multa & clara facinora faciunt:

faciunt : quomodo etiam Britanni armate-
 rent *in Agric. cap. 16.* conscientia defectionis.
 Vel igitur, ubi innotescit Seditio, dis-
 simulanda : veluti Agricola Successor &
 Ultor tumultuantis Legionis *cap. 7.* electus
 rarissimâ moderatione maluit videri inve-
 nisse bonos, quàm fecisse : vel citò huic re-
 sistendum : Nihil enim in discordiis civili-
 bus festinatione tutius, ubi factò magis
 quàm consultò opus est, *lib. 1. Histor. c. 62.*
 ita ut primores tollantur, quomodo An-
 tiochus, postquam Barbarorum copias dis-
 sociasset, Tresoborem paucosque primo-
 res tumultuantes interfecit, ceteros, cle-
 mentiâ composuit, blandimentis adversus
 plebem, fraude in Ducem civiliter usus
l. 12. Annal. cap. 55. vel reliqui clementiâ
 aut per precium demulceantur *l. 1. hist. c. 18.*
 Non autem necessarium, ut ipse Imperator
 semper præsens sit, si potest ea per Legatos
 componi, eorumque fide & virtute tolli :
 non enim decorum Principibus, vel se vel
 Rempublicam sic in discrimen dare, aliud-
 que majus requirit Imperii magnitudo, di-
 cente Tiberiò *l. 3. Annal. c. 47.* & monente
 eodem *l. 1. Annal. c. 47.* Alias ubi civilia
 arma, deforme gladiatorum auxilium et-
 jam severis Ducibus usurpatum, *l. 2. histor.*
cap. 11. & quandoque Comes licet esse re-
 bellium, quò plus auctoritatis insit consi-
 liis,

liis, ubi Seditio mitescit; quod Spurinma facit *l. 2. hist. c. 18*. Solet autem plerumque fieri in Seditione, ut in re turbida, ut omnes præcipiant, nemo exequatur, *l. 3. hist. c. 73*. ideò semper ille laudatus, qui tumultuantium animos compescuit dignò temperamento. Conversis autem ad civile bellum animis externa sine curâ habentur, *lib. 1. hist. c. 79*. & cave, quisquis es Incolarum, publica hæc mala vertas ad occasionem privati odii, *l. 15. Annal. c. 73*. Nefas, & tibi aliquando nociturum hoc tentamentum crede.

C A P U T IX.

De Formâ Status: sive de Ratione.

N O T Æ.

1. *Ratio num Forma Status?*
2. *Disputant de Ratione Status quid sit, multi.*
3. *Ratio quid? & quomodo aliàs Ratio Status vocetur.*
4. *Ratio Status quoad Nomen & Rem in Tacito.*
5. *Dividitur Ratio Status.*
6. *Rationis Status Definitio.*
7. *Examinatur, num Ratio Status sit Prudentia.*
8. *Ratio*

8. *Ratio Status attendit Rempublicam.*
9. *Ratio Status in Temperamento Reipublica consistit.*
10. *Temperamentum hoc debet esse civile : & quid civiliter temperare Rempublicam apud Politicos, & præprimis apud Tacitum.*
11. *Ratio Status quotuplex ratione Rerum-publicarum.*
12. *Causæ Rationis Status vel generales cum Statu ipso, vel speciales, & Quæ?*
13. *Rationem Status facit Locus.*
14. *Populus.*
15. *Tempus.*

§. 1. **Q**uid sit Status, satis superque supra explicavimus : superest adhuc forma Status, nempe quomodo ille formandus. Formam autem dedimus Rationem : hæc enim facit, ut sit Status, & quod est Status, per hanc est.

§. 2. Quid autem sit Ratio Status, disputant variis argumentis Politici. Satis prolixus est in enarrandis Definitionibus Rationis Status Hippolitus à Lapide, *sect. 2.* quò Lectorem remitto ; nos primò Verba ipsa, post rem contemplabimur.

§. 3. Intelleximus abunde Statum in antecedentibus Capitibus, sequens, ut pensitemus Rationem. Cicero *lib. 2. Tuscul. quæst.* Ratio est Domina & Regina omnium, quæ
con-

connexa per se & progressa longius fit Virtus, imperans parti animi, quæ obedire debet, ut Servo Dominus, Imperator Militi, Parens Filio; Lux & Lumen Vitæ, *lib. 4. Acad. question.* Motus celer Cogitationis, acumen, solertia, quam Rationem vocamus, *l. 3. de Natur.* Deorum, quæ cum adolescit, Sapientia est, *lib. 1. de LL.* Ea summa Ratio est & Sapientia bonis civis, com-
moda civium defendere, non divellere, atq; omnes eadem æquitate continere: *Cicer. lib. 2. Officior.* Sic lætiores refert Tiberium *Tacit. lib. 2. c. 64.* quia pacem Sapientia firmaverat. Ita *lib. 2. hist. c. 25.* Paulinus describitur cunctator Naturâ, & cui cauta potius consilia cum Ratione, quàm prospera ex casu placuerunt. Et quanquam Ratio etiam Modum denotet, ut videre licet *lib. 3. Ann. c. 21. & lib. 1. c. 6.* hic tamen pro Prudentia sumi, quis non videt? Quæ enim Ratio & Consilium, Artes sunt Ducis propriæ, inquit Antonius, *lib. 3. Hist. cap. 20.* ea etiam est Statûs seu Reipublicæ qualificatæ. Vocatur Ratio Rerum, *lib. 1. Hist. c. 83.* Virtus, *Senecæ epist. 74.* Modò latius Virtus funditur. Regna, Urbes, Provincias temperat, fert leges, colit Amicitias, inter propinquos liberosque disponit Officia. Dicitur Sapientia Tacito *lib. 1. Annal. c. 28.* Ubi rebelles Milites, languesciente Lunâ perculsi:
câ

eâ inclinatione utendum Cæsari ratus, & quæ Casus obtuleret, in Sapientiam vertenda: quæ Sapientia prævisa, Germanicus describit, *lib. 2. Annal. c. 14.* Motum Orientem non nisi Germanici Sapientiâ componi posse, subdolè docet Tiberius *d. l. 2. Ann. c. 43. & c. 64.* Sic dicitur, quod Sapientibus quietis & Reipublicæ cura, *lib. 1. hist. c. 88.* Ita Prudentes in Concreto Sapientes & callidi temporum vocantur, *lib. 4. Annal. c. 33.* Quæ Vitellius beneficia dabat immodica, ea Sapientes cassa habeant. *l. 3. hist. c. 55.*

§. 4. Diximus supra *cap. 1. §. 5.* Rationem Status jam tum Aristoteli notam fuisse: ipsa verba Latina in Tacito fundata, & ex hoc Rationem Status erutam credo & comprobo. Ita *lib. 1. Histor. c. 4.* notanter: Cæterum antequam destinata componam, repetendum videtur, qualis Status Urbis, quæ Mens Exercituum, quis habitus Provinciarum, quid in toto terrarum orbe validum, quid ægrum fuerit, ut non modò Casus Eventusque Rerum, qui plerumque fortuiti sunt, sed Ratio etiam, causæque noscantur. Eidem etiam dicitur in Statu militari Ratio belli, *lib. 3. Hist. c. 51.*

§. 5. Videtur autem Rationem Status aliam esse corruptam, aliam rectam. Ita est eorum, qui non observatâ Justitiâ, cæterisque Virtutibus Politicis omnia pro Domina-

minatione & augenda per fas & nefas potentiâ, moliuntur ; de quâ dixi *cap. 5. § 6.* Vera autem Ratio Status est , quæ illesa Pietate & Justitiâ , secundum Prudentiam civilem, Rempublicam moderatur, qualem Saniores Politici observant.

§. 6. Talem igitur ex Taciti §. 4. adductis verbis facio Definitionem Rationis Statûs : Ratio Status est Prudentia Rempublicam civiliter temperandi.

§. 7. Placet Definitionem examinare. Dicimus Rationem Status esse Prudentiam. Ratio est Arbitra bonorum & malorum, ut Seneca scribit , *epist. 66. med.* Prudentia etiam est Cognitio eorum, quæ Homini, quæ Reipublicæ obvenire possunt bona & mala, ut patet ex Ethicis. Errant proinde, qui vel per Jûs Dominationis, vel per extraordinarium Remedium, vel per certum quendam politicum Respectum ad Rempublicam Rationem Statûs definiunt. Jura Dominationis contra Jus commune asserunt multi ; at Ratio Status non contra Jus commune, sed tantum in Ejus temperamento. Qui extraordinarium credunt Remedium, illi omnem Rempublicam extraordinariô modo regendam statuunt ; absurdum. In ordinario etiam Modo Rempublicam regendi fundata Ratio Statûs : sequeretur enim alias, sine Prudentia & Ratione posse regi ordi-

ordinariô modô Rempublicam. Iterum absurdum. Qui certum Respectum ad Rempublicam dicunt, certæ Rei Rationem Status tantum attribuunt, quæ universæ Rei publicæ attribuenda. Nec respicit Ratio Status, sed temperat Rempublicam. Prudentia format Respectum illum ad Rempublicam, an bonus vel malus, E. non est ipsa Ratio Status, quæ hunc Respectum dirigit: E. nec ejus Genus, quale sub se hoc modo Rationem Status comprehendere nequit.

§. 8. Ratio hæc Status attendit Rempublicam principaliter; & non casus quosdam singulares tantum incidentes, ob quos novum inchoandum Regimen, vel Imperii nova Dispositio deliberanda. Tumultuantibus Exercitibus credit Tiberius periculosam Severitatem, flagitiosam Largitionem, & seu nihil Militi, seu omnia concederentur, in ancipiti Rempublicam esse, l. 1. *Annal. c. 36.* Ita lib. 4. *Annal. c. 30.* queritur Idem, in præcipiti Rempublicam esse, si præmia Accusatoribus denegentur, quomodo & irritas Leges, credit Idem. Vide Rempublicam, quam pro Ratione Status tam curiosè pensitat Tiberius. Circa casus etiam pro tempore emergentes versari, non negandum, de quibus dicturi §. xiv. Fit verò hoc per accidens, cum per se Respublica semper consideranda.

§. 9. Con-

§. 9. Consistit autem Ratio Statûs in Temperamentô Reipublicæ. Qui prudens est, & temperans est, *Senec. ep. 85.* E. Prudentia Temperantia. Moderationem & Sapientiam Man. Lepidi celebrat *Tacit. lib. 6. Annal. c. 27.* ut & Cerialis, cum salubri temperamento Domitianum, ut vana, (Imperium) pueriliter cupientem eludit, *lib. 4. histor. c. ult.* Cum autem Aratori aliquod onus imponitur, non omnes, si quæ præterea Facultates, sed Arationis ipsius Vis & Ratio considerata est, quid ea sustinere, quid pati, quid efficere, possit ac debeat, *Cicer. lib. 3. in Verr.* Ita Ratio Statûs in Republica pro Temperamento. Non in Pertinacia, sed in quadam Moderatione posita est Ratio Status, *Cicer. orat. pro Cn. Planc.* Nunquam præstantibus in Republica gubernanda Viris, inquit Idem *lib. 1. Epist. 9.* laudata est in una Sententia perpetua Mansio : sed ut in navigando Tempestati obsequi Artis est, etiamsi portum tenere nequeas : cum verò id possis mutatâ velificatione assequi, stultum est, cum tenere cum periculô cursum, quem cæperim, potius quàm eò commutatô, quò velis tandem pervenire : sic cum omnibus nobis in administranda Republica propositum esse debet. Et *orat. pro Cn. Planc.* Neque inconstantis puto, sententiam tanquam aliquod navigium ex Reipublicæ

publicæ Tempestate moderari. Ego verè hæc didici, hæc vidi, hæc scripta legi, hæc de sapientissimis & clarissimis Viris, & in hac Republica, & in aliis civitatibus monumenta nobis literæ prodiderunt, non semper easdem sententias ab iisdem, sed quasunque Reipublicæ Status, Inclinatio Temporum Ratio Concordiæ postularet, esse defendendas; *Id. ibid.* Habis hic clarissimè & Temperamentum & Moderamen Reipublicæ. Indè celebratur Tiberius apud *Nostr. lib. 3. Ann. 69.* quod fuerit prudens moderandi: & cui nota Vulgi Natura, & quibus modis temperanter habenda, callidus temporum & Sapiens creditur, *l. 4. Ann. c. 33.* L. Piso Pontifex nullius servilis sententiæ Autor, & quoties Necessitas ingrueret, sapienter moderans, commendatur eidem *l. 6. Annal. c. 10. ut & d. lvi. Annal. c. 10.* Pater Pisonis, cui præcipua ex eo gloria, quod Præfectus Urbi recens continuam Potestatem & insolentiâ parendi graviolem mirè temperavit. Quando Idem *l. 2. Histor. cap. 5.* Vespasiani & Muciani mores describit, egregium dicit Principatus Temperamentum, si demtis utriusque vitii, solæ Virtutes miscerentur. Manius Lepidus *l. 3. Annal. c. 50.* censet, quod Suppliciis & Remediis Principis Moderatio temperet: quomodo Helvidius Priscus Moderatione plura,

ra, quàm Vi perfecit, *lib. 12. Annal. c. 49.*
 secus atque Felix *d. l. 12. c. 54.* qui non pari
 moderatione egit; cuncta malefacta sibi im-
 pune ratus, quia magna potentia subnixus.
 Erravit errorem Politicum. Tiberius sa-
 pientior, qui in oratione sua, quâ Judicium
 adversus Pisonem instituit, usus dicitur Ta-
 cito meditatio. Temperamento *l. 2. Annal.*
c. 12. quod Caractacus *l. 12. Annal. c. 37.*
 deplorat dicens: Si quanta Nobilitas & For-
 tuna mihi fuit, tanta rerum prosperarum
 Moderatio fuisset, Amicus potius in hanc
 Urbem, quàm captus venissem. Valens, ortâ
 & compositâ seditione Militum, utili Mo-
 deratione, non supplicium cujusque popo-
 scit: ac ne dissimulans suspectior foret, pau-
 cos incusavit, gnarus, civilibus bellis plus
 Militibus, quàm Ducibus licere, *l. 2. Histor.*
c. 29. Ubi Vestius Bolanus Britanniae præ-
 fuit placidius, quàm feroci Provincia di-
 gnus est, temperavit Agricola Vim suam,
 ardoremque compescuit, nè increceret, pe-
 ritus obsequi eruditusque utilia honestis
 miscere; *Tacit. in Agric. c. 8.* Ex his satis
 apparet, Statum in Temperamento consi-
 stere, quod semper mediâ viâ incedit, ita ut
 nec lædere, nec parcere videatur. Quo ob-
 servato effectus ex antea dictis perspicuus,
 & benè Imperator de *LL. Nov. 7. c. 2.* Lex
 ad humanæ Naturæ varietatem, & , quod
 semper

semper venit , moderata per omnia permanet.

§. 10. Ratio Statûs autem temperat Rempublicam , sed civiliter , vel secundum Artes civiles. Sed quæ sunt Artes illæ civiles ? Scilicet, quæ aptæ temperandis animis, ob quas Drusus laudatur , l. 3. *Annal. c. 31*. Et civilis ille , qui utrunque se Respublica dat, vel Fortuna permittit , se aut explicat, aut contrahit ; ut judicat Seneca de *Tranquill. anim. c. 3*. Tacitus *lib. 1. Annal. c. 33*. de Germanico dicit , quod ipsi fuerit civile Ingenium , (quale Regnantibus in aliis sui similibus minimè placere credit Idem *lib. 2. Annal. c. 82*. atque optimè) mira Comitatus. & diversa à Tiberii Sermone , vultu , adrogantibus & obscuris. De Tito l. 2. *Hist. c. 5*. dicit , quod Natura atque Arte compositus alliciendis etiam Muciani Moribus , quod Tribunos Centurionesque & Vulgus Militum Industriâ , Licentiâ , per Virtutes , per Voluptates, ut cuique Ingenium, adsciverit. Itali civilitas l. x 1. *Annal. c. 16*. describitur, quod Germanorum Rex , nullis discordiis imbutus, pari in omnes studio egit , modò Comitatem & Temperantiam nulli invisam, sæpius Violentiam ac Libidines , grata Barbaris usurpans. Ita Augustus l. 1. *Ann. cap. 54*. civile rebatur misceri voluptatibus Vulgi : & meritò Populum mollitèr habuit,

buit, cum Princeps novum Regimen firmaret. Nec Successor Tiberius audebat illum ad duriora vertere *d. l. 1. Annal. c. 54.* Favorem vulgi Reipublicæque Piso per Civilitatem acquirit, *l. xv. Ann. c. 48.* Ita enim Tacitus. Clarô apud vulgum rumore fuit per Virtutem, aut species Virtutibus similes. Namq; facundiam tuendis Civibus exercebat, largitionem adversus Amicos, & ignotis quoque comi sermone & congressu: aderant fortuita, corpus procerum, decora facies; quæ certe si non faciunt, tamen commendant Civilitatem: Illeque ipse lenitati & Magnificentia, & aliquando luxui indulgebat. Optima decrant; Gravitas Morum & Voluptatum Parsimonia: Othonis Civilitas, ubi spem Successionis in Imperio cogitat, & Studia Militum ac hæc obtinendum affectat, describitur *l. 1. Histor. c. 23.* Scilicet Otho in Itinere, in agmine, in Stationibus, vetustissimum quemque Militum, nomine vocans, ac memoriâ Neroniani Comitatus, Contubernales appellando, alios agnoscere, quosdam requirere, & pecunia aut Gratiâ juvare, inferendo sæpius quærelas, & ambiguos de Galbâ sermones, quæque alia turbamenta Vulgi. Satis civilis hōc in casu Otho. Titi rursus Civilitas habetur *l. 5. Histor. c. 1.* ubi jam majore vi famâque egit atque *lib. 2. Histor. c. 5.* clarus militia

I

priva-

privatis utriusq; rebus , certantibus provin-
 ciarum & Exercituum Studiis : Atque ipse
 ut supra Fortunam crederetur, inquit Tac-
 tus , decorum se promptumque in armis
 ostendebat : comitate & alloquiis officia
 provocans : ac plerumque in opere , in ag-
 mine , Gregario Militi mistus , incorrupto
 Ducis Honore. Agricolaë civilitas habetur
 apud *Nōstr. c. 6. 8. & 9.* in quibus digna re-
 periuntur notatu. Germanicus cum in Æ-
 gyptum venit, multa in Vulgus grata usur-
 pat , sine Milite incedere , pedibus intectis,
 & pari cum Græcis Amictu , *lib. 2. Annal.*
cap. 59. Vitellius quidem hanc civilitatem
 etiam exercere discupit ; sed dispari Succes-
 su ? Etenim , *l. 2. Histor. cap. 91.* Comitia
 Consulium cum Candidatis civiliter cele-
 brat , omnem infimæ Plebis rumorem , in
 Theatro, ut spectator, in Circo , ut Fautor,
 affectavit ; quæ grata sanè & popularia , si à
 Virtutibus proficiscerentur. Memoriâ vi-
 tæ prioris , indecora & vilia accipiebantur.
 Caveat E. quisquis est Magnatum, hanc Ma-
 culam habeat. Solum Fundamentum Ci-
 vilitatis Politicæ Virtus. Corbulo omnium
 ora in se vertit , corpore ingens , verbis ma-
 gnificus, & super Experientiam Sapiëntiam,
 etiam specie inanium validus , *l. 13. Annal.*
cap. 8. Ptolomæus Ægyptios insigni mo-
 deratione in favorem sui sollicitavit, & Re-

ges finitimos beneficiis obsequiisque devinxit, apud *Iustin. l. 13. Hist. c. 6.* Eumenis artes civiles inter Agyraspidas Alexandri M. describit *Idem. lib. 14. Hist. cap. 1.* quas legere potest Amator Civilitatis. Satis superque Fundamentum Civilitatis demonstratum, & quomodo ea exercita ab Imperatoribus, vel in Regnò inchoato, vel in Regnò confirmato, vel etiam in regnò affectatò & turbato. Benè autem Civilitas hæc observanda; cum aliquis de se loquitur: Vespasianus, principiò Regiminis civilia de se loquitur, de Republica egregia, *l. 4. hist. c. 5.* Germanicus Legatis Artabani. Parthici Regis, de Societate Romanorum Parthorumque magnificè, de Adventu Regis & cultu Sui, cum decore ac modestia respondit, *l. 2. Annal. cap. 58.* Aliquandò Civilitas Matri Regis in defendenda hujus Amica indulgere permittit, quod facit Tiberius *l. 2. Annal. c. 34.* Sic nonnunquam civile est, simulare, præprimis iram. Ita Tiberius per Pisonem, nobilem & ferocem Virum accensus, quando ille spretâ Augustæ potentiâ trahit in Jus Urgulanium, domoque Principis exire ausus est, in præsens civiliter habuit, sed in animo revolvente iras, etiamsi Impetus offensionis langueret, memoria valebat, *l. 4. Ann. c. 21.* Junia dum fermè cunctos Proceres cum Honore in Testamento nominat,

Cæsarem omittit, quod civiliter acceptum, *lib. 3. Ann. c. 76.* Imò sæpè civile, præpri-
 mis Principi, primò locò sententiam non
 dicere, nè cæteris assentiendi Necessitas fiat,
 quod ratione Drusi, Conf. designati in casu
 lepidæ observat Tiberius *l. 3. Annal. c. 22.*
 Civile est, cum ii, qui in Tempestate Popu-
 li & fluctibus jactantur, Modicè ferunt Po-
 puli Voluntates, alliciunt alienas, retinent
 partas, placant turbatas: *Cic. orat. pro Cn. Planc.* Civile est, quando Rhescupori, ob
 cædem Cotyis & turbatam Rempublicam,
 in Urbem trahendo molliter rescribat Tibe-
 rius, ut decipiat, *l. 2. Annal. c. 66.* quando
 Casperium, ut Hiberi obsidio Cornearum
 discedant, expostulantem Pharasmanem de-
 tinet, propalam incerta, & sæpius molliora
 respondet, usque dum Castellum deditum,
l. 12. c. 46. quando Sabinus *l. 4. Ann. c. 47.*
 donec Exercitus in unum conducatur, dat
 mitia responsa, *lib. 4. Annal. c. 47.* quando
 Montanum, Ingeniò præferocem, (modò
 non antea accensum) molliora referre ju-
 bet Civilis, *lib. 4. Hist. c. 32.* Minimè autem
 civile, tacere, ubi dispositu & provisum opus,
 quemadmodum de Muciano loquitur *l. 2. hist. c. 5.* Cum E. seditione, gravitate annonæ,
 surgente Cæsar siluerit, silentium ipsius non
 civile, ut crediderat, sed in superbiam acci-
 piebatur, *lib. 6. Annal. c. 13.* Civiliter fecit
 Minu-

Minutius , cum Sejani Amicitiam modeste habuerit, licet ipsi hoc non profuerit, indignante Nostro *l. 6. Annal. c. 7.* Civilis Otho *lib. 1. Hist. c. 13.* quando Comiter administrasse Provinciam dicitur : Civilis Senatus, cum pleraque Sapienter respondit *l. 3. Annal. cap. 16.* interrogante crebrius Tiberio, qualem Piso diem supremum Noctemque exegerit. Civilis L. Piso , qui , quoties Necessitas ingrueret , omnia sapienter moderatus , *l. 6. Annal. c. 10.* Hæc Civilitas autem in Ratione Status , alia est in Regno fundando: ubi novum Imperium inchoantibus utilis Clementia Fama, *l. 3. Hist. c. 63.* quam neglectam in Tiberio vituperat Tacitus, *l. 4. Annal. c. 7.* ideoque ille à se eandem Postumi Agrippæ ad Salustium Ciri-
pum devolvere voluit , *lib. 1. Annal. cap. 6.* Sic castigat Mithridatem Noster. *l. xi. Ann. c. 9.* quod atrocior fuerit, quàm novo Regno conducirer. Sic Vitellium , cæsô Dolabellâ, *lib. 2. Hist. c. 64.* Fecit enim hoc magnâ cum Invidia novi principatûs. Augustus pauca admodum Vi tractavit , quò cæteris Quies esset, *lib. 1. Annal. c. 9.* Quibus artibus satis civilibus Vespasianus usus, docet *Idem. l. 2. Hist. c. 82.* quibus Agricola, *c. 21. in Agric.* quibus Sejanus, *lib. 4. Annal. c. 1. & seq.* quibus Artabanus *lib. 6. Ann. c. 44.* quibus Corbulo in fundatione

Imperii militaris, *l. 13. Annal. c. 35.* quibus Piso *l. 2. Annal. c. 55.* quibus Germanicus in Exercitus post cladem acceptam, Recreatione *l. 1. Annal. c. 71.* Certè, si ullibi accuratus, ingeniosus noster Politicus, in Vespasianô, præprimisque in Agricola habetur, quò te remitto. Altera Civilitas Rationis Statûs in Regno fundato. Augustus Potentiæ securus, *lib. 3. Annal. cap. 28.* quæ Triumviratu jusserat, abolet, & jura dat, quis pace & Principe utatur : acriora ex eo Vincula, & inditi Custodes: Imò etiam pacem cum illo sustentare, *lib. 1. Annal. c. 4.* nè composita turbentur, cum Tiberio *l. 2. Annal. c. 65.* anxium esse, cum Mucianô *l. 2. hist. 5.* providere & disponere, maximè necessarium est. Ultima denique Civilitas est etiam in Regno turbato : atque ita alia est in Bello, quod non incipiendum, nisi prioribus firmatis, *l. 12. Annal. c. 32.* Quò minus direpta Colonia Agrippinensis, obstabat Ratio Belli *l. 4. hist. c. 63.* Eadem belli Ratio obstabat, *lib. 3. Hist. c. 51.* quò minus cædem Fratris, à Fratricida idcò præmium poscente factam ulciscerentur: quò nec honorarent Duces, Jus Hominum. Ita *lib. 1. Hist. c. 28.* Nocuit Galbæ antiquus Rigor & nimia severitas, cui impares fuerunt Romani, tumultuantibus Militibus, cum potuerit animos conciliare quantulacunque libe-

liberalitate. Hic non usus Civilitate. Alia est in Pace Civilitas, ubi regnum turbatum. Pax & Quies bonis Artibus indigent, *lib. 4. Histor. c. 1.* quæ causas & Merita spectat, *l. 1. Annal. c. 48.* ut spectare debet: cum turbata Republica quædam ex Necessitate permittenda, quæ aliàs Pace solidè stabilità non permetterentur. Vide supra *cap. 6. §. 5.* Et hæc ad Definitionis Explicationem.

§. 11. Ratio Status autem est vel Monarchica; vel Aristocratica; vel Politica. Neque enim semper eadem est numerò, licet quandoque specie convenire possit, quatenus ea inest generaliter Reipublicæ omni. Quod ad Monarchicam Statûs Rationem, eam conditionem esse imperandi, inquit sapiens Crispus, *l. 1. Annal. c. 6.* ut non aliter Ratio constet, quàm si Uni reddatur: cæteras idem habet *l. 6. Annal. c. 42.* ubi Populi Imperium juxta libertatem; paucorum Dominationem, Regiæ libidini propiorem esse credit & concedit. *Vid. Cap. 3. de Division.* Statûs; quæ enim de Statu, eà etiam de Ratione Statûs sub modò dici possunt.

§. 12. Quia, confirmante Senecâ, *ep. 66.* Ratio Naturam sequitur: Naturæ enim Imitatio est Ratio; facile concludere licet, Rationem Statûs non superiorem esse Jure naturali; si nec Jure Naturali, multò minus divinò Jure. Pietatem & Justitiam ex

Regnô amovere , est ex Regno facere Latronum & Prædonum Habitaculum, prout notum est etiam iis , prima qui civilis prudentiæ Præcepta intelligunt. Benè Imperator. §. 11. *Inst. de Iur. Natur. Gent. & Civil.* Naturalia Jura , quæ apud omnes Genes peræquè observantur , divinâ quâdam Providentiâ constituta, semper firma atque immutabilia permanent. Si E. Ratio Statûs hæc pervertit , pervertit ipsam Rationem naturalem pervertit ipsam Rempublicam. Neque superior est Jure Gentium. Cave enim Legatos violes, quos sanctos hoc Jus facit. Ad Milites Germanicus *lib. 1. Annal.* c. 42. acerrimè : Hostium Jus , & sacra Legationis! , & Fas Gentium rupistis : Rarum etiam inter Hostes, Legatos violare, *d. lib. 1. Annal. cap. 39.* judicat Tacitus. Sed num potior Jure communi? Ita quidem videtur. Cum Senatus Romanus inter Filios Tiberii & Leges disceptat , victa sine dubio lex , ut Tacito *lib. 2. Annal. c. 51.* dicitur. Tiberius etiam pro Ratione Statûs Monarchicâ , ceu callidus & novi Juris Repertor pervertit vetus SCtum, quô Quæstio in Caput Domini prohibebatur, *lib. 2. Ann. c. 30.* Eundem ad modum progressus in Accusatione Silani, *lib. 3. Annal. c. 67.* Augustus horridam Antiquitatem flectit ad præsentem Usûm, *lib. 4. Annal. c. 16.* L. Valerius, Tribu-

Tribunus Plebis apud Livium *lib. 34. histor.* decidit hanc Quæstionem , qui Legem perpetuæ Utilitatis causâ latam minimè abrogandam censet , nisi quam aut Usus coarctavit , aut Status Reipublicæ inutilem facit. Vix igitur vincet Ratio Statûs , Jus universale , sed potius temperabit , ubi contrarii Casus occurrunt , qui Jus hoc commune offendunt. Non ipsum Jus, sed ipsius Qualitas, non in Universali , sed Particulari flectetur , quomodo adhuc salvum integrumque perstabit Jus commune , & majus Statûs Ratione habebitur. Imò contra Rationem Statûs , tale Jus velle mutare. Mutatum in totum respuit, non temperatum.

§. 13. Tacitus *lib. 1. Histor. c. 4.* & Rationem Statûs Romani, & post Causas etiam noscendas apponit. Quod causas impellentes concernit , eas dedimus Cap. vi. Quæ enim Statui, eas etiam Rationi Statûs communes arbitror : Speciales si dandæ , puto Rationem Statûs formare vel Locum , vel Populum, vel Tempus. Sapiens enim inter se omnia comparet , majus ejus opus aut minus fit, quamvis idem sit, Tempore, Locô, Causâ, inquit *Senec. epist. 81.* Et idem ille Sapiens omnia examinat secum: Quantum, à Quô, Quomodo, Quando, Ubi, Quemadmodum, *Epist. 81.*

§. 14. Locus , in quo Regimen , probè
I 5 servan-

servandus apud Animum. Quantum Locus faciat in Natura Populi, *Cicero lib. 2. de Divinat.* prolixè ostendit, & severior Loci disciplina firmat ingenium, aptumque, magnis conatibus reddit, inquit Seneca, *ep. 51.* Ipse Ego de Ratione Statûs ita : Ratio Status in Loco firmat Imperium, aptumque reddit magnis Conatibus. Aliam Rationem Status Romæ, aliam in Hispania, aliam in Gallia, Britannia, Africa, Rhætia, Thracia describit *Tacit. d. l. 1. Hist. c. 4. & seqq.* Neque Locorum omnium eadem Ratio. Si Ægyptum consideramus, clarissimè patet, Locum Rationem Statûs facere. *Tacit. l. 2. Annal. cap. 59.* de Augusto ita : Augustus inter alia Dominationis arcana, vetitis, nisi permissu, ingredi Senatoribus, aut Equitibus Romanis illustribus, seposuit Ægyptum, nè fame urgeret Italiam, quisquis eam Provinciam, claustraque Terræ & Maris, quamvis lævi præsidio, adversus ingentes Exercitûs insedisset. Et curatiùs *lib. 1. Hist. cap. x1.* Ægyptum copiasque, quibus coërceretur, jam inde à Divo Augusto, Equites Romani obtinent loco Regum. Ita visum expedire, provinciam aditu difficilem, annonæ fecundam; superstitione ac lascivia discordem & mobilem, insciam Legum, ignaram Magistratum domi retinere. Adde *l. 12. Annal. cap. 60.* & plenius concludes Rationem

Status

Status ob Locum formatam. *Cicero orat. de L. Agrar. contra Rull.* dicit; Campaniam afferre superbiam. Inde, inquit, illam Arrogantiam & Intolerandam ferociam Ratione & Consilio Majores nostri ad inertissimum & desidiosissimum ocium perduxerunt, Ratio Status ob Locum. Eandem Rationem Status Cræsus Lydiæ imperat, apud *Iustin. lib. 1. histor. cap. 7.* Ex Loco. Apud Samios decretô Amphistyonum præcipuum fuit rerum omnium Judicium, quâ tempestate Græci, conditis per Asiam Urbibus orâ maris potiebantur, *l. 4. Ann. c. 14.* Ex Locô Ratio Statûs desumta. Quia non omnia fert omnis Tellus, & India mittit Ebur, molles sua thura Sabæi; Commercia in hoc vel illo Regno pro Ratione Statûs formanda. Sic negociati Romani cum Suevis, licet hostibus, *lib. 2. Annal. cap. 62.* In *Agricol. cap. 24.* dicit idem, quod Hibernia mediô inter Britanniam atque Hispaniam sita, & Gallico mari opportuna, valentissimam Imperii partem magnis invicem Usibus miscuerit, cujus etiam aditus, portusque per Commercia & Negociatores cogniti. Vide, quomodo Ratio Statûs servata ex Loco in Commerciis. Imò Locus suadet castella, quæ vastatis usque ad Taum Nationibus, Agricola posuit, annotantibus peritis, non alium Ducem opportunitates Locorum

corum sapientiùs legiſſe, in *Agricol.* c. 22. Suadet Bellum etiam, ubi gerendum. Ex loco format Rationem Statùs bellici contra Romanos pro Antiocho Annibal polito conſilio, apud *Iuſtin.* lib. 31. c. 5. Tomyris Scythiarum Regina contra Cyrum, apud *Eurd.* lib. 1. *Hiſt.* c. 6. Suadet Locus alia, quæ in Loco accuratiſſimè penſitat Ratio Statùs. Quædam quæ licent, Tempore & Locô mutató non licent, Seneca dicit l. 4. *Controv.* 25.

§. 15. Secundam cauſam Rationis Statùs dedi Populum. Ut enim Locus ab alio : ita Populus ab altero diverſus: hujus moribus variantibus variatur etiam Regimen & Ratio Statùs ob Populum efformatur. Bellè hîc, ut in omnibus Noſter lib. 4. *Ann.* c. 33. Noſcenda vulgi Natura, & quibus malis temperanter habeatur : Senatusque & Optimatum Ingenia perdiſcenda : talis faciens callidus temporum & ſapiens creditur. E. in Abſtracto etiam Sapientia & Ratio Statùs, ubi vulgi vel Populi Mores obſervantur. Hoc etiam Ariſtoteles lib. 7. *polit.* c. 7. requirit, dum Indolem civium ſcrutari præcipit. Ipſe curioſus eſt in indagandis Populorum moribus & dicit ; Europæi & frigida loca incolentes ſunt animoſi, arte tamen & intelligentia minus ſolertes, Libertatis cuſtodes : Aſiani intelligentes ſunt, ſed non animoſi :

mosi : Græcorum Genus utraque Naturâ
præditum : Syri & Asiatici Genera Homi-
num servituti nata, *Liv. l. 36.* Regem non sic

————— *Ægyptus & ingens*

*Lydia, nec Populi Parthorum, aut Medus
Hydaspes*

Observant —————

ut canit Maro. Serviunt Syria, Asia, & sue-
tus Regibus Oriens, inquit Civilis ad Gallos
lib. 4. Hist. c. 7. Macedones assueti Regio
Imperio, sed in majore libertatis Umbra,
quàm cæteræ Gentes, *Curt. lib. 6.* Cappodes
munus Libertatis abnuunt, negantes, vive-
re Gentem sine Rege posse, *Iustin. l. 38. c. 2.*
Parthorum Ingeuia sunt tumida, seditiosa,
fraudulenta, procacia. Ipsi in externos aut
domesticos Motus inquieti, Natura taciti ad
faciendum, quàm ad dicendum promptio-
res. Fides dictis promissisque nulla, nisi
quatenus expedit. Idem *lib. 41. c. 3.* Barba-
ris, quantò quis audaciâ promptus, tantò
magis fidus, rebusque motis potior habe-
tur: inde etiam Arminius, quando bellum
suadebat, validior, *lib. 1. Ann. c. 57.* Benè
E. monet Abbarus Meherdatem, ob Natu-
ram Populi, urgeret cæpta; Barbarorum
impetus acres cunctatione lanquescere, aut
in perfidiam mutari *lib. 12. Annal. cap. 12.*
quò non observata periit Meherdates. Ara-
bes dicuntur leves *d. l. 12. c. 14.* Thraces *l. 4.*

Annal.

Annal. c. 46. Tacito describuntur, iique multis. Cum Montium editis inculti & ferocius agentes. Super Hominum Ingenium ferox pati delectûs, & validissimum quemque Militiæ Romanæ dare aspernantur: nè Regibus quidem parere, nisi ex Libidine soliti, aut, si Romani mittunt auxilia, suos Ductores præficere, nec nisi adversum Accolas belligerare. Hiberi Albanique saltuosos locos incolentes, duritiæ patientiæque magis insuescunt, *l. 4. Annal. c. 34.* Batavi ipsò adhuc terræ suæ solò & cœlo acrius animantur, de Germanorum Moribus *Noster. c. 29.* Armenii, ut ambiguâ fide, situ terrarum, similitudine Morum, Parthis propiores, concubiisque permisti, ac libertate ignotâ illuc magis ad servitium inclinantes, *lib. 13. Annal. c. 34.* Gens mutatu facilis, ut segnis ad pericula, itâ infida ad occasiones, *lib. 14. Ann. c. 23.* Silurum Gens non atrocitate, non Clementiâ mutatur, quin bellum exerceat, *l. 12. Ann. c. 32.* Jazyges obsidionis impatientes, & proximos per Campos vagi, *d. lib. 12. c. 30.* De Romanis Galba ad Pisonem *l. 1. Hist. c. 16.* Imperaturus es Hominibus, qui nec totam Servitutem pati possunt, nec totam Libertatem: de Sarmatis *l. 1. Hist. c. 79.* judicat Noster, post Mores, quod omnis Sarmatarum virtus, velut extra ipsos. De Britannis refert

Agric.

Agric. c. 3. quod Britanniae placidius, quàm feroci provinciâ dignum, Verctius Bolanus præfuerit. *Artabanus lib. 6. Annal. cap. 36.* ob Parthorum Naturam format Rationem Statûs. In longinqua & contermina Scythiae fugam maturat, spe auxilii : atque interim posse Parthos, absentium æquos, præsentibus mobiles, ad pœnitentiam mutari. Ita Rex Arabum Abbarus *l. 12. Annal. c. 12.* Ita pro Ratione Populi informat Meherdatem Claudius *d. lib. 12. cap. xi.* Neque enim Princeps benè regnabit, ubi Sûbditorum Ingenia explorata non habebit, quibus forte an secundum Virtutes aliorum vult imperare. Peccat Vonones *lib. 2. Annal. c. 1.* Romanas Virtutes inter Parthos exercens : etenim ut ignotæ hæ Parthis virtutes fuere nova vitia, & quia ipsorum Moribus aliena, perinde odium pravis & honestis. Ex his E. satis benè concludere potes, Causam ad Rationem Statûs validam esse Naturam & Mores Populorum.

§. 14. Tertiam denique causam Impellentem ad Rationem Statûs addo Tempus. Tempus quidem non agit, sed omnia fiunt in Tempore, & qui non observat Tempus, ἀπαιλεῖται agit. Maxima Rerum momenta puncto Temporis vertuntur, sec. Livium. Habeatur Temporis Ratio, clamat *Senec. epist. 81.* In tempore venire, omnium Rerum

rum est primum, inquit Comicus, Si ullibi, magna vis Temporis in Republica est, ut Cicero dicit *lib. 2. Epist. 7.* Serviendum est Tempori, admonet idem Orator *l. 9. epist. 7.* quod omnes Politici etiam præcipiunt, *sec. Eund. lib. 13. Epist. 50.* Et necesse est in conversione & Perturbatione omnium Rerum, temporibus potius parere quàm moribus. *Id. Orat. Philipp. xi.* ut etiam ex sententiæ, quas Reipublicæ Status. Inclinatione Temporum, Ratio Concordiæ postulant, defendendæ, *Id. orat. pro Cn. Planc. fin.* Si Tacitum nostrum rursus evolvimus, multa Hic habet pro Tempore. Quasi parùm in Tempore incipientes Principis Curas onerentur Milites rebelles, Blæsus dicit *lib. 1. Annal. c. 19.* Ubi Agrippina Brundisium venit cum Germanici cineribus, voce an silentio, vel quid pro Tempore faciendum, non constabat, *l. 3. Annal. c. 1.* Interim tamen ut illi, Milites, ex mente Blæsi, secus ex ipsorum Confiliò, negligentes, sic hic populus Rom. curiosus fuit Temporis in excipiendis Germanici Cineribus. Tempus igitur observandum Imperium ambient. Nero arte Matris ad regnum evectus, ubi Milites dissentientes deprehendit, congruentia Tempori præfatus, 'promissò Donativò; *l. 12. Annal. c. ult.* Livia non prius Augustum mortuum dicit, donec provisus, quæ

quæ Tempus monebat, simul excessisse Augustum, & rerum potiri Neronem, fama eadem tulit, *lib. 1. Annal. c. 5.* Idem Agrip. pina facit *d. lib. 12. Annal. c. 68.* Idem Vespasianus, cui Tempus Locusque versantur ante oculos, *l. 2. Hist. c. 80.* Ubi cuncta discordiis civilibus fessa, nomine Principis Augustus Imperium accipit, *Tacit. l. 1. Annal. cap. 1.* Benè ex tempore. Consilia etiam Tempori applicanda: Ea enim Consilia infelicia, quorum tempus effugit, *l. 1. hist. c. 39.* Magna pars Consilii est in Tempore, *sec. Senec. Epist. 71.* Etiam Leges; Placuerunt Leges Oppiæ, sic temporibus Reipublicæ postulantibus, *l. 3. Annal. c. 34.* Etiam, & Maximè Res dubiæ Peligno, ut Regnum Rhadamistus capeſſat Autor, oppositus Priſcus, rebus turbidis ut pro Tempore consulat, *l. 12. Annal. cap. 49.* Sic tumultuante Exercitu Drusus Filius à Tiberio mittitur ad illum, nullis satis certis mandatis, è Re consulturus, *l. 1. Annal. c. 24.* Temporis prætereà Rationem habet Phraſer apud *Iustin. lib. 38. c. 9.* qui Demetrium non misericordiâ vel respectu Cognationis ſervat, ſed quod Regnum Syriæ affectat, uſurus Demetriô adverſus Antiochum Fratrem, prout Res, vel Tempus, vel Fortuna belli exegerit. Sic Tiberio *l. 11. Ann. c. 63.* Maroboduus Ravennæ habitus, qui, ſi quaodo
info-

insolescerent Suevi, quasi rediturus, in regnum ostentabatur. Sic Agricola expulsam seditione domesticâ unum ex Regulis Gentis Hibernæ excepit, ac specie Amicitiae in occasionem retinebat: *Tacit. in Agric. c. 24.* Ita observat Tempus Vologeses in controversiis dirimendis, Locum Tempusque consilio destinatum, quid de Armeniâ, pro Fratribus quidem Pæto rescribens, sed sibi sic, ubi commodum, reservans, *l. 15. Ann. c. 14.* Mithridates in rebus afflictis, qui nullo in armis subsidio supplex; cultu vultuque quàm maximè ad præsentem Fortunam comparato, Regiam Eunonis ingreditur, genibusque ejus provolvitur, *l. 12. Annal. cap. 18.* sed paulò post ferociùs, quam pro Fortuna, apud Cæsarem disserit, *d. l. xii. Annal. cap. xi.* ut etiam victus Curactacus *d. l. 12. c. 37.* & Moroboduus, qui ad Cæsaris misericordiam fugiens, non ut profugus & supplex, sed ex memoria prioris Fortunæ scribit, *lib. 2. Annal. cap. 63.* Neuter ex Tempore: Bene autem ex Tempore duò utuntur Politico Lingonum Legati *lib. 1. Histor. c. 54.* & Suilius *l. 13. Annal. c. 42.* qui mutatione temporum, non quantum inimici cuperent, demissus, qui imperitante Claudio terribilis ac venalis fuit: Agricola commendatur *cap. 6. in Agric.* quod; licet Quæstor & Tribunus Quietem tamen &

ocium

ocium amaverit, gnarus sub Nerone temporum, quibus Inertia pro Sapientia fuit. Peccavit contra Galba *lib. 1. Histor. c. 5. fin.* Temporis non intelligens: ideò odium promeruit. Præter adductas Species actionum Tempori etiam servire debet, Simulatio, ut proinde Nero castigetur à Tacito *l. 4. Ann. c. 59.* cum Sejanus eum insectaretur, quid in præsentiarum conducirer, oblitus, quando à Libertis & Clientibus capiscendæ potentiae properis extimulatur. Imò & Militia, sic enim auxilia cohortium ex usu temporis huc illuc meâsse, crevisse numero, vel minuta fuisse, docet Idem *lib. 4. Annal. cap. 5.* Et Rei Absolutio, quomodo T. Vinius ex carcere dimissus mutatione Temporum, *l. 1. Histor. c. 48.* Tandem si aptum Tempori Mendacium, probari videtur Nostro *lib. 3. Histor. cap. 75.* vix mihi si Rebelles etiam in Tempore se efferunt, cum Galliarum Proceribus *l. 3. Annal. c. 41.* contra eat Princeps, & ubi potest, omnes vinciat, nocentes & innocentes; fore enim Tempus ipsi credat, quò crimina & innoxius discernat, quale Consilium pro tempore, Germanis rebellionem parantibus, dat Q. Varo Segestes *ap. Nostr. lib. 1. Annal. c. 55.* quo non observato miserè periit Exercitus Romanus. Ultimum Tempus Pax respicit: & tunc optimum Tempus de pace agendi, dum sibi
uterque

uterque confidit, ut judicat Cæsar l. 1. de bell. c. 10. En ! totis Rationum pro Ratione Status quoad Tempus formandâ. Atque hæc mea etiam pro Tempore scripta. Temporum Moderatori Deo pro Ratione gratiæ agenda: regat hic præsentia & interiora Tempora, Nostrumque Statum, qui Mundi & Imperantium Statum ordinat, cui optimam quoque & ad Dei Verbum formatam Statûs Rationem commendamus. Pro hic omnibus & singulis

Iesu, Tibi Gloria!

F I N I S.



Ad 1
1455026

